

1. Al my bronne

Al my bronne spruit uit Jesus,
Hy in diepste nood voorsien
En bevredig my verlange;
Demp die vrees vir straf verdien
Ek sit veilig in sy skad'wee;
Aan sy voetbank rus geniet.
In sy bysyn is verfrissing;
Snags selfs sing ek Hom my lied.

Al my bronne spruit uit Jesus;
Liefde kies die hoogste taak.
Sou ek sluimer, waak my siel dan
Te gewaar as Hy my raak.
Kom na my, my Welbeminde;
Is U by my, vlieg die nag.
U die Bron van lewend water,
Vreugde, heil en hoop en krag.

Al my bronne spruit uit Jesus,
Wie ek hartelik bemin.
Hy het liefd'ryk my genader
En my hart vir Hom gewen.
Hy is hoogste uit tienduisend;
My Verlosser, Heiland, Vriend.
Ek 'n gunst'ling van my Vader,
Want Hy kies my as sy kind.

Al my bronne spruit uit Jesus;
'k Leef in sy goedgunstigheit.
In sy wonderbare liefde
Vind ek rus van sondestryd.
Hy bewaar my van die euwel,
Tot die aanbreek van sy dag.
Dan aanskou ek Hom in skoonheid;
En vlug skaduwees en nag.

2. Altyd voorwaarts

Altyd voorwaarts, vinnig voorwaarts,
Waarheen gaan u, liewe vriend?
Is dit om te woon by Jesus,
Waar u ewig rus sal vind?
Altyd voorwaarts, vinnig voorwaarts,
Sê my sondaar, waar's die end?

Altyd voorwaarts, vinnig voorwaarts,
Niks die tyd se gang vertraag.
Soet gedagte, somm'ge gaan al,
Na die oord van reine dag.
Altyd voorwaarts, vinnig voorwaarts,
Christus Leidsman, Christus krag.

Altyd voorwaarts, vinnig voorwaarts,
Afdraand gaan hul nog maar voort;
Dink nie aan hul siel se heil nie.
Gee nie ag op God se woord.
Altyd voorwaarts, vinnige voorwaarts,
Jesus hart word wreed deurboor.

Altyd voorwaarts, vinnig voorwaarts,
Tyd sy gang so gou sal gaan.
Nog hoor ons die sagte smeekstem
Van die Een wat trou hier staan:
"Kom, wees welkom; kom, wees welkom;
Lewe gee Ek u voortaan."

3. As die Heiland roep

As die Heiland roep, sal ons Hom wil sien?
Kan ons sê? “Heer, U het ek trou gedien.”
Sal ons hoor van Hom? “U was My getrou,
Kom, beërf U Meester se vreugde nou.”

Bou ons hier ’n huis op die rotsbank vas;
As die storm dan loei en die reën neerplas?
Sal dit altyddeur onbeweeglik bly.
Selfs wanneer ons gaan na die ander sy?

Bou ons hier ’n huis op die los dryfsand
Is dit nie teen reën en die storm bestand?
Ag hoe jammer tog as ons so gaan bou,
Want vir altyd dan het ons diep berou.

Laat ons dus maar bou soos die Meester leer;
Laat ons neem tot Hoof, net ons dierbaar’ Heer,
En ons volg Hom na, laat die wêreld hoon;
Op die Rots gebou, word ons werk bekroon.

4. As ek die Kruishout

As ek die Kruishout gadeslaan
waaraan die Hemelkoning hang,
Is al my rykdom enkel waan;
Verfoei ek trots en selfbelang.

Verhoed dat ek sal roem, O Heer,
As slegs, O Heiland in U Kruis;
Die ydelhede van weleer
Gee ek gewillig vir U prys.

Aanskou sy hand, sy hoof en voet
Waar smart en liefde samewoon;
Het liefd' en smart ooit so ontmoet;
Was dorings so gevleg tot kroon?

Had ek die wêreld selfs, voorwaar,
Sou dit 'n nietig' offer wees,
'n Liefd' so god'lik, wonderbaar
Eis my - my liggaam, siel en gees.

5. As ek dink aan my Heiland

As ek dink aan my Heiland.
Die Seun van God so rein.
Aan sy genad' en liefde,
Aan al sy smart en pyn,
Vul dit my met verlange
Dat in die wêreld hier
Ek vir sy diens wil lewe
En nooit sy Naam onteer.

*Ek wil voortaan soek te leef vir Jesus,
Help my, Heer, 'n trou' getuie bly.
Mag my wandel, woorde, werke daaglik
Toon aan almal Jesus woon in my.*

Die pad is vol van dorings,
Wat Hy moes loop, Gods Soon;
Die ned'rig Man van Smarte,
Wat dra die spot en hoon.
Dit eis nog selfverloëning,
En opneem van die kruis;
Te wees 'n troue volg'ling
Meen nog te word verag.

My hart sal wees sy tempel
En as Hy daarin woon
Hou Hy my rein en vlekloos
Selfs waar die sonde troon.
My lede Hom gewy hier
Kan Hy gebruik van maak,
Te dink aan so 'n Gods-eer
Laat my sy vreugde smaak.

6. As my hart so swaar

As my hart so swaar belas is
En ek glad nie kan verstaan;
Dit waaroor ek geen beheer het,
Laat ek in sy hande staan.

*Ek laat alles oor aan Jesus,
Want ek weet dat Hy verstaan;
Dit wat ek nie kan verander
Kan maar in sy hande gaan.*

Mensehart stel dikwels vrae
Hoe dat goed van kwaad verskil;
Maar die antwoord is in Jesus,
Ons meet alles aan sy wil.

Elke dag kyk ek na Jesus,
Niemand is so lief, so sag.
Alles aards wat mens hier koester
Moet tog agterbly eendag.

Eendag sal elk' oog Hom raaksien,
Lewend, heersend oor almal;
Dan moet groot en sterke nasies
Voor Hom buig en voor Hom val.

7. As ons dae so stil

As ons dae so stil verby vlieg,
Soos 'n boek wat geblaai word elk' dag,
Laat ons sit aan die voet van die Heiland
Vir sy liefdevol raad wat daar wag.

As ons maar sou weet wat hierna ons wag.

Sal ons nie nou sy gebod verontag.

Ons sal waardeer die groot prys berei

Wat wag vir u en vir my.

Elke tree is net een tree nader
Op ons reis na die einde van tyd.
Die gedagte herinner ons steeds aan
Die bestemming, die ewigheid.

In die dag van besluiteloosheid
Het gesterf menig' siele bewoë.
Toe die koste te hoog lyk vir redding
En te ned'rig sy Weg in hul oë.

Elke dag is net een dag nader,
Wanneer ons Hom in glorie sal sien;
In sy hand hou Hy altyd die septer
Met 'n welkom vir die wat Hom dien.

8. As skoon is die lug

As skoon is die lug en u hart voel bly
En hoop aan u siel krag verleen;
Oorwinning u deel is en Hy naby
En u die weg duid'liker sien.

*Hou dan aan die hand van Jesus maar,
Waarheen Hy ook mag lei
En merk die pad tot die reis is klaar
Met dade rein soos Hy.*

As seer voel u hart en ook swaar die lug;
As moeg is u struik'lende voet,
Waar u die saad saai met 'n traan en sug
En orals mislukkings ontmoet.

U stryd hou eers op as die dag breek rein
En u elke toets sal waardeer
Wat u aan sy voete gehou het klein,
Om daar van Gods beste te leer.

9. As storme woedend

As storme woedend om my heen slaan,
Kom onweerswolke my ook teen,
Mag ek sy heiligdom dan ingaan
Waar ek kan wees met God alleen.

Alleen met God, aan wêreld sterwend;

Alleen met God, my toevlugsoord.

Alleen met God, die hemel erwend,

Waar Hy tot my spreek uit sy woord.

Al word dit hier vir my ook duister,
Laat strafgerigte my soms ween,
Hoe salig as ek Hom hoor fluister
Waar ek so wag op God alleen.

Dis daar waar Hy my af wil sonder
Waar voetspoor lei oor sandduin heen.
Sy skoonheid kan ek dan bewonder
Wanneer ek kniel voor God alleen.

10. As swaar beproewings

As swaar beproewings oor my kom.
Die pad soms donker word vir my,
Hef ek my oog tot God omhoog,
Hy sal my dag en nag voortlei.

As somber vrees my hart beklem,
Neem ek my toevlug tot die Heer,
Hy gee my vreugde, vrede, lig,
Sy soete rus, wat ek begeer.

Voorsiening ryk het God gemaak
Vir die wat soek sy aangesig,
Die rein van hart sal Hom aanskou,
Hy ken die hart tot Hom gerig.

Die wedloop wen die vlugste nie,
Die sterkste held nie juis die stryd,
Gehoorzaamheid aan Jesus' stem
Lei tot oorwinning hier altyd.

Dan nooit verflou nie, volg ek steeds
Die pad waar Hy het voorgedaan,
Sy bloedspoor lei my seker tuis,
Ek kom by Hom dan veilig aan.

11. Begin die dag met God

Begin die dag met God;
Kniel voor sy troon nou neer.
Vertel Hom al u smart en leed
En soek sy wil te leer.

Slaan oop die Woord van God
Bepeins wat u daar lees
Dat dit kan heilig heel u hart;
Verwyder al u vrees.

Gaan deur die dag met God,
Wat ook u lot mag wees;
Waar u ook swerf, of werk, of woon,
Ook daar vertoef sy Gees.

Hou u gedagte rein;
U gees omhoog verhef.
Erken sy goedheid u betoon
En offer dankbaar' lof.

Sluit af die dag met God;
U sond' aan Hom bely.
Vertrou in sy versoenend' bloed
En pleit sy heiligheid.

12. Behou u greep, o siel

Behou u greep, o siel so moeg vol smart,
Hou vas aan Hom.

Behou u greep, die nag kom voor die dag.
Hou vas aan Hom.

Die pad is steil, vol vrese en gevaar;
Hef op u hoof, die Heiland self is daar.

Hy ken die weg, sy trane merk die pad,
Hou vas aan Hom.

Gee ag op Hom sy hart ken al u vrees,
Hou vas aan Hom.

Hoe donker ook, al is u vriende weg;
Geen enkel' lig, hou vas, sy Weg is reg.

O siel wees braaf, geen prys is ooit te groot,
Hou vas aan Hom.

Die dag sal breek na al u vrees en nood.
Hou vas aan Hom.

Die lewe hier is tog maar kort van duur,
Gou daal die nag en ook u laaste uur.

As alles skoon en lieflik hier vertoon,
Hou vas aan Hom.

Kom onverwags gevare op u pad,
Hou vas aan Hom.

Al is dit donker of ook lig soos dag.
Genade gee Hy as ons bid en wag.

13. Biddend in die Gees

Biddend in die Gees gedurig,
Nooit verflou, wat ook gebeur;
Jesus leef, hou as oorwinnaar
Alles onder sy beheer.

*Altyd biddend, nooit vertragend,
God sal hoor sy eie kind,
By Hom is hul siele dierbaar,
Hul sal troos en redding vind.*

Biddend as die wolke saampak
En die sonlig nie meer skyn;
Deur die eensaamheid en smarte,
In die stille nag van pyn.

Biddend as u kry oorwinning,
Soek dan sy genad' en krag;
Gaan voort onder sy beskerming,
Onbeweeglik dag na dag.

Biddend dat ons dan mag volhou
In die stryd deur ons aanvaar.
Dat ons onder die getroues,
Ook getel word eendag daar.

14. Bly by ons Heer

Bly by ons Heer, die dag het reeds gedaal;
Wees tog ons lig, as daar geen son meer straal.
Lei ons op die oneffe lewensbaan,
Bly by ons Heer, ons laat U nimmer gaan.

Dis soms so duister in en om ons heen;
Ons voel ons so verlate en alleen.
Die lewe, eens so sonnig en so bly,
Skyn dan maar net 'n dorre woesteny.

So menig' blom verdor en het vergaan;
So menig' vriend vir altyd weggegaan.
Ook druk ons swaar die lewensorg en stryd,
Bly by ons Heer, ja nou en vir altyd.

En dan wanneer ons lewensdag hier daal.
En U vir ons die sterwens-uur bepaal,
Lei ons dan na U hemelsvaderhuis;
Ja, bly by ons dan is ons ewig tuis.

15. Bly in die Heer

Bly in die Heer, geduldig loop die baan;
Hy gee u hulp die vyand te weerstaan.

Bly in die Heer en as versoeking kom
Staan vas en trou, u kry u krag van Hom.

Bly in die Heer, as toetse druk terneer,
Genade ryklik vind u keer op keer.

Bly in die Heer, verduur die kruis se las
En maak u roeping en verkiesing vas.

Bly in die Heer, sou ander' keer opsy;
Die rank wat leef sal in die wynstok bly.

Bly in die Heer, gehoorsaam aan sy wil;
Hy kan dan in u hart sy doel vervul.

16. Breek U die lewensbrood

Breek U die lewensbrood,
Vir my ook, Heer,
U het dit eens gebreek
Daar by die meer,
U woord alleen, O God,
Bring lewe voort.
My siel verlang na U
O Lewend Woord.

Deel uit die lewensbrood,
O Heer, aan my,
Dat in my hart bewaar
U woord mag bly.
Wek U die Christussin
In my almeer.
Wil elke skrede lei
En my beheer.

Ontsluit U dierbaar woord,
Dan sien ek daar
Hoe U die boodskap
Self aan my verklaar;
In U gemeenskap soet;
U toegewy,
So sal U heerlik' beeld
Herleef in my

Heilig U waarheid, Heer,
Deel dit my mee.
U het die brood gebreek
Eens by die see;
Dan bind geen bande meer
En boeie val;
So vind ek vrede, rus,
In u my Al.

17. Bring my die boodskap

Bring my die boodskap van Jesus,
Skryf op my hart elke woord.
Bring my die boodskap so kosbaar,
Soetste nog ooit hier gehoor.
Hoe dat die eng'le in koorsang
Sing om Hom welkom te heet,
“Eer aan ons God in die Hemel,
Vrede wat niemand kan meet!”

*Bring my die boodskap van Jesus,
Skryf op my hart elke woord,
Bring my die boodskap so kosbaar,
Soetste nog ooit hier gehoor.*

Sê my hoe Jesus op aarde
Honger verduur het en pyn,
Hoe Hy versoekings weerstaan het
In die verlate woestyn.
Meld van die jare van arbeid,
Van al die smart wat Hy dra.
Hoe Hy verag en verwerp is,
Sonder om een maal te kla.

Spreek van sy dood aan die kruishout,
Lyding en smart was die prys,
Hoe Hy in triomf en glorie
Weer uit die graf het verrys.
Liefde so groot en onmeetbaar
Kan ek in alles bespeur;
Laat my sy spore dan navolg
Wat ook al hier mag gebeur.

18. Christus kom nou

Christus kom nou, Christus kom nou!
Hou ons oë op Hom gerig,
Want die laaste groot vervulling,
Van al' dinge is in sig.
Hy kom gou in al sy glorie,
Triomfantlik daal Hy neer.
Hulle wat Hom liefgehad het,
Sal verrys, sal sterf nie weer.

Christus kom nou, Christus kom nou!
En ons liggaam' swaar beproef;
Wat ons aan Hom toevertrou het
Sal nooit weer nie, wees bedroef.
Soet gemeenskap dan vir ewig
Dieper vreugde sal ons leer
En aan God, die grote gewer,
Jubelsange tot sy eer.

Christus kom nou, Christus kom nou!
Laat ons nou ons voorberei;
As ons deel in sy verwerping.
Sal ons van sy glorie kry.
Nou versaak ons aardse vreugde,
En ons wag net op die dag;
Wanneer Hy in sy volmaaktheid
Sal vertoon Sy sterke mag.

19. Daal lewenseinde

Daal lewenseinde, moet ek hier afreis
Deur dal van dood heen, ken ek geen vrees.
Besit ek Jesus, sy sorg en leiding,
Voel ek so veilig by Hom te wees.

Deur donker dale wat voor my uitstrek
Straal lig meer glansryk as van die son,
Verlig my voetpad; vernu my hoop weer;
Ek sien in Jesus my lewensbron.

Ek hoop op Jesus, Ster van die môre.
Hy was Oorwinnaar oor graf en dood;
Het met sy lewe ons skuld betaal hier
En deur genade gered uit nood.

O Heerlik' dagbreek, opstandingsmôre;
As ek deur Jesus dan mag verrys,
Sal ek Hom eer bring, my troue Heiland;
My siel sal ewig Hom dank en prys.

20. Daar is 'n Heiland

Daar is 'n Heiland, sy liefde duur ewig.
Hy wag in genade op u en op my,
Hy wil u omhels en u kroon met sy vrede.
Kom dan tot die Heiland, sy lief' is so vry.

Ook u roep die Heiland;

Ook u roep die Heiland;

Ook u roep die Heiland;

Hy roep u reeds nou.

Smaak van sy goedheid terwyl Hy dit aanbied,
Die vreugd' van sy koninkryk u onbekend.
Die Herder self lei u, Hy help en beskerm u.
Wil dan tog betyds nog u hart na Hom wend.

Hy gaan verby en miskien reeds vir altvd
Waardeur die geleentheid nou nog so naby.
Neem wat Hy u aanbied, nou is daar die tyd nog.
O neem dan die stap tot die ingang so vry.

21. Daar is 'n weg

Daar is 'n weg 'n noue weg,
Wat na die hemel lei;
'n Vredeweg van heiligheid,
Dis oop vir u en my.

My siel begeer so vuriglik

Die weg van saligheid.

Heer, hoor my roep en lei my in

Die weg van heiligheid.

Wil ons dit vind, die lewensweg,
Laat ons die sonde staan.
Die rein van hart het God gesê,
Alleen mag binnegaan.

Daar is 'n weg. 'n ned'rig' weg,
'n Weg van broedermin;
Die hoofweg van geregtigheid
Waar selfsug nie kan in.

Daar is 'n weg, volmaakte weg,
Bewandel deur sy kind
En die wat hier sy lyding deel,
Sy vreugde ewig vind.

22. Daar kom donker dae

Daar kom donker dae in die lewe hier,
Wanneer ek alles nie verstaan,
Maar ek weet U oog hou die wag omhoog:
Skenk gena' om steeds aan te gaan.

Help my se: "Nie my wil geskied."

Help my doen al wat U gebied.

Gee dan krag aan my en genade vry

Om te sê: "Heer, U wil geskied."

Heer, ek's nie bekwaam om my weg te rig;
Ook geen stap kan ek voorwaarts gaan.
Wees my steeds naby; laat U hand my lei,
Of ek dwaal van die lewensbaan.

Help my, Heer, te wees soos 'n plantjie teer
Wat kan buig in U god'lik' hand.
Heer kom woon in my; hou my aan U sy
Ek ontbreek wysheid en verstand.

Help my, Heer, te sien soos ek dan sal sien
Wanneer tyd hier bestaan nie meer.
Ek sal antwoord: "Ja," wat U ook al vra
En ek kniel dankbaar voor U neer.

23. Deur die nag van smart

Deur die nag van smart en twyfel
Gaan die pelgrimsbende voort;
Met 'n lied vol bly' verwagting;
Hemel hul bestemmingsoord.

Helder deur die duister skynend
Straal die lig wat leiding gee.
Broederhand in hand van broeder
Onbevrees die weg betree.

Diep bewus van God se bysyn:
Dis soos dou wat op ons daal,
Dit verdryf die vrees so somber.
Met 'n glans ons pad bestraal.

Een die doelwit van ons reise;
Een die onvermoeid' geloof;
Een die oog wat blik na vore:
Een die hoop. slegs een die Hoof.

Een die lied wat duisend tonge
'Hef soos uit die hart van een;
Een die worst'ling teen die vyand;
Een die weg deur God geseën.

Een die blydschap van verheuging
Wat aan hemelkus ons wag;
Een die Vader wat in liefde
Heers tot laaste nageslag.

24. Deur eer en oneer

Deur eer en oneer trou bewaar.
Red U ons. Heer, uit elk' gevaar.
U is ons staf, ons skild, ons swaard;
Ons volg U na.

Omring deur magte aan elk' kant
Verlos U ons met sterke hand;
Bevry van elke aardse band;
Volg ons U na.

O Meester, toon U ons die weg;
Teen al wat kwaad is leer ons veg,
Dan op U weg getrou, opreg;
Volg ons U na.

U het vir ons die weg gebaan,
Waardeur ons nou tot God mag gaan.
Gee moed en help ons vas te staan;
Ons volg U na.

Wie het ons buiten U, O Heer,
In hemel of op aarde meer?
Bestraal ons met U liefde teer;
Ons volg U na.

25. Deurgrond my hart

Deurgrond my hart, en kyk, O Heer,
Of daar iets is bedek
Wat my tot skand' of skade is
Of U tot oneer strek.

Deurgrond my hart; bring uit, O Heer,
En deur U Gees my toon
Die diepste sonde wat tot nou,
Verborge in my woon.

Deurgrond my hart en laat, O Heer,
Geen ding daar skuil, hoe klein,
Wat oneer aan my Heiland bring
Of aan my naaste pyn.

Deurgrond my hart en gaan, O Heer,
So ver U ligglans skyn;
En laat, van wat U oog ontmoet
U bloed my was dan rein.

26. Die God van hemel

Die God van hemel roep na my
Totdat my siel sy boodskap kry;
Al weet ek nie wat op my wag,
Sê ek so bly, “Stuur my vandag.”

*Gedring deur liefde gaan ek weer
Die sondaar te gaan soek, O Heer,
Want in my hart het daar ontvlam
'n Brandend' liefde vir U Naam.*

Ek hoor die skape wat daar blêr
Ek sien die lammertjies van ver;
Ek luister na die sondaar pleit,
En sê, “Stuur my, ek is bereid.”

Ek durf nie vra, “Heer stuur U my?”
'Wyl duisende in sonde bly,
Maar alles in my hart roep uit,
Hier is ek Heer, ek sê dit luid.

Sy kosbaar' Naam wil ek graag dra
In antwoord op sy groot gena'.
En meer soos Jesus wil ek wees
Volmaak patroon, dieselfde gees.

27. Die Heiland roep dringend

Die Heiland roep dringend, neig Hom tog u oor.
Die hemel wag angstig of u sy stem hoor;
Bedroef nie sy Gees nie, doen Hom tog geen smart;
Verlaat Hy u, bly daar geen hoop in u hart.

Die deur is nou wyd oop; sy goedheid is groot.
Wat staan u te wag dan miskien kom die dood;
Die bose wil hinder: “Wag nog maar ’n dag.”
Hoe jammer te sterwe in pikdonker nag.

In duisternis voortgaan, sy lig te ontsê:
Onwillig te dien Hom, ontken u die reg;
Versmaad u die Heiland, hoe vreeslik u lot;
Verwerp u die Heiland dan het u geen God.

28. Die Heiland soek nog altyd

Die Heiland soek nog altyd
U beste vriend te wees:
Hy roep u nou om Hom te dien
In waarheid en in Gees.

*O gee u oor aan Jesus,
Sy wil te doen u lus;
Laat die wêreld staan en u gewaar
Hy gee u vrede, rus.*

Die Heiland klop nog altyd,
Hy wil u hart verbly;
As Hy u wen, sien u sy liefd'
En hoeveel Hy moes ly.

Die Heiland spreek nog altyd,
Sy liefdestem is sag;
Dit bring 'n ewig' groot gewin
As u gee daarop ag.

Die Heiland gaan verby nou,
U allerbeste tyd;
Die keuse wat u maak, sal bly
Deur al die ewigheid.

29. Die Heil'ge Gees spreek

Die Heil'ge Gees spreek saggies
Vroeg voor die oggendlig;
Dring my te dink aan Jesus,
My hart in gebed te rig.
Staan op my siel en antwoord
Die stem tot my gerig,
Voor aardse sorge hinder
En ek voor versoekings swig.

Die Heil'ge Gees vermaan my
Dat Hy my sonde ken;
Lei my opnuut na Jesus,
Wat sterf om my siel te wen.
Mag daar trou' onderwerping
Hier in my hart nou wees,
Dat ek versoen, gebroke.
Kan leer van sy liefde steeds.

Die Heil'ge Gees spreek saggies
Saans voor die donker nag:
"Werp al u sorg' op Jesus
Hy sorg vir u elke dag."
Wees stil my siel en glo sy
Liefd' se onsterflikheid.
U kan u aan Hom toewy,
Hy heers tot in ewigheid.

30. Die Here is my Herder

Die Here is my Herder trou,
Aan niks ontbreek dit my;
In weiveld groen gee Hy my rus;
Langs stille waters lei.

My siel verkwik Hy en Hy leer
My hoe te wandel stil
In spore van geregtigheid,
Sy eie Naams' ontwil.

Al sou ek ook die dood ingaan
Geen onheil sal ek vrees.
Want waar u stok en staf vertroos
Daar sal U by my wees.

Die tafel word my voorberei;
My vyande teenoor.
U salf my hoof met olie ryk;
My beker vol, vloei oor.

U guns en goedheid volg my na
Solank U hier my spaar.
En in U huis woon ek. O Heer,
By U vir ewig daar.

31. Die stem van die Herder

Die stem van die Herder dring weer tot u deur:
Hy bied van sy rykdom u aan.
Waarom oor die berge van sonde dan dwaal?
Daar is rus by die kudde en vree'.

*Daar is rus, daar is vree',
Daar is rus by die kudde en vree'.*

Wat sonde u aanbied sal gou weer verdwyn,
U weet dit is kort maar van duur.
Die goud van sy ryk bly vir ewig bestaan
Waar die Herder sy kudde bestuur.

Die stem van die Herder dit roep u nou weer;
Waarom van gebrek kom u om?
Daar's brood en te spaar en geen skaarste is daar;
Kom tog nou tot die kudde, o kom.

32. Die stem van Jesus roep

Die stem van Jesus roep my nou.
Graag staan ek op en gaan,
By Hom wil ek in vrede woon,
Hy bied vergifnis aan.

*Ek sal gaan, belas met sonde,
Moeg, van skuld bewus,
Hoe onwaardig ook, ontvang my
Tot beloofde rus.*

My gees dit ken die vrede nie,
Onrustig dwaal ek rond,
Maak so my smartlik' laste swaar,
Verkort my lewenstond.

Genade groot hou Hy my uit
Wat troos en red en lei.
'n Weiveld altyd fris en groen
En waterstrome vry.

Ek hoor Hy roep herhalend weer
In sagte klanke soet:
“'n Rus wat ewig rus sal wees,
Wag u vermoeide voet.”

33. Die tere Herderstem

Die tere Herderstem
Streel my onrustig' hart.
Van sonde, ongeregtigheid
Heel Hy en troos my smart.

*O ontvang my, Heer.
Ek kom nou tot U;
Laat sy liefd' en lewenskrag
My lewe hier vernu.*

My lewe wil ek gee
En niks van U weerhou.
Vermoeid soek ek net na U rus;
Vertroos my hart tog nou.

O Herder sag en teer
Gee my U liefde, moed;
Maak lewend en bewaar my siel,
Van sonde my behoed.

My Heiland, laat my keer
Van swerftog oor die land.
U lewe deel U mee en red;
Bewaar my, hou my hand.

34. Die wêreld het ek oorwin

“Die wêreld het ek oorwin,”

Jesus woorde bly.

Wandel daaglik in die Weg

Van al knegskap vry.

*Wandel voort in sy Weg,
Niks sal u kan skei nie;
Liefde sterker as die dood,
Maak u ewig Syne.*

Glo net in sy reddingsbloed

Wolke sal weg swewe.

Al my sonde skoon gewas,

Alles is vergewe.

God’lik’ liefde dra my deur

Dae van beproewing:

Sing ek nou met vreugd’ en lof

Van Sy groot versoening.

Groei ek in Sy waarheid, guns,

Soet die evangelie.

Die wat Hom vir altyd min,

Deel ook in Sy glorie.

35. Die wil van God

Die wil van God is dierbaar soet,
My ankerrots, my vestingkrans.
My gees vind daar 'n rusoord skoon;
Dit swyg en skuil in U verskans.

O wil wat soek die beste steeds,
Wys U die weg, wees U my steun.
As kind nog klein volg ek U na,
In vol' vertroue op U leun.

U wonderskone Wil, my God,
My eie wil gevange lei.
Deur U omhels, sal my siel sing
Van guns wat U betoon aan my.

O ligste las: O sagste juk;
U hef my op en voer my weg.
Op vleuels vaar my siel omhoog;
Dis vryheid om te wees U kneg.

U wil my God, verhewe, rein,
Roem ek nou hoog met bly' gesang;
Geloof roep uit van harte: "Ja!"
Te doen wat U van my verlang.

36. Dierb're Jesus U te ken

Dierb're Jesus U te ken hier
Is vir my die grootste skat.
En U weë te bemin Heer
Is wat vir my troos bevat.
Alles het syglans verlore,
Rykdom, mag en roem en eer.
U alleen het ek verkore,
Het aan U genoeg, O Heer.

As 'k U skoonheid mag aanskou, Heer.
U word my naby gebring,
En my hart met vas vertrou
Word met god'lik' mag omring.
Dan moet alles wel verdwyn hier
By die allergrootste skat;
Dan moet alles ydel skyn hier
Wat die wêreld ook bevat.

Ja, dis alles gans begeerlik
Wat my siel hier by U vind.
Troue Jesus, dis so heerlik,
U te ken ook as my vriend.
In my nood tot U, O Heiland
Met my sorge, moeite, stryd;
Kinderlik tot U te kom want
Dit gee vree' en saligheid.

37. Dierb're Verlosser

Dierb're Verlosser, U is my verlossing,
Alleen U bloed kan sondeskuld versoen.
Gee my tog steeds net heilige berusting,
Dat ek voortaan nou net U wil sal doen.

O, hoe probeer die wrede self my hinder,
In sonde en ellende vasgevang.
Help my, O Heer, dat ek met vol oorgawe
U dienskneg wees, te doen wat U verlang.

Koud en verhard kan ek net sonder U wees;
Gee my genade, liefde elke dag.
Skenk my U Heil'ge Gees dat ek bewus word
Van U belang en lewendmakend' krag.

Vul my met deugszaamheid en U genade.
Reinig en neem nou hierdie hart van my.
U het U bloed in liefde uitgestort Heer,
U liefde het oorwin, ek is nou vry.

Help my om in U heiligheid te wandel,
Geest'lik volmaak voor U en sonder blaam.
Blus elk' gedagte, elk' onstuimig hartstog,
Sodat ek mag vergroot U heerlik' Naam.

38. Dis nie vergeefs

Dis nie vergeefs as ons deur woord en daad
Onself hier toewy aan die Heer op aard'.
Laat ons dan moedig wees en sterk,
En met geheel ons hart wees in sy werk.

*Dis nie vergeefs. Mag ons dit nooit vergeet!
Die soet gedagte waar ons Hom vereer
Met wat ons sê, of dink, of doen
En tot die einde aan sy wil voldoen.*

Dis nie vergeefs aan sonde nou te sterf
Om so die ewig' lewe te beërf.
Ons bied 'n lewend' offer nou
Om ons van dood se angel te weerhou.

Dis nie vergeefs in liefde voort te werk.
Met hart en doel verhewe en versterk.
Dit sal die Here nooit ontgaan,
Wat iemand doen uit liefde vir sy Naam.

Dis nie vergeefs om lyding te verduur,
Deur alles heen word hulp aan ons gestuur.
En as ons stry om vol te hou,
Sal ons eendag sy aangesig aanskou.

39. Dis U genade, Lam van God

Dis U genade, Lam van God,
Wat op die pelgrimsreis my lei,
Die mag van Satan wek soms vrees,
Maar in gebed kom U naby.

O gee dat ek in U mag bly.
U is my toevlug en my krag;
U kosbaar' bloed al wat ek pleit
Waar ek in stilte voor U wag.

Net U genade, liefde, Heer,
Verbreek die trotse hart in my
Dit wen en vul my ganse siel
En maak my van die sonde vry.

Ek kom tot U vir sielerus,
Dig aan U sy, lê ek my neer;
Onedel' hart wat U verraai,
Die Sieleheiland, Gids en Heer.

Al sou ook aard' en hemel wyk,
U woord staan vas deur d' ewigheid;
U het die saligheid beloof
Aan die wat trou bly in die stryd.

40. Doen net U wil, Heer

Doen net U wil, Heer,
U wil met my,
U die Formeerder,
En ek die klei.
Vorm my en maak my
Volgens U wil,
Vol van vertrouwe,
Wag ek nou stil.

Doen net U wil, Heer,
Hou my hart sag,
Toets my, deurgrond my,
Meester vandag.
Witter as sneeu Heer
Was my tog skoon,
Terwyl ek biddend
Kniel voor U troon.

Doen net U wil, Heer,
U wil met my.
Moeg en gewond, Heer,
Wees my naby.
Krag, al die mag kom
Net van U Heer.
Raak en genees my,
Heiland tog weer.

Doen net U wil, Heer,
Ek wil U eer.
Neem oor my lewe
Volle beheer;
Vul met U Gees my
Dat almal sien
Christus leef in my,
Hom wil ek dien.

41. Donker is dit om my heen

Donker is dit om my heen
En ek voel my so alleen;
Diep van sond' en skuld bewus
Vind ek nêrens troos of rus.
God van liefde, ek verstaan
U neem arme sondaars aan;
Ook is ek daarvan bewus,
Aan U voete seek ek rus.

Diep onwaardig kom ek, Heer.
Val hier aan U voete neer;
Red my van die Satansmag;
Gee my tog oorwinnaarskrag.
Reinig my in Jesus bloed;
Gee ook vred' in my gemoed;
Neem my, arme sondaar aan
Om ook in U weg te gaan.

Hoor tog my gebed, O Heer,
Sien genadig op my neer;
U het and're welgedaan;
Neem ook my as kind nou aan
God van liefde, ek verstaan
U neem arme sondaars aan;
Ook is ek daarvan bewus,
Aan U voete seek ek rus.

42. Dood in sonde, ver van God

Dood in sonde, ver van God,
Soek die mens maar net genot:
Met geen God ontfermend goed;
Met geen hoop oor graf en dood.

*God bied u sy saligheid -
Dis nou u geleentheid.*

God roep u van sondeweë;
Roep u nou om toe te tree
Tot Sy enge, ware weg,
Wat u voortlei in Sy reg.

Wil u sterf? Dit was vir u
Hy Sy lewe het kom gee
Lewe wat Sy lig laat skyn;
Bloed wat was van sonde rein.

Die genadetyd gaan oor
As God u me meer sal hoor;
Nou's die aangename tyd
Waar God nog so met u pleit.

43. Een ding begeer ek

Een ding begeer ek van my Heer
Want al my weë is onrein.
Gaan ek deur water of deur vuur,
O maak my rein, o maak my rein.

*Was my dan binne, buite, Heer;
Reinig my deur U god'lik' vuur.
Solank daar sonde in my heers
Rus ek nie meer, rus ek nie meer.*

As hier my oog meer duid'lik sien,
Word ook my siel dankbaar en bly;
Maar ag, 'n suiwer, reiner hart,
Is meer vir my, is meer vir my.

Ek sien nog ongeregtheid
Wat in my hart en lewe bly;
Hoeveel ek worstel, stry en bid,
Bly dit in my, dit bly in my.

44. Een lewe hier

Een lewe hier en gou snel dit ten einde;
Wat wêreld bied, gaan net so gou verby.
So sorgeloos en soekend na plesier hier,
Hoe kosbaar is die siele wat sal ly.

Een lewe hier, die reis is kort van duur maar,
Wat sal dit bring vir u en ook vir my?
Een lewe hier, moet dit dan so verkwis word?
U kanse, o, so kosbaar gaan verby.

Een lewe hier, slegs enk'le jare diens nog;
Christen ontwaak, nie langer sluim'rend bly.
Groot is die nood, daar's siele om ons sterwend;
Koop uit die tyd, aan God u diens hier wy.

Een lewe hier, o dienaars van die Meester;
Arbei steeds voort al is die weg hoe steil.
Die lewenson se ondergang kom nader,
Lei ons na God en rus en ew'ge heil.

45. Eens was ons ver van God

Eens was ons ver van God vervreemd,
Verlore, sonder hoop in Hom;
En toe ons oorgee, stort Hy uit
'n Lewend', blywend' hoop in ons.

*In vas' vertrouwe is ons hoop
Nou diep gewortel in die Heer.
Hy lei ons veilig al die weg
En seën ons ryklik keer op keer.*

Eers toe ons leer in Hom te hoop,
Sy wysheid, liefd', gena', beproef,
Help Hy ons sonde te bestry
Wat eers geheers het, Hom bedroef.

Vandag kom groter toets' ons teen,
Waarteen nie almal is bestand,
Maar elkeen kry gena' genoeg
By Hom, Hy red met sterke hand.

Ons dink aan dae ver vooruit
En stel 'n lewend' hoop in Hom
Wat ons so min; Hy stort sy bloed
Dat ons van sonde vry mag kom.

46. Ek besit 'n vriend wat help

Ek besit 'n vriend wat help in nood
Wat tevredenheid en vreugde gee;
Een wat hier my siel en gees versterk
En vir my teen Satansmag intree.

*O skep in my meer liefde Heer,
U vriendskap wil ek meer en meer waardeer.
O help my toon dat U regeer
Vandag en ewiglik, my Heer.*

Om sy 'wil kies ek die pelgrimsweg,
Rig my hart op skatte nooit gesien.
Wat die wêreld aanbied laat ek staan,
Met 'n skoon, rein hart wil ek Hom dien.

Deur die lewe heen bly Hy my Vriend,
Kosbaarder as einde nader hier,
Vas vertrouend sal ek ondervind
Hy is nou en ewiglik my Heer.

47. Ek het Jesus altyd nodig

Ek het Jesus altyd nodig,
Want alleen durf ek me gaan.
Ek moet weet dat Hy my bystaan
Met sy arm om my geslaan.

*Dan hoef ek geen kwaad te vrees,
Laat Hy lei waar Hy ook wil,
Sonder klagte en gewillig
Waar Hy gaan daar volg ek stil.*

Ek het Jesus altyd nodig,
My geloof hoe sterk, gering.
Hy kan fluister troosryk' woorde
Soos geen ander stem kan sing.

Ek het Jesus altyd nodig,
Hy moet help om aan te gaan
Deur die stormgety en sonskyn,
Deur die stryd 'n weg te baan.

Ek het Jesus altyd nodig,
Dat Hy my die weg kan wys.
Tot die Doodsjordan bereik word
En die deining ek moet kruis.

48. Ek het U nodig hier

Ek het U nodig hier
Elk' uur, elk oomblik Heer;
U sagte stem alleen
Gee my die vrede weer.

*Ek het U, o so nodig;
Elke uur so nodig.
O, seën my, my Heiland,
Ek kom tot U.*

Ek het U nodig Heer,
Elk' uur, bly tog by my;
Versoekings het geen krag,
Want U is my naby.

Ek het U nodig Heer
Elk' uur in vreugd' of pyn;
Kom neem van my besit,
Wat aards' is, is net skyn.

Ek het U nodig Heer
Elk' uur, leer my U wil,
En U beloftes ryk
In my vervul.

Ek het U nodig Heer,
Elk' uur, o Heil'ge Seun;
Maak my U ware kind,
U die geseënde Een.

49. Ek hoor my sterwend'

Ek hoor my sterwend' Heiland sê:

“Volg My na, kom volg My na.

Ek het my lewe afgelê,

Volg My na, kom volg My na.

Ek weet hoe swak is hart en vlees;

Ek was ook self beproef gewees.

Kom maar, my kind, nou sonder vrees.

Volg My na, kom volg My na.”

“U sonde veel vergeef Ek u;

Volg My na, kom volg My na.

U hart onrein wil Ek vernu,

Volg My na, kom volg My na.

Waarom bevrees? Let net op My;

Vertrou My, Ek is u naby’.

Ek wandel altyd aan u sy;

Volg My na, kom volg My na.”

“Kom werp u las op My geheel

Volg My na, kom volg My na.

Met sorg en smaad so groot en veel;

Volg My na, kom volg My na.

Deur aardse wisselvalligheid

Sal Ek u lei in elke stryd;

Van tyd tot in die ewigheid

Volg My na, kom volg My na.”

50. Ek hoor sy stem

Ek hoor sy stem; my Heiland spreek tot my.
My siel verhef Hom; antwoord o, so bly:
“Gods’ Lam, geslag vir my op Golgota,
Ek hoor U stem en volg U deur gena’.”

Hoe salig soet te ken my God en Heer;
Hy daal ook van sy Vaderstroon hier neer.
Vir my verlaat Hy selfs sy Vadershuis
En sterf onskuldig aan die wrede kruis.

In stil’ gemeenskap met die Gees van God;
Met vreugd’ aanbid ek; wat ’n sielsgenot.
Ek kniel hier in aanbidding voor U neer;
Skenk my genade en ook liefde meer.

Nie meer vervreemd van Jesus’ liefde teer,
Maar reeds versoen aanskou ek nou my Heer:
Vreugd’ onuitspreeklik, vry van sieledors.
In vrede rus en lê ek teen sy bors.

51. Ek is nou 'n kind van God

Ek is nou 'n kind van God,
Vrygekoop deur Jesus' bloed;
Vir my sonde moes Hy ly,
Roep my, hou my aan sy sy
Voortaan heel my lewe heen -
Toegewy, aan Hom alleen.

Heil'ge Gees vol liefde leef
In my siel en daaglikse gee
Voorraad ryk aan U gena'.
Reinig my U Naam te dra,
Heel my siel, my liggaam, gees
Onder U beheer wil wees.

Help my Heer elk' dag te sterf
En te stry ook teen myself.
Sluit al aards' gedagtes uit,
God van liefde' en heerlikheid;
Heers oor alles soewerein.
Maak my hart, U woonplek, rein.

Open U my geestesoor
Sodat ek U woord mag hoor;
Help my nooit te rebelleer,
Maar myself oorgee almeer.
U genadig', heil'ge wil
Meer en meer in my vervul.

Klee my in U ned'righeid,
Laat ek U vind hier altyd.
Mag U lewe in my groei,
Mag ek selfsug nou verfoei.
Heer, voltooi U werk in my,
Vorm my in U hand soos klei.

52. Ek is tevrede in my Heer

Ek is tevrede in my Heer;
My rust'loos hart is kalm en stil,
My siel, so moeg, vind rus in Hom.
My vreugde is net in sy wil;
My siel sing nou 'n soete lof;
My gees is geen gevang'ne meer:
Terwyl ek hier sy Naam bely,
Volg ek Hom as my Koning, Heer.

*Gemeenskap o hoe god'lik rein
Onmeetlik' liefde, hemelsoet.
My siel dit ken 'n skuilplek daar,
Dis aan my dierbaar' Meesters' voet.*

Sy liefde het my hart oorwin;
Leef in die sonde voort nie meer;
Maar veilig van die Satanslis
Lê ek aan Jesus' bors my neer.
Ek hoor sy liefdevolle stem;
Sy aangesig skyn wonderskoon,
Terwyl sy tere sagte stem
My lewe met genot bekroon.

Ek volg Hom na; Gods' sond'loos' Lam;
Op weë rein en wonderbaar,
Totdat ek staan volmaak voor Hom,
Sy beeld in my word openbaar.
Breek dan die silwerkoord vir my,
Dat ek geen dae hier meer tel,
Gaan ek die ewig' vreugde in
Waar eeu na eeu soet heen sal snel.

53. Ek kan nie verder sien

Ek kan nie verder sien as hede.
Vir more kry 'k nie krag vandag,
Maar, liewe Heer, bewaar my veilig
Vir slegs die een stap weer wat wag.

*O Jesus, hou my elke skrede
Op weë wat U wys vir my.
Hou U my hand, Heer alvermoënd,
U sal my Hoop, my Sterkte bly.*

U het belowe in versoeking,
Gena' te skenk om te oorwin.
U maak voorsiening vir ontkoming
Uit elke strik so slu versin.

Vergetend al die vele foute,
Die sonde wat my soms laat ween,
Met oog gerig nou reg na vore
Wens ek te volg slegs U alleen
4 Die storme wat my soms oorweldig,
My voetstap selfs verberg van my.
Geloof in God vrees vir geen duister
En Hy die stap tereg sal lei.

54. Ek sou die lewe nooit

Ek sou die lewe nooit verstaan,
Het Jesus nie die weg gebaan;
Sy lewe duid'lik maak vandag
Hoe ons die Vader kan behaag

Hoe sonder hoop my siel sou wees,
Het Jesus ooit die kruis gevrees;
Op Golgota stort Hy sy bloed,
Dit gee vir ewig hoop en moed.

Ek kon op hierdie weg nie bly,
Het Jesus nie kom woon in my;
Sy lewe in my breek die kwaad,
Maak my soos Hy in woord en daad.

My moed sou my soms wil begee'
As Jesus nie vir my intree.
By die genadetroon te smEEK;
Daar's hartevree' wanneer Hy spreek.

Die wêreld kan my hier nie bind,
Want Jesus sal kom haal sy kind;
En as my lewenson eens daal,
Sal my hart fluister: "Hy's my Al."

55. Ek weet dat my Verlosser

Ek weet dat my Verlosser leef
En ek sal by Hom woon;
Die lig van God, wat my bestraal,
Daar's niks op aard' so skoon.

*My lewensloop is in sy hand,
Dit dien tot my behoud
En staan dit dan die vuurproef deur
Kom ek daaruit soos goud.*

Ek weet in wie ek hier nou glo,
My Hoop, my Steunpilaar.
Die pand wat ek Hom toevertrou,
Sal Hy getrou bewaar.

Ek is oortuig dat Hy sal hou
My lewe, want ek streef
Gehoorzaam aan sy eis te bly,
Ek sterwe om te leef.

Ek weet dat my Verlosser leef,
Want Hy tree vir my in
En gee gena' die kruis te dra
En Hom almeer te min.

56. Ek wil U beter ken Heer

Ek wil U beter ken Heer, dag na dag;
So graag tot U nou nader, op U wag
Dan luister meer aandagtig, sag en stil;
Te kies wat U sou kies Heer, wat U wil.

Ek wil U beter dien hier uur na uur.
Op U vertrou, my lewe te bestier.
Help my te doen dan voortaan net U wil;
Hier wag op U belofte, te wees stil.

Ek wil graag tot U nader, aan U sy,
Graag wil ek in U liefde my verbly
So rustig in U wil rus meer en meer;
Verseker dat U my hou en beheer.

Ek wil aandagtig luister na U woord
En volg hier in U voetstap ongestoord.
En, o, die meeste nog wat ek begeer
U self te sien en U dan te vereer.

57. Gaan arbei voort

Gaan arbei voort, stort u lewe uit;
Dis steeds u vreugd' te doen sy wil.
Die Meester het ons voorgegaan,
Volg dan sy voetspoor ned'rig stil.

Gaan arbei voort, dis nie vergeefs,
U aardsverlies is hemelsloon.
Al word u nie deur mens geëer,
Die Meester loof - sal u beloon.

Veel sterf in donker aan u sy,
Sonder 'n hoop verby die graf ;
Neem op die fakkel - laat dit vlam,
Diè lig wat duisternis verban.

Gaan arbei voort, o waak en bid!
Wees wys en help tog siele reg
En dwing die wat nog buite dwaal
Binne te kom deur God se Weg.

58. Gaan geduldig voorwaarts

Gaan geduldig voorwaarts
Op die weg met Jesus;
Vreugdevol, gehoorsaam,
Te doen alleen sy wil;
Oor die woeste golwe
Klink sy stem gebiedend.
Hy spreek 'n magwoord:
Vrede, wees nou stil.

“Ek verlaat u nooit weer,”
O die soete trooswoord
Uit die mond van Jesus
Hier op die lewensee:
“Ek verlaat u nooit weer,
Bly met u vir altyd;
Sonskyn of duister
Volg My elke tree.”

Niemand so getrou hier
Soos die Man van Smarte,
Van die wêrelds' droombeeld
Laat Jesus u bevry.
Hy stel u in staat dan
Glorie te beërwe;
Die ware rykdom
Onverwelklik bly.

Gaan voort met volharding
Volg Hom in die strydperk
En wil ly geduldig
Tot u Hom daar aanskou;
Tussen hemelinge;
Onder die getroues;
Een op wie Jesus
Altyd kan vertrou.

59. Gebed is steeds 'n bron

Gebed is steeds 'n bron van krag;
Daar sonder sal ons seker faal.
Toe Moses bid, moes vyande
Van Israel die prys betaal.

Dus broeder, suster, pleit en bid,
God heers in sy groot majesteit.
Sy oog aanskou sy gunsgenoot',
Sy oor hoor hul geroep altyd.

God waak oor die wat Hom aanbid;
Hy hoor hul bede dag en nag.
Hy skenk hul krag al is hul swak;
Behoed hul van die vyandsmag.

Die mag van sonde is wel sterk
En voer steeds siele na die dood.
En hul sal sterf as ons sou staak
Vir hul te bid in al hul nood.

Vervreemd van God dwaal siele ver
En Hy sien neer met jammer hart
Op oesveld groot, en werkers min,
'Wyl siele sterf in sondesmart.

My broeder, suster, bly in God
Met hart opreg, bly steeds getrou,
Dat siele nou nog dood in sond'
Die Christusbeeld in u aanskou.

60. Gebroke en verslae hart

Gebroke en verslae hart'
Sal U, Heer, nie verag;
U wil ons Skild en Sterkte wees;
Ons raad gee, dag na dag.
Gebroke gees dit is die prys
Wat hemelskure oop hou.
As ons waardig wandel hier
Sal Hy ons leed versag.

Die vlugste wen die wedren nie;
Die held nie juis die stryd;
Maar elke toets het Hy oorwin
In al sy ned'righeid.
Die stryd oorwin Hy in gebed
Geduldig, moedig, rustig.
Lewend offerande is
Verwerp deur mensenyd.

Oorwinning sal diegene kry
Wat luister na Gods's stem;
Soos Paulus trou gehoorsaam bly;
Gelowig aan sy woord;
Hul klere hier ook rein bewaar
Al sou hul vriende val hier;
Dit bemoedig ook die Heer
Te help wie Hom behoort.

61. Gedoop in Jesus Naam.

Gedoop in Jesus Naam.
Die weg deur Hom betree
Volg ek met diep ootmoedigheid
Met hart en siel gedwee.

Gedoop in Jesus Naam.
Met Hom begrawe nou,
Want aardsverlies bring hemelwins.
Te sterf bring geen berou.

Gedoop in Jesus Naam,
Om met Hom op te staan;
Die Christuslewe te besit,
Dat Hy daar heers voortaan.

Gedoop in Jesus Naam
Soek ons sy ryk tesaam',
Om Hom te dien met lof en eer,
Net liefde is sy Naam.

62. Gee aan die Meester

Gee aan die Meester u beste,
Gee van u jeugvolle krag,
Werp uself hart en met siel in,
Stry vir die waarheid met mag.
Jesus stel ons steeds die voorbeeld,
Moedig en dapper is Hy,
Gee Hom lojaal u gehegtheid,
Gee Hom u beste en stry.

*Gee aan die Meester u beste,
Gee van u jeugvolle krag,
Met volle 'rusting gewapen
Stry vir die waarheid met mag.*

Gee aan die Meester u beste,
Gee Hom die troon van u hart,
Stel Hom die eerste in alles,
Wy Horn geheel elke part.
Gee en aan u sal gegee word,
God het sy Liefste gegee,
Dien Hom uit dankbaarheid trou dan,
Wil Hom u beste bestee.

Gee aan die Meester u beste,
Niks minder kan u Hom gee.
Hy gee sy lewe as losprys
En ook sy heerlikheid mee.
Lê neer sy lewe vrywillig
U van die sonde te red.
Gee Hom u volle aanbidding,
Gee Hom selfs al wat u het.

63. Gee My u hart

Gee My u hart, sê die Heer van sy troon;
Niks is so kosbaar as liefd' Hom betoon.
Hy fluister saggies waar u ook mag wees:
Gee My u hart, en laat Ek daarin heers.

*Gee My u hart, gee My u hart,
Hoor die sag' roepstem waar u u bevind
Uit wêrelds duisternis wil Hy u lei,
Gee M u hart, in ontferming spreek Hy.*

“Gee My u hart,” sê die Redder so sag,
Roep in genade, Hy sal steeds bly wag:
“Keer tog u rug op die sonde en smart
Want Ek moes sterf vir u, gee My u hart.”

“Gee My u hart,” sê Gods' Heilige Gees,
“Laat heel u lewe My toevertrou wees.
Gunste oorvloediglik sal u dan vind,
Gee u nou oor aan My, word nou my kind.”

64. Geen reputasie met Hom

Geen reputasie met Hom wil ek gaan
Saaiend my lewe gewillig soos graan.
Saai in die Gees, wil geloof net betoon,
Stry en oormeester self, hoop op die kroon.

Geen reputasie. As Jesus moes ly,
Waarom dan kla of die smarte vermy?
Waarom verlossing soek, selfs van die kruis?
Hy sal net groei wanneer self word vergruis.

Geen reputasie, maar my siel begeer
Ewige lewe te deel met my Heer;
Vreugde en eer en oorwinnaar se loon.
Spotters sal swyg van hul smaad en hul hoon.

Geen reputasie en hier ongeag
Ook misverstaan, deur die wêreld verag.
Net God verstaan my, dit sal my verbly.
Dra ek blymoedig die kruis my berei.

Geen reputasie, tevrede O Heer,
Gee ek my lewe en neem dit nie weer;
Lewend of sterwend ek sal Hom vertrou;
God spreek die waarheid; ek sal dit behou.

65. Geen wins waar daar

Geen wins waar daar nie is verlies
Soos Jesus aan die kruis bewys.
'n Korrel graan om meer te werf,
Moet in die aarde val en sterf.
O kan 'n siel alleen dan bly
Waar dit 'n honderdvoud mag kry?

Wie kruis vermy of lewe spaar
Verloor tienduisend, èn bewaar,
En wie sy lewe nog verspeel,
Hou van die menigte hul deel.
O wie kan hoor die stem in nood
En dan nog soek t' ontvlug die dood?

Waar velde ryp met koring staan,
Hul are wuiwend, ryk belaan,
Onthou dit kos die graan se dood,
'n Offer heel gegee aan God;
'n Siel moes bid en ween en ly
En moedig Satansmag bestry.

66. Geen woord is onervuld

Geen woord is onervuld wat God beloof het
Om ons te skenk tesame met sy Seun.
Sy woord is meer standhoudend as die heem'le;
Hy gee ons krag, Hy sal die wedloop seën.

Elk' woord is waar, want in ons tyd van smarte
Kan ons op sy vertroosting steeds vertrou.
Hy gaan met ons al is ons weg hoe eensaam,
Om so te toon sy mag om ons te hou.

Elk' woord is waar wat God ookal gespreek het;
Van die begin af bly sy woord steeds waar.
Ons gee gehoor en volg in Jesus' voetspoor,
Daar's niks te vrees want Hy sal ons bewaar.

Hy sal nie faal, wanneer ons aan Hom lewer
Ons aangedbed, die offer van sy kind.
Mag dit ons hoogste eer wees aan ons Meester,
Mag Hy 'n welbehae daarin vind.

67. Geroep tot rus

Geroep tot rus na gindse hemelwoning;
'n Liefd'ryk' Vader het dit so beheer.
Daar by die Heiland is geen vrees of smarte;
Skeiding en trane kom daar nimmermeer.

Hemels' beloning bo al ons verwagting
Wag voor Gods' troon met Jesus onse Heer.
Al die getroues wat eens saam met Jesus
Hier op die aard' die vuurproef het verduur.

Geroep tot rus na donker nag van smarte
Om ewig daar ons Heiland te aanskou.
O wonderglorie waar geen dood kan skei nie
En eng'le sing vir ewig van Gods' trou.

U stem vertroos al is ons pad nou donker;
U is en bly nog altyd in gesig.
En is ons harte nou in rou gedompel;
U bly naby, is nog ons Gids en Lig.

68. Geseënd is die rus

Geseënd is die rus;
Geen twyfel, vrees of smart;
Die rus vind ek in Jesus nou,
Want Hy regeer my hart.

'k Verheug my in die rus;
'n Rus van sonde vry.
Die rus kan ons in Jesus kry,
Dis oop vir u en my.

Hy het my lank gesoek,
Gepleit om in te kom.
My hart, geneig om steeds te dwaal,
Was toegesluit vir Hom.

Toe eind'lik wen Hy my,
My wederstrewig' hart,
Ek gee toe oor net soos ek was,
Toe heel Hy al my smart.

My rus is diep en sterk;
Dis blywend, trou en skoon.
Geen nag, geen vrees, geen angste nou,
Waar Jesus het sy troon.

Heer Jesus heers oor my
En maak my hart U troon,
Dit hoort aan U vir ewig Heer;
Net U mag daarin woon.

69. God het my dwalend' hart

God het my dwalend' hart gewen,
Sy liefd' en doel my hart verbly
Deur Hom, die Lewenslig, te stuur,
Te leef vir my, te leef vir my.

*Sy lewe toon hoe ek moet leef;
Sy dood verlos my siel van vrees.
My lewe, alles gee ek oor,
Wil syne wees, wil syne wees.*

Met Jesus wil 'k my offers bring;
Met Hom die pad van lyding tree.
Dit laat my hart van vreugde sing
En vrede gee, en vrede gee.

Ek moet 'n vriend hê hier op aard'
Wat my bewaar en daaglik lei.
Wil Jesus volg tot aan die end,
Die weg ken Hy, die weg ken Hy.

70. God het sy dierbaar' Seun

God het sy dierbaar' Seun gestuur
Vanaf sy Hemelryk;
Hy het gekom om ons te toon
Wat liefde kan bereik.
Vanaf sy Vadershuis kom Hy
En sterf vir ons, vir u en my.

Onblusbaar' ywer spoor Hom aan
Te doen Sy Vaders' wil;
Asook geregtigheid te doen
En dit ook te vervul.
Hy bring toe Sy groot offerand'
En sit nou aan Gods' regterhand.

Sy heiliges vereer sy Naam;
Hul is geen grote skaar,
Maar hul bemin opreg wat Hy
Aan kinders openbaar.
Met eind'loos vree' en saligheid
Aanskou hul sy geregtigheid.

71. God in genade

God in genade pleit met u hart,
Bied u vertroosting van angs en smart,
Skenk u vergifnis van elke daad,
Gee u sy liefde hier sonder maat.

*Sy oog die sien u; sy arm behoed;
Deur sy erbarming gee Hy sy bloed;
Vir ons oortreding sterf aan die kruis;
Stort uit sy lewe - word selfs verguis.*

God in genade, liefde so groot,
Stuur ons Verlosser, triomf oor dood.
Hy is die losprys, lewende brood
Wat ons versadig, red uit ons nood.

God in genade roep u: "Staan op!"
Kom na u Heiland vir sielsgenot.
As u sou uitstel, weet dan gewis
Satan verlei u, gee u geen rus.

God in genade gee u sy Gees,
Vryheid van bande, onrus en vrees.
Gee oor aan Jesus, laat Hy beheer,
Dan vind u vreugde, rus in die Heer.

72. God is trou

God is trou aan wie Hy uitkies,
In sy leiding elke dag.
Ja, Hy oordeel in genade,
Die wat biddend op Hom wag.

*Nuut is daaglik sy genade,
En sy trou is o so groot,
Sy barmhartigheid onfeilbaar,
Waar ons tot Hom gaan in nood.*

God is ook ons trou bevryder,
Van die Satans' valse lis.
Hy gee krag, vertroos ons droefheid,
In beproewing, hulp en rus.

God is trou en sal bevestig
Wat Hy ons belowe het.
Hy bewaar ons van die euwel,
Vlug ons tot Hom in gebed.

God is trou, heet siele welkom
Na gemeenskap, o so soet,
Waar daar liefd' is, rus en vrede
En sal ons getrou behoed.

73. God verlang nog immer

God verlang nog immer om die mens te wen,
Van sy sondig' weë om Gods' weg te ken.
Wat die Vader dan van ons op aard' begeer,
Is dat Jesus in ons moet herlewe weer.

*Redding kan maar net deur Jesus kom;
Ook oorwinning kry ons net deur Hom;
Hom as Heer, bely met woord en daad,
Is wat God bepaal het in sy ewig' raad.*

Let ons hier as voorbeeld op 'n medemens?
Of wil u deur goeie werke doen Gods' wens?
God het ons dit lank reeds deur sy woord laat weet:
Ons geregtigheid is net 'n onrein kleed.

Wil u eerlik handel met u siel voor God?
Maak dan Jesus Meester van geheel u lot.
Vrees nooit Hom te dien of hier sy Naam bely,
Dan gee Hy u krag en bly steeds aan u sy.

74. God versoek u vriend'lik

God versoek u vriend'lik: "Kom tog
Tot 'n lewe goddelik."
Dis 'n vol en vrye redding,
Wat Hy aanbied mildelik.

*Net wat saak maak, is verlossing;
Nou of in die hemelryk;
Net wat saak maak, is verlossing,
Wanneer ons die eind' bereik.*

Hoor profete se vermaning
Waarskuwend aan u gerig.
Roep tot God om sy verlossing,
Soek tog nou sy aangesig.

Bid om redding en vergifnis,
En Hy sal dit laat geskied;
Geen veroordeling by Hom nie,
Vry van skuld, dis wat Hy bied.

God nooi u nou dringend uit weer:
"Kom tog voordat u moet sterf.
Ek bekleed u met verlossing,
Ewig' lewe, te beërf."

75. Gods' tyd is nou

Gods' tyd is nou, O moenie wag
Die dag van môre breek gou weer;
Sy gees gegrief gaan van u weg
Om nooit nie weer terug te keer.

*Vandag as u sy stem sou hoor,
Gee in, verhard u hart tog nie.
Wag nie 'n meer geleë dag;
Sy Heil'ge Gees verlaat dalk u.*

Gods' tyd is nou, vertoef tog nie;
Hoe vinnig val die skaduwees.
En nog staan u besluiteloos,
Wat as vandag u laast' mag wees?

Gods' tyd is nou; waarom uitstel
En wag 'n meer geleë dag?
Wyl eng'le buig hul hoofd' en ween
Sal u sy liefde nog verag?

76. Gods' woord is so rein

Gods' woord is so rein en so dierbaar vir my;
Sy voorskrifte min ek so teer,
'n Lamp vir my voet en 'n lig op my pad
Tot tyd hier op aard' is nie meer.

*Dis beter as skatte van silwer en goud;
Begeerliker as die robyn.
As ek aan die voet van my Meester mag kniel,
Daar heel Hy my smart en my pyn.*

Hoe vreedsaam en lieflik sy weë vir my
As Jesus het volle beheer.
Daar's troos en verkwikking by Hom vir my siel;
Sy woord gee dan krag meer en meer.

Ek hoor en ek volg en my siel word verlos;
Nou's Jesus my Koning en Heer.
En diep in my hart wil ek koester sy woord;
Verheug sing ek nou tot sy eer.

O Heer, maak my hart tog opreg in U wet;
Daar vind ek my vreugd' en genot
'n Sagte hart, Heer, is my vurig' gebed,
Dan hou ek die wet van my God.

77. Goed gekeur deur God

Goed gekeur deur God se liefde,
Vreugde vir verslae hart;
Woorde wat my swakke poging
Aanspoor, help te doen my part.

, sy goedheid te belewe
En sy glimlag ook te wen,
Dit bly Heer, my doel en strewe
Nou en altyd U te ken.

Soet herin'ring aan die tyd toe
Ek sy vree' en glimlag sien,
Dit bring harterus en troos en
Help my Hom opreg te dien.

Goedgekeur in huislik' lewe
Maak ons woning 'n paleis;
Bring elk' dag die hemelonskyn,
Want die Heer voel daarin tuis.

78. Harte het die wêreld nodig

Harte het die wêreld nodig,
Harte rein, van twyfel vry.
Nie verdoof deur aardsbegeertes
Wandel hul aan Jesus sy.
Harte sag, so braaf en moedig
Soos Gods' dienaars van weleer;
Vol van liefde soek hul maar slegs
Jesus Naam hier te vereer.

*Harte wat die vaandel hoog hou
Waar die stryd die felste woed;
Wat verstaan Gods' sagte roepstem
Selfs in doodsgevaar vol moed.*

Harte vol van liefde kloppend
Vir die wat in nood verkeer;
Waar geen huig'lary in skuil nie
Maar vol ywer vir die Heer.[?]
Harte sag vir elk' behoefte;
Altyd onder Gods' beheer;
En as donker wolke saampak,
Bid: "U wil geskied, O Heer."

Harte teer vir die verlore,
Ryk of arm, geen onderskeid.
Loue harte is bekwaam nie
Vir die heilig' worstelstryd.
Harte oorgegee soos Jesus,
Hier op aarde nêrens tuis,
Bly te deel hier met hul Heiland
Smarte, lyding en die kruis.

79. Heer, dek tog met U vleuels

Heer, dek tog met U vleuels my;
Geen ander toevlug kan ek kry.
Ek skuil so kalm, tevrede daar;
Volkome rus my siel gewaar.

Genade, wysheid gee my, Heer.
Daaglik die stryd voer, wil my leer
Vir Jesus laste dra ook bly
Met vaste stap waar Hy mag lei.

Nodig het ek U sagte Gees;
My hart sal storme dan nie vrees.
Gedagte, dade, woorde stuit,
Onwaardig U teenwoordigheid.

Vergifnis het ek nodig, Heer,
Want afgedwaal voel ek my weer;
Die reiniging van Jesus bloed
Sal in U weg my siel behoed.

Ek rus tevrede, arm van gees,
Die Here steeds my heil sal wees.
Hy weet, voorsien in al my nood.
Sy rykdom van gena' is groot.

80. Heer, deur die bloed

Heer, deur die bloed van die Lam eens geslag,

Reinig U my, reinig U my.

Van al die sond' wat my hou in sy mag

Reinig U my, reinig U my.

Sondig en donker my lewe van ouds;

Sonder die kennis van God en so koud,

Op eie krag het ek altyd gebou;

Reinig U my, reinig my.

Van alle vrees, wat my siel hier vervul.

Reinig U my, reinig U my.

Van alle twyfel en diep harteskuld,

Reinig U my, reinig U my.

Jesus, ofskoon ek nog nie mag verstaan;

Vol van vertrouwe roep ek U nou aan;

En op U woord wil ek altyd vasstaan.

Reinig U my, reinig U my.

Van al die sorg wat my lewe omring

Reinig U my, reinig U my.

Van alle vrees om te spreek, bid of sing

Reinig U my, reinig U my.

Heer, deur U liefd' en U krag maak my sterk;

Dat daar gesien word U lig en U merk;

In hart en lewe doen U self die werk.

Reinig U my, reinig U my.

81. Heer ek begeer nou

Heer ek begeer nou te nader tot U;
Lank en geduldig het U al gewag.
Sag is my hart en gebroke my gees;
Vol van berou wil ek hoop dag en nag.

*Heer, O neem my en maak my U kind;
U het my skuld met U bloed hier betaal;
Op U wil ek bou en voort aan nie dwaal,
U het vir my reeds die weg hier bepaal.*

Die wat begeer om U ryk te besit
Moet soos 'n kindjie klein daarin dan gaan.
Wat my wil hinder, verban ek dus nou;
Bied myself aan vir U diens nou voortaan.

Wat wêreld bied, trek my hier nou nie meer;
Rykdom, plesier wil ek alles laat gaan,
Dit sal my net van U liefde beroof.
Wat hier nie wins is, blymoedig laat staan.

Ver weggedwaal en so donker die nag.
Satan verskyn soos 'n engel van lig,
Kan ons nie meer uit U hand nou hier ruk;
Help my te volg Heer waarheen U my rig.

82. Heer, gee my 'n hart

Heer, gee my 'n hart om U te loof,
'n Hart verlos en bly.
'n Hart gewas in Jesus bloed;
Vergiet hier ook vir my.

'n Tere, onderworpe hart
Waarin die Heiland woon;
Waar hy alleen bevele gee.
Waar Hy en slegs Hy troon.

'n Nedrig' en sagmoedig' hart
Wat Hom opreg betoon;
Wat deur geloof verbonde is
Aan Hom wat daarin woon.

'n Hart geheel en al vernuut;
Vol van U liefdewerk
Volmaak, opreg geheilig, rein
Wat dra U liefdemerk.

83. Heer hoe lief het ons

Heer hoe lief het ons U woning
Waar ons hoop en moed kan kry,
Waar die brood so vry, ons honger harte voed,
Waar die duisternis verdryf word
En U godsvrees ons vervul,
As ons dink die wysheid het by U begin.

Dikwels was daar vrees en struik'ling
Op ons weg van dag tot dag.
Ons moes trane stort en bid om te oorwin;
Soms skyn alles ook so hoop' loos
Waar beproewings op ons wag,
Maar ons weet U sien elk' traan om U ontwil.

Mag ons harte sag en teer wees
Waar ons luister na U stem,
Dat die indruk wat dit maak ons by mag bly.
Lof en eer wil ons U toebring
En ons lewe aan U wy;
Self verloën, dat U beeld in ons kan bly.

Mag ons nou aanskou die skoonheid
Van die weg deur U beplan;
Mag gedagtes rein ons harte brandend hou.
Laat ons lewe U verheerlik
Waar U hand ons leer en lei,
Sodat ons U lewe toon - U Naam bely.

84. Heer, in ons nood

Heer, in ons nood kom ons tot U;
Spreek tot ons hart' nou sag
Waar ons U stem verlang te hoor,
Fluist'rend tot ons aldag.

*Spreek, Heer, ons luister stil,
Al langs die weg van dag tot dag.
Spreek, Heer, ons luister stil,
Spreek waar ons op U wag.*

Sterk in onself, dan is ons swak;
Wil U ons ned'rig hou.
Deur U alleen kan ons oorwin,
Reinig ons, Heer, tog nou.

Lei U ons voort dan vrees ons nie;
Lei U ons deur U Gees.
Leer ons U wil, U weg verstaan;
U steeds gehoorsaam wees.

Ons bied ons aan U werk te doen,
Wil ons gebruik, O Heer,
Trou aan U diens wil ons ons wy,
Om so U wil te leer.

85. Heer Jesus lei

Heer Jesus lei, O help en lei my reg;
Hou U my hand,
Ek vrees te val in strikke op die weg,
Hou U my hand.
Ek is so swak en struikel menigmaal;
Wees U my Gids, dan sal ek nooit weer dwaal.

U het my altyd liefgehad, O Heer,
Bemin my nog.
Breek U my trots, my eie sin almeer,
Bewaar my tog.
En kan my lewe U verheerlik hier,
Gee ek geheel dit onder U bestier.

Kan selfs my lewe vir U bruikbaar word,
Gee ek dit vry,
U het U kosbaar' bloed vir my gestort
Moes bitter ly.
Ek volg U weg, al maak soms dorings seer;
U het verduur, nou dwaal ek nooit nie weer.

86. Heer, mag my lewe wees

Heer, mag my lewe wees
'n Korrel graan;
Vir u diens onbevrees
Die dood ingaan;
Want diè word ryk beloon
En volop vrugte toon,
Wat, met u seën bekroon,
U hart verbly.

My liefde vir U, Heer,
Wens ek te toon
Deur trou te soek almeer
By U te woon.
My hart veroordeel my
As ek nie alles wy
Of selfsug my laat lei
Myself te spaar.

Wat aards is hier kan my
Nie meer bekoor.
Die offer wat U wy
So duur daarvoor
Kos U die grootste smart;
Help ook my sondig' hart
Te kies die beste part
Om U te dien.

My alles gee ek prys
Met U te gaan;
My siel tot U verrys
Van stof ontdaan;
Die hemelskat so rein
Laat alles ydel skyn.
Ek soek deur vreugd' of pyn
U Ryk alleen.

87. Heer, ons buig ons

Heer, ons buig ons aan u voetbank
Diep in ootmoed voor U neer.
Let ons op die sinnebeelde,
Dink ons aan u kruisdood weer.

*Golgota, Golgota,
Dink ons weer aan Golgota.
In die brood sien ons U liggaam;
In die wyn sien ons U bloed*

Daardie nag so swart donker;
Eensaam biddend en verlaat.
Drink U trou die bitter beker
Bloedsweet pêrel U gelaat.

Uit die stad word U gelei, Heer
Swyend dra U al die hoon.
Wreed die dood wat U moes ingaan,
U vir ons, Gods' eie Seun.

Ons pleit om U soenbloed, Heiland,
Hou ons van die sonde vry.
Gee ons in U liefd' genade
Dat ons trou U Naam bely.

88. Heer, skenk U volk gena'

Heer, skenk U volk gena'
Die vyand te weerstaan,
Met kalmte vas te staan
Tot aanbreek van die dag.

Heer, help U dienaars, saam
Deur nagte wag te staan,
U skape soek voortaan,
Tot aanbreek van die dag.

Mag ons verenig staan
Met hand aan hand geslaan,
Lojale volk tesaam
Tot aanbreek van die dag.

Sien ons ootmoedigheid
En ons behoefte;
Ons wag met lydsaamheid
Tot aanbreek van die dag.

89. Heer, spreek tot my

Heer, spreek tot my dat ek mag spreek;
Sodat U woord weerklink deur my;
Soos U gesoek het, laat my soek
U dwalend' kinders wyd versprei.

O lei my, Heer, dat ek mag lei
So menig' wankelende voet;
O voed my, Heer, dan voed ek ook
U hong'riges met manna soet.

O leer my, Heer, dat ek mag leer
Die lewe wat uit U ontspruit;
O gee my die gevleuelde woord;
Geheime van die hart t' ontsluit.

Skenk my U eie soete rus
Dat ek mag spreek met stille krag
'n Woord op tyd van U ontvang,
Om sielewee te kan versag.

Gebruik my, Heer, gebruik ook my,
My kragte wy ek U geheel,
Tot ek eens sien U aangesig,
U rus, U vreugd', U glorie deel.

90. Heer, U goedkeuring

Heer, U goedkeuring, dis wat ons begeer.
Mag die gedagte ons hart' inspireer,
Dat ons mag oorgee, bly, gewillig, Heer,
Lewende offers deur U goedgekeur.

Heer, U goedkeuring, kry U eie Seun;
Hy aarsel nooit maar beur vooruit alleen.
Die stryd het Hy ook end-uit voortgesit;
Die dood oorwin en op die troon gaan sit.

God keur my goed, ek wil graag sy beeld dra;
Al moet ek lyding hier vir Hom
Soos diè van ouds wat graag hul alles gee.
Hy kies hul uit, Hy roep en hul gaan mee.

Heer, U goedkeuring, wat 'n grote seën;
Eer van die mens is tydelik alleen.
Heer, neem my hart en mag ek streef te wees
Soos Jesus, trou, opreg en sag van gees.

91. Heer U is my ewig' erfdeel

Heer U is my ewig' erfdeel,
Meer as vriend is U vir my.
Op my pelgrimsreis op aarde
Laat my wandel aan U sy.

Aan U sy, dig naby.
Aan U sy, dig naby.
Op my pelgrimsreis op aarde
Laat my wandel aan U sy.

Nie gemak of aardse vreugdes
Nie vir roem bid ek vandag;
Graag sal ek steeds swoeg en swaarkry,
En vertrou steeds op U krag.

Aan U sy, dig naby.
Aan U sy, dig naby.
Graag sal ek steeds swoeg en swaarkry,
En vertrou steeds op U krag.

Dra my oor die lewensee Heer,
Deur die somber doodsvallei
Sodat ek eendag saam met U,
Mag die hemel binnegaan.

Aan U sy, dig naby.
Aan U sy, dig naby.
Graag sal ek eendag saam met U,
Mag die hemel binnegaan.

92. Heer, wees U tog

Heer, wees U tog teen my nie stil,
Maar uit genade spreek nou weer.
My siel wag dorstig op U woord
Soos dorre land wat reën begeer.

*Ek wag op U, my Heer, my God,
Ek vind in U my hoop, my lus;
U het my menigmaal versterk
In tye toe ek was ontrus.*

Heer, as U my soms moet kasty,
Dan word my siel geseënd geag;
Oortuig dat Hy wat my bestraf
My meeste min, my leed versag.

Heer, reinig my nou deur U woord
En maak my doel opreg en rein.
Genees van elke kwaal my siel
Hernieu my krag waar dit soms kwyn.

Heer, lei gevange aan U wil,
My eie sin, natuur en gees;
Vrywillig U as slaaf te dien;
Gehoorzaam aan U stem te wees.

93. Heiland, ek sal juigend

Heiland, ek sal juigend volg nou
Op die weg deur U betree;
Ander weë lei verderf toe;
U sal my U leiding gee.

*Lei my, Heer, o lei my voort
Op die weg deur U betree.
Heiland let my in U weë.*

O hoe soet Hom na te volg dan
Hier oor elke berg en dal;
En vrywillig aan my Vader
Oor te gee, ja selfs my al.

Is die toekoms ook verborge;
Het ek nie meer angs of vrees;
U sal my steeds leer en aanhelp,
Self my voortlei deur U Gees.

Soet te weet dat Hy my voortlei
Al sien ek die toekoms nie;
Tog weet ek sy hart berei steeds
Net wat vir my beste is.

94. Heiland, hou my trou

Heiland, hou my trou, gehoorsaam,
Onderworpe aan U wil.
Help my in U raad te wandel;
Rustig, sag, tevrede, stil.

*Heiland, hou my rein van hart
Dat ek U getrou mag bly.
Leer my al U wil, U sin,
Dat dit word vervul in my.*

Elke vyand kan verslaan word;
U gee die oorwinningsmag.
Teen die liste van die bose
Sterk my met U god'lik' krag.

Kom beproewings en versoekings
Hou my onder U beheer.
Skenk U eie rus, vertroosting,
Wat my droewig' siel begeer.

Met my einddoel rein, onwrikbaar
In die krag wat U verleen.
Bied ek teen die vyand weerstand,
Jaag ek na die prys alleen.

95. Heil'ge Gees, kom daal nou

Heil'ge Gees, kom daal nou op ons,
Kom verseël ons weer,
Tot die dag van ons verlossing,
Dan sien ons U, Heer.

*Reinig ons van alles wat U
Kan bedroef, o Heil'ge Gees.
Stuur die Trooster uit die hemel,
Om in ons te wees.*

Heil'ge Gees, kom daal nou op ons
Van die Vader teer.
Deur U hulp in al ons swakheid,
Help ons nader keer.

Heil'ge Gees, kom daal nou op ons
Om Gods' wil te leer.
Hou ons oë steeds gevestig
Op ons dierbaar' Heer.

Heil'ge Gees, kom daal nou op ons,
Vul ons hart' geheel.
Kosbaar' vrugte sal getuig dat
U ons lewe deel.

96. Help my, Heer, U dien

Help my, Heer, U dien van harte
Op die korte pelgrimsreis;
Dat ek trou, verlos met blydschap
U met heel my hart mag prys.

*Help my, Heer, U dien van harte,
Aan U wy my liefdegloed.
Aan myself te sterf soos Jesus
En op hemelsbrood te voed.*

Help my, Heer, U dien van harte;
Daagliks U my al te wy,
As 'n offer welbehaaglik
Tot ek kom aan d' ander sy.

Help my, Heer, U dien van harte;
Na U stem te luister sag
Sodat ek mag gee U boodskap
Aan die dorstiges wat wag.

Ander bronne stel teleur maar
Niks kan my voldoening bring,
Anders as 'n hart gewy, Heer,
Wat met lof U Naam besing.

97. Help my U vind

Help my U vind wanneer ek bid,
O Heer, dit is my smeekgebed;
Die weg is duister, hoop sterf weg,
As U nie nader om te red.

*Soos herte na die water smag
So dors my siel na U, O Heer.
My Hoop, my Al, my Lewe hier.
Nader tot my, kom nader weer.*

U is die antwoord op gebed.
Ag, laat my U nabyheid voel,
U hand wat lewe in my wek,
U woord verkwik, dit is U doel.

So eindeloos, ontfermend goed
Bedek U vleuels waar ek faal,
Dan kan ek U vrymoedig soek.
U het vir my my skuld betaal.

Want Heer, U is die pelgrimsvriend,
Lei my en hou my aan U hand.
Mag U nabyheid my behoed,
Nader tot my, versterk die band.

98. Herder van Israel

Herder van Israel, U hou steeds wag
Oor heel U kudde, bedags en ook snags.
En as gevaar kom U arms om hul slaan,
Lei U hul voort, U as Herder vooraan.

*Herder van Israel, liefdevol' Heer,
Sien tog ontfermend op U kudde neer.
U ken hul pad deur die diepste vallei,
Biddend vir hul word hul sag voortgelei.*

Herder van Israel, U arm bewaar,
Beskut U kudde teen dreigend' gevaar.
U sal U lammers versamel wat val,
Dig aan U boesem omhels U almal.

Herder van Israel, kom spoedig weer!
Om te verlos U "klein kudde" so teer.
U te aanskou, wat begeer hul ooit meer,
Herder van Israel, Jesus hul Heer.

99. Het u al beproef

Het u al beproef die soetheid
Van die ned'rig' Jesus weg?
Of hou Satan u geboei nog
Voort te dryf en dink u's reg.

*Kom Hy roep u, moenie wag;
Na die lewe kom die graf,
Na die dood die oordeelsdag.*

O die jare wat verkwis word
Om te leef vir self alleen.
God is magtig u te maak nou
Na die beelt'nis van sy Seun.

O te ken sy weg hoe salig;
En daarin te plaas ons voet'.
U van ronddwaal voel verlore;
Vir u siel het Hy geboet.

Niks te vrees as Hy u voortlei
Al sien u soms moeilikheid.
Kom en volg Hom sonder twyfel;
So sien u sy lieflikheid.

100. Het u sondaars plek

Het u sondaars plek vir Jesus?
Hy wat aan die kruis moes ly;
Jesus klop nou aan u harte,
Kom en bied Hom ingang vry

*Plek vir Jesus, Vredekonink.
Hoor sy stem; gehoorsaam Hom.
Hy soek in u hart 'n woning,
O ontsluit u hart en kom.*

Plek vir sake en plesiere;
Maar vir Jesus wie in smart
Aan die kruis moes ly en sterwe;
Nog geen woning in u hart?

Het u dan geen tyd vir Jesus?
Wil sy roepstem tog nie smaad.
Aangename tyd is hede,
Môre is dit reeds te laat.

Gee nou plek en tyd aan Jesus,
Gou sluit die genadedeur;
Gou sal u hart koud en stil wees
En die Heiland pleit nie meer.

101. Hier in U Naam, O Heer

Hier in U Naam, O Heer, vandag
Ontmoet ons ned'rig, bly;
Help ons te spreek en bid en wag
U seën te verkry.

*O Heer, laat nou U seën ons bestraal;
In harte wat nou biddend wag
Mag volle seënstrome ryklik daal.*

Alleen met U, o salig' tyd,
Geen sorge en geen vrees;
Ootmoedig kom ons toegewyd
Biddend in hart en gees.

Alleen met U, behoefte voel
Ons, Jesus, aan U bloed.
Reinig ons hart, gedagte, doel
Wil Self ons siele voed.

O Heer, vandag mag daar weer styg
'n Nuwe lied so soet,
Van lof en prys wat kan getuig
Van redding deur U bloed.

102. Hier ootmoedig voor U

Hier ootmoedig voor U, Heer,
Kniel ons aan U voetbank neer
Dink tog aan ons sielenood,
Voed ons met die hemelsbrood
God van liefde U verstaan

Wat ons wens is, raak ons aan.

Mag U liefd' en ywer brand;

Skenk ons dit as onderpand.

Heer, ons liggaam. siel en gees
Onder U beheer wil wees;
Laat ons deur ons lewe toon
Dat U in ons harte woon.
Heer ons pleit U kosbaar' bloed
Waar ons neerkniel aan U voet.
In ontferming op ons sien
Waar ons U in swakheid dien.

Mag ons dra U dierbaar' Naam
En voor U staan sonder blaam
Rein van ongeregtigheid
En bekleed met ned'righeid.
Vader, in die stille uur
Mag ons voel U God'lik' vuur;
So vind ons, O gees van God,
In U liefde rein genot.

103. Hoe kan ek ooit vergeet

Hoe kan ek ooit vergeet die dag
Toe my Verlosser op my wag?
Hy vul my siel en reinig my;
Die hemelrykdom gee Hy my.

*Hoe kan ek ooit vergeet die dag?
Ek hoor my Heiland fluister sag,
"Wil u nou my dissipel wees
Neem op u kruis, volg onbevrees."*

Ek sal die liefde steeds onthou
Wat Hom laat kom my te behou.
Te midde van die skare daar
Het Hy my in sy liefd' gewaar.

Hy bring die heem'le naby my:
Die wil van God sien ek nou bly.
Sy lout're waarheid skoon en rein
Is vir my oor 'n soet refrein.

Hoe kan ek ooit vergeet die dag
Toe Hy my leer op Hom te wag?
My swakke tree, met ware moed,
Lei na gemeenskap aan sy voet.

104. Hoe kosbaar is die Woord

Hoe kosbaar is die Woord van God
Vir harte vol berou;
Hoe salig wat Hy ons beloof
Standvastig en getrou.

*As ek verminder,
Kan self nie hinder;
Christus vermeerder -
Vul geheel my hart.*

Hoe groot die vreugd', tevredenheid,
Wat siele by Hom vind;
En vry van self, sy volheid smaak,
Vind hul gena' as kind.

Hoe vreugdevol in die gebed
Waar lieflik' reuk versprei;
Die offer rein neem Hy ook aan,
Gewillig toegewy.

Die gawe ryk, word toegeken
Aan hul wie vrylik gee;
Die lewe deur Hom vrygekoop -
Hul leef, met Hom beklee.

105. Hoe lieflik groen

Hoe lieflik groen die weiveld waar
Die Herder trou sy skape lei.
Hul drink die suiwer water daar
Wat lewend opwel, stil en vry.
Verwyder ver van stryd en twis
Die Herder met sy kudde rus.

*Die Herder en die kudde juig,
Hoe stil die weiding, vreedsaam soet.
Woestyne bloei soos paradys,
Dis daar waar God sy volk ontmoet.*

Hoe salig is die eensaamheid
Waar Jesus ons leer waak en bid;
Bewus van sy teenwoordigheid
Sal Hy teen onheil ons beskut.
Met jubelsange loof ons Hom;
Soos reukwerk vul sy heiligdom.

Van aardse druk en sorge swaar
Keer ons opsy met Hom te waak;
Die goeie Herder wag reeds daar
En sal vir ons voorsiening maak.
Hy spreek, sy stem bring reine vreug;
Ons hart versadig en verheug.

Ook aan sy lyding het ons deel
Want hemelwins bring aardsverlies.
Tevree' soos Jesus mag beveel;
Sy kruis te dra het ons gekies.
Wil ons sy Naam en lewe toon
Moet ware liefde in ons woon.

106. Hoe soet te weet

Hoe soet te weet dat Hy verstaan;
Deur vreug' of leed my weg hier baan.
Vir elke toets wat ook mag wag
Gee Hy genade dag na dag.

*Deur krag bewaar, hoe heerlik soet,
Sy hand sal lei en my behoed
En deur geloof kan ek bemerk
Wat Hy Homself vir my bewerk.*

Deur vrees en vyande omring
Kan slegs sy liefde redding bring
En tyd het my geleer al gou
Ek kan op God se krag vertrou.

Wat in die toekoms ook al wag,
Net sy beloftes bly van krag,
En soos ek daaglik alles gee,
Word ek hier met sy Gees bekleed.

Ek wil solank ek hier nog woon
Meer van sy sterwend' lewe toon
En eendag as Hy my aanskou,
Sien Hy ek het sy beeld behou.

107. Hoor die stem van Jesus

Hoor die stem van Jesus roep u,
Siel so moeg, vol sorg.
Vir u leef en sterf die Heiland;
Om te wees u borg.

*Hoor Hom, hoor Hom.
Moenie weerstand bied,
Gee u hart en lewe aan Hom;
Laat Sy wil geskied.*

In die wêreld so vol weelde
Vind u steeds u lus;
Maar dit kan u nie bevredig,
Want dit bring geen rus.

Waarom weier u nou toegang
Aan 'n Vriend so trou?
In die wêreld sal Hy hulp bied
En u staande hou.

As u aan Hom nou u hart gee
En die kwaad vermy,
Gee Hy u die Gees se seël
En u siel word vry.

108. Hou U my hand

Hou U my hand, ek is so swak, so hulp'loos.
Ek neem geen stap as U nie by my bly;
Hou U my hand want dan, O liewe Heiland,
Word 'k nooit tot sonde. wat U haat, verlei.

Hou U my hand en trek my daaglik nader,
Ja nader aan Uself, my hoop, my al;
Hou U my hand, dan sal ek nooit weer dwaal nie,
My voet nie struikel en ek ook nie val.

Hou U my hand, die weg is steil en donker,
Laat tog U lig die duisternis verdryf.
As dan my hart die hemelglans gewaar word,
Smaak ek die vreugde wat geen tong beskryf.

Hou U my hand, die doodsrivier is donker.
U het dit, Heiland, deurgegaan vir my.
Laat hemelslig beskyn die donker water;
Dit bring my by U aan die ander sy.

109. Hy roep u nou

Hy roep u nou, o, hoor sy stem;
Vertoef nie meer maar neem Hom aan.
Gods' koninkryk is naby u;
Versuim tog nie om in te gaan.

*Hy roep u nou in liefde teer;
Waar dood u dreig bly tog nie meer.
Die ewig' lewe gee Hy vry,
En wil nog altyd by u bly.*

Hy roep u nou om Hom te volg
Hier op die noue lewensbaan,
Wat na die hemelvreugde lei;
Na wonings wat tog nooit vergaan.

Hy roep u nou van weë weg
Wat lei na dood en donker nag.
Haas u van ydel' aardsplesier
Na vreugd' en rus wat u daar wag.

Hy roep u nou, sê tog nie nee;
Kom bring Hom u verslae hart;
Bedroef sy Heil'ge Gees nie meer,
Dan gee Hy rus na al u smart.

110. Hy wag op u

Hy wag op u, Hy wag op u,
Versuim nie langer op die weg
'n Troue Vader wil God wees,
Hy lei en help u daaglik reg.

Hoe heerlik die vooruitsigte.

Hoe goed die land wat God u gee.

Hy wat ons vaders het gelei,

Sal u voortlei, Hy wag op u.

Wil u nie soek soos Abram nie.
As vriend te wandel aan Gods' hand?
Hy waag gelowig uit te trek,
Te soek na die beloofde land.

Vrees nie die bergpad ru en steil,
Of donk're dale te betree.
Dit is die weg wat lei tot God;
Dis soet te volg, want Hy gaan mee.

Herinn'ring soet vertroos u siel
Wanneer die lewensaand daal neer.
Die Heer is trou; doen alles goed;
Hom wil ek dien, ja Hom vereer.

111. In Christus is geen oos

In Christus is geen oos of wes,
In Hom geen suid of noord
Dit is een kudde heil'ge volk,
Versprei van oord tot oord.

In Christus vind nou oral rond
Sy volk gemeenskap soet;
Gods' tere liefde bind hul saam,
Een gees en een gemoed.

As broeders, susters in geloof,
Van elke ras en taal,
Verenig staan van knegskap vry,
Sy guns het neergedaal.

Vanuit die verste hoek op aard',
Sal met basuingskal
Die bruid van Christus Hom ontmoet,
Hul Heer, Hy is hul Al.

112. In die naam van Jesus

In die naam van Jesus kom ons
Van die wêreld hier apart.
Biddend dat Hy in ons midde
Mag verkwik elke hong'rig' hart.

*Heer, verfris, versterk ons hart;
Leer ons waarlik bid en pleit;
Hou ons teer en trou. gehoorsaam.
Luist'rend na U stem altyd.*

O hoe dor, en leeg en vrugt'loos.
Al ons pogings sonder U.
God, ons Vader, wees teenwoordig,
Lew' en vryheid deel ons mee.

Een van sin en gees en harte;
Vry van al die aardse plig.
Vader, wil U ons nou opwek
'Wyl ons soek U aangesig.

Soos die lewe van die wynstok
Aan die ranke vrugte toon.
Maak ons rein en leer ons, Meester,
Hoe ook so in U te woon.

113. In die skadu van die Hoogste

In die skadu van die Hoogste is 'n toevlug vir ons gees.
Waar die trane afgevee word en verdryf word elke vrees;
Druk die sorg van die lewe sal Hy daad'lik naby wees
Aan die lydsaam', edel' draers van die kruis.

*Vind die roepstem van die Meester
Ook 'n weerklank in U hart?
Is U hartseer dat sy koninkryk so ly?
Werp U siel dan in die stryd hier,
Doen getrou U kleine deel
As 'n lydsaam', edel' draer van die kruis.*

Eeue kon nog nimmer uitwis die getroues se verslag
Swoegend, biddend deur gevare; swaarste toetse ongeag.
En hul laat hul suiwer boodskap
Waar hul reeds wag op sy Dag,
Aan die lydsaam', edel' draers van die kruis.

Ons kan hierdie siele vind waar mure laag of swakste is;
Waar die las die swaarste is en vele trane smart moet blus.
En hoe moeg of swaar beproef ook, skyn die hemelglans gewis
Aan die lydsaam', edel' draers van die kruis.

114. In die wêreld hier

In die wêreld hier vol weemoed
Soek gebroke harte rus;
Moeg van sonde en van teespoed,
Sug na redding diep ontrus.
God ontfermend sien u droefheid;
In die wond wil balsem giet;
O verag nie u besoeking
Anders ewig sielsverdriet.

*In u hart hoor U Hom pleitend;
Stel tog langer nie meer uit.
Neem die hand wat Hy nou uitstrek
Eer die deur word toegesluit.*

Al u lewe net plesier soek
Bring vir u die vrede nie;
En die guldeskatte hier ook
Kan u nie bevredig nie.
Towermiddels van bekoring
Skyn te gee u vrede rus,
Maar die stigter van verstoring
Soek also u siel te sus.

Vriend hier stil en afgesonder
Waar die Heiland naby kom;
U sy lieflikheid bewonder,
Gee u hart, u al aan Hom.
Angstig wag nou hemelinge
Op die “Ja wat u bevry;
Salig in die hemelkringe
Sal u ewig by Hom bly.”

115. In droefheid en in nood

In droefheid en in nood, O Heer,
Gee U my steeds weer moed,
Uit elke doring op my weg
Ontluik daar vreugde soet.

Die uur van pyn bring menigmaal
Wat voorspoed wou vermy,
Soos kruie heel bly sonder reuk,
Hul geur verbryseld sprei.

Die eik sy wortels dieper slaan
As swaar orkane woed;
So sal die worstelstryd ook help
My hart se doel te voed.

O Heer, gee my genade hier
Die lyding nie te sku,
Maar swaarste droefheid te verduur
Wat my bring na aan U.

116. In 'n verre land

In 'n verre land van honger
Was ek smagtend sonder rus;
Daar word ek toe in die vreemde
Van my sond' en skuld bewus.
'k Neem my voor ek bly nie langer
Waar my siel geen voedsel vind.
Ek sal opstaan tot my Vader
Gaan as dienskneg, nie as kind.

*Daarna kom ek in sy woning,
Van sy ryke maal geniet
Aan die tafel waar my Vader
Beste van sy huis my bied.*

Reeds van ver sien Hy my aankom,
Hardloop my toe tegemoet;
Vol ontferming het my Vader
My toe met 'n kus begroet.
Ek erken aan Hom berouvol,
Waar ek sondig voor Hom staan:
"Is nie werd U seun te wees nie,
Neem my as U dienskneg aan."

Maar dit lyk nie of Hy luister,
Geen verwyd of woord van leed;
En vanuit sy ryke glorie
Bring Hy my 'n kosbaar' kleeed.
Sy verbond te kan verseël,
Gee Hy toe vir my 'n ring;
Vir my voete bring Hy skoene,
Met my wandel lof te bring.

117. In ootmoed voor U troon

In ootmoed voor U troon kniel ons nou neer;
Skenk uit gena' U seën aan ons, O Heer.
Ag mag ons U ontmoet;
Ons pleit U kosbaar' bloed;
U eie volk behoed;
Nader by U.

Ons vrees die bose mag; leer ons te waak;
En lei ons in U weg, dit is volmaak.
U sy geliefde Seun;
Op U ons siele steun;
En tot die end wil leun;
Alleen op U.

Gebroke harte. Heer, was rein en heel;
O neem ons aan en met U Gees ons seël.
Laatskyn U aangesig;
Ons hart' na U gerig;
Vol van U god'lik lig;
Trou net aan U.

In U teenwoordigheid hier ned'rig klein
Begeer ons dat U guns oor ons mag skyn
Leer ons 'U heilig' wil;
U doel in ons vervul;
Wat kinderlik en stil;
Oorgee aan U.

118. Is daar iemand

Is daar iemand wat kan hulp bied,
Iemand wat ons hart' verstaan
As die dorings van die lewe hul laat bloei;
Wat met ware medelyde ons in liefde kan vermaan
En vir ons sy seën ryklik toe laat vloei?

*Ja daar's Een, slegs maar Een,
Die Iefdevolle Jesus, Hy alleen.
As U siel van druk vergaan,
Rol smart soos golwe aan,
U 'n vriend wil hê wat dan help;
Hy's die Een.*

Is daar iemand wat kan hulp bied,
Wat 'n sondaar rus kan gee,
Is sy hart terneergedruk van wee en pyn;
Ook 'n woord spreek van vergifnis,
Wat die skuld teen hom uitvee,
Wie se bloed kan wit soos sneeu was en so rein?

Is daar iemand wat kan hulp bied,
Kom ons by die einde aan;
Deur die waters van die dood ons by sal bly;
Voor ons uit die pad verhelder,
Vrees en twyfel te verban,
Wat oor die gety ons veilig heen kan lei?

119. Is daar 'n hart

Is daar 'n hart wat verlangend
Sug na vergifnis en reg?
Hoor wat sy boodskap verkondig;
Jesus kom langs hierdie weg.

*Jesus kom langs hierdie weg,
Die weg, vandag
Jesus kom langs hierdie weg
Kom langs hierdie weg vandag.*

Is daar 'n hart wat gedwaal het?
Kom met u laste vandag;
Hoor tog hoe pleit sy genade,
U kan Hom stellig verwag.

Is daar 'n hart wat gebroke,
Rus soek deur Jesus beloop?
Kom tot die arms van die Heiland;
Rus op sy boesem u hoof.

Kom na die enigste Redder,
Kom deur sy liefde bewoë,
Kom na die poort wat gee ingang
Huiswaarts na wonings daarbo.

120. Ja my keuse is vir ewig

Ja my keuse is vir ewig,
Ek sal wandel met my Heer.
Nimmer sal Hy my begewe;
Dit is wat sy Woord my leer.
Eensaam pad die kies ek hier nou
Sou dit ru en donker skyn
En ofskoon verag, verlate.
Gaan ek deur aan Jesus' sy.

*Jesus self bestier elk' voetstap;
Hy besit my hart alleen.
En ek waag alleen geen skrede
Deur die moeilik' lewe heen.*

Wag die tuin van angs en droefheid,
Ook beskuldigings en spot
Gaan my pad deur nagt'lik duister
En is donkerte my lot.
Duisternis laat my nie t'rug deins,
Van U aanskyn vlug die nag
En as U my Gids sal wees, Heer,
Gaan ek deur slegs in U krag.

As die laaste stryd gestry is
En gevegte, hewig klaar;
As die laaste vyand sneuwel,
Dan is die oorwinning daar,
Dan gaan pèrelpoorte oop ook
En 'n ingang vol en vry
Word vergun dan aan oorwinnaars,
Gaan ek deur aan Jesus' sy.

121. Jesus is hier slegs

Jesus is hier slegs ons boodskap,
Hom alleen wil ons hier dien.
Ons verhoog slegs Jesus ewig,
Jesus slegs wil ons hier sien.

*Jesus altyd, Jesus ewig,
Hom alleen wil ons besing.
Hy alleen ons Saligmaker,
Lof en eer wil ons Hom bring.*

Jesus is hier slegs ons Redder,
Al ons skuld het Hy betaal.
Hy alleen gee ons genade
En sy krag sal ons nooit faal.

Jesus is hier slegs ons kragbron
Waaruit ons gedurig put.
Alles skenk Hy ons uit liefde
Wat ons ook van Hom mag bid.

Jesus is hier slegs ons Meester.
Dit is soet sy wil te doen.
Aan Hom wy ons 'heel ons lewe
So word ons met Hom versoen

122. Jesus, nou neem ek

Jesus, nou neem ek my kruis op,
Ek volg U, laat alles staan,
Vreemd'ling hier, verag, verlate;
U my alles is voortaan.

*Ek wil U net volg, my Heiland,
Want U bloed koop my ook vry.
Al verlaat die wêreld U ook
Deur gena' staan ek aan U sy.*

Sterf nou elke aardsambisie;
Alles wat ek hier begeer,
O hoe ryk is nou my toestand
Want U is my deel, O Heer.

Laat die wêreld my verag maar
Hul het Jesus ook gehaat
Op die mens kan niemand staatmaak;
U sal nooit U kind verlaat.

Hul sal my probeer verhinder
Dit sal nie my liefde blus.
Swaar beproewings mag my wag ook,
Maar in U vind ek mv rus.

123. Jesus roep my

Jesus roep my oor die storme
Van die lewensee roep Hy,
Met 'n stem so sag, so minsaam:
Volg, o Christen, volg slegs My

Soos uit liefde sy dissipels,
By die Galilese meer
Huis en haard vir Hom verlaat het,
Alles vir hul dierbaar' Heer.

So roep Hy my uit die dienshuis
Van die wêreld, goud en eer;
Van die afgod wat my vashou
Roep Hy: "Christen, min My meer."

In my vreugde of my smarte;
Waar ek my ook heen mag keer,
As ek rus of arbei hoor ek:
Christen, volg en min My meer.

Jesus roep my, groot sy liefde,
Dis die stem wat my bevry;
Nou voortaan wil ek van harte
My in Hom alleen verbly.

124. Jesus U geseënde voetspoor

Jesus U geseënde voetspoor
Wys die weg wat U my lei,
Soos 'n seinvuur in die duister
Skitterend sy strale spreï.

*Dierb're voetspoor van my Heiland
Is vir my 'n kosbaar' kleinood,
Trek my weg van sondeweë;
Lei my reg hier na sy Woord.
Heiland, ek wil volg U Bloedbevlekte spoor.*

Jesus U geseënde voetspoor
Gee my ywer en ontsag;
Ook in die stormagtig lewe
Kaart en kompas in die nag.

Jesus U geseënde voetspoor
Waar dit lei deur die woestyn;
Deur die skadudal van droefheid.
Volg ek trou, kom vreug' of pyn.

Mag ek immer hoog ag, Heiland,
Spoor van u deurboorde voet.
Ewig volg waar dit ook heen lei
Tot ek U daar mag ontmoet.

125. Jesus wanneer ek aan U dink

Jesus wanneer ek aan U dink,
Vul soetheid heel my gees;
Soeter as U 'n blik my skenk
So naby U te wees.

Geen stem kan sing of hart beraam,
Geen soeter klank te wens
As die van Jesus dierb're Naam;
O Redder van die mens.

O Hoop van die verslae hart;
O Vreugd' van sagte gees;
Met die wat val voel U ook smart;
Is goed vir wie U vrees.

Maar vir die wat U vind, geen pen
Of tong beskryf gewis,
Want hul alleen sal ooit kan weet
Wat Jesus' liefde is.

Jesus, ons enigst' Vreugd' altyd;
Ons loon waarop ons wag
Jesus, wees U ons Heerlikheid;
Ook tot in ewigheid.

126. Kom broeders aan

Kom broeders aan en voorwaarts;
Met ons sal Jesus gaan.
Hy lei ons in sy weë
Hier op ons lewensbaan.
Die glorie van sy oë
Bestraal ons op ons reis,
En maak die woeste plekke
Te bloei soos Paradys.

In duisternis daar vind ons
Die vuurkolom wat lei,
So word ons deur ons Herder
Vir d' ewigheid berei.
As ons Hom volg, gehoorsaam,
Word ons deur Hom gevoed,
Tot aan die stille waters
Sal Hy ons trou behoed.

Kom ons verduur met moed hier,
Dis maar 'n korte skof,
Dan hoor ons: "Kom wees welkom";
En sien sy aangesig.
Die wêreld, klein en leeg hier
Dit kan tog nie opweeg.
Almagtig' Son verrys reeds,
Die waspit brand al dof.

Ons volg getrou sy voetspoor
Al word ons voet' geskaad.
Waar Hy die weg gebaan het,
Maak dorings tog geen saak.
Al word ons nie gereken,
Verag, misken, verstoot;
Hul hoor maar net ons lofsang,
Aan broeders, ewig voort.

127. Kom hier opsy en rus

“Kom hier opsy en rus ’n kleine wyl;
Vermoeid Ek weet van al u sorg en werk.
Vee stof en sweet nou van u voorhoof af
En in my stille krag word hier weer sterk.”

“Kom hier opsy uit al die aardsgewoel;
Vir omgang wat die wêreld nie verleen.
Alleen met My en met my Vader hier;
Met My en met my Vader, nie alleen.”

“Stort maar u hart by My vertroulik uit,
Waar u oorwin of nederlae ly.
Ek weet hoeveel dit kos ’n siel te wen;
My kranse word met trane hier verkry.”

Hier nou verfris deur omgang met U Heer;
Keer weer en arbei, van sy liefd’ bewus.
Kosbaar die ure waar u hier leer ken,
Meer van U Meester en sy hemelrus.

128. Kom, kom ons volg nou

Kom, kom ons volg nou Jesus,
Dit is die lewensweg
Gevolg deur die getroue
Oorwinnaars in geveg;
As vreemdeling en pelgrim
Eendragtig het hul saam
Die koninkryk van Jesus
Beproefd kon binnegaan.

Profeet, Apostel, Mart'laar,
'n Groot en edel' skaar;
Die weg wat vir ons oop lê
Het hul gegaan voorwaar,
Gemerck deur hulle voetstap;
Met trane, pyn en bloed,
Gaan hul steeds moedig voorwaarts
Deur God se krag gevoed.

Begin, volhard, geëindig,
Erf hul die lewenskroon;
Hul stem bemoedig ons nou:
Wees trou, God sal beloon.
Wat wêreld bied, laat vaar dan;
Ons gaan die weg nie weer;
Gryp na die ewig' lewe,
Lank leef ons hier nie meer.

Wie lewe spaar verloor dit;
Wie dit verloor, die spaar.
Sy siel word dan vir ewig
Tot na die graf bewaar.
Omgord dan nou die lende
Met krag en vas' besluit;
Loop nou waar Gods' gesante
Gegaan het lank vooruit.

129. Kom maar na My

Kom maar na My, so roep die Heiland u,
Die Lewensvors wat u die hart vernu'
"O hart, belas met sorge, kom gerus,
Kom maar na My en Ek gee u nou rus."

*"Kom maar na My, kom maar na My
Kom maar na My en Ek gee u nou lewe,
Ek gee u nou vree, Ek gee u nou rus."*

Deur hierdie lewenstryd gekwel al meer,
O siel vol twyf'ling, Jesus roep u weer;
U vrees sal ophou en u harteweë.
Kom maar na My en Ek gee u nou vree'.

O sterfling wel van sondeskuld bewus;
Gewete wakker en u hart ontrus;
Geslinger tussen hoop en vrees so ru;
Kom nou na My, en lewe gee Ek u.

Rus, lewe, vree' wat soos die blomme bloei
Laat nie die Heiland eers hiernamaals groei;
Reeds hier kry ons 'n voorsmaak van die rus
Wat ons nog wag daar aan die hemelkus.

130. Kom na Jesus

Kom na Jesus want Hy roep u;
Wag nie langer, stel nie uit;
Breek 'n dag vir u nie weer nie.
Kom voor Hy die deur dalk sluit.

Hoor tog as die Meester waarsku.

Voor die lewenslig verflou.

'Wyl sy hart na u verlang nou,

Kom na Hom, o kom na Hom.

Soos 'n newel aan die hemel
Kom die lewe, gaan ook weer;
Hier het u geen vaste blyplek,
As die dood kom wie kan keer?

Luister tog, Hy pleit so vriend'lik;
Kom en kies Hom as u vriend:
Op die weg van lewe lei Hy,
Trou en veilig tot die end.

O, versoen u met die Heiland
Voor genadedeur dalk sluit
En u buite op die drumpel
Net uself het te verwyf.

131. Kom ons tree toe tot God

Kom ons tree toe tot God
Dat Hy met ons kan wees.
Mag sy nabyheid ons vervul
Met eerbied Hom te vrees.

*Kom ons tree toe tot God,
Die bron waaruit ons put.
Die Heiligste staan vir ons oop;
Laat ons vrymoedig bid.*

Kom ons tree toe tot God;
Vergifnis bied hy aan.
Ons Heiland sluit die hemel oop
Dat ons kan binne gaan.

Kom ons tree toe tot God;
Hy ken ons sielenood;
Gebroke harte neem Hy aan
En red ons van die dood.

Kom ons tree toe tot God:
Waar ons voor Hom ons buig;
Laat lof en dank uit elke hart
Tot Hom gedurig styg.

132. Kom, vermoeides, nou

Kom, vermoeides, nou na Jesus;
Kom en vind by Hom nou rus.
Neem sy juk, Hy is lankmoedig;
Wil dan in sy wil berus.

*Was daar ooit 'n Vriend so dierbaar
Wat geduldig so sal wag?
Let op sy deurboorde hande;
Hy hou redding uit vandag.*

Jesus' liefde so onmeetlik
Bied genade, vrede, rus!
Deur sy kosbaar' bloed u reining;
Laat u woon aan Hemelkus.

“Kom na My, my juk is ligter
As wat wêreld u kan bied.
My groot saligheid verbeur hier.
Daarna ewig' sielsverdriet.”

133. Kon ons maar weet

Kon ons maar weet wat Hy hier moes verbeur.
Die prys waarteen die voorhangsel moes skeur.
Sou ons ook hier soos eng'le sy Naam eer.
As ons kon weet, as ons kon weet.

Kon ons maar weet die smart en aardsverlies,
Die eensaam' uur, Getsèmanè, die Kruis,
Voor sulke liefde, wat kan ons tog wys?
Kan ons begryp? Ja, ooit begryp?

Kon ons besef die vreugd' vir ons beplan,
Die krag, genade in sy sterke hand.
Sou hy nie lank nog wagtend buite staan.
Kan ons besef? Kan ons verstaan?

Kon ons maar weet! O Jesus, Heiland, Heer,
Voor wie die eng'le buig, val nasies neer.
U sagte stem te hoor, wil U ons leer.
Help ons te leer, o help ons Heer.

134. Kyk die Heiland

Kyk die Heiland in ontferming
Kom op aarde om te sterf.
Dink hoe groot sy son-daarsliefde,
Ons te red van die verderf.
Sondaars moeg en afgedwaaldes
Wil Hy red, o kan dit wees?

Kyk die Heiland peinsend. wand'lend
By die Galilese meer.
Hoor Hy roep die vissers ned'rig:
"Volg My na. volg My. u Heer.
Kom en lewe, werk vir My nou
Tot die nag hier eind'lik daal.

Kyk die Heiland knielend, biddend,
In die tuin daar so alleen.
Wrede spot en dood verduur Hy;
Hy vir ons moes boet en ween.
Onder sondelas en droefheid,
Moes Hy dra die kruis alleen.

135. Kyk moedig tree ons

Kyk moedig tree ons voorwaarts
Op noue pelgrimsweg;
Die stem wat roep dit ken ons.
Ons troue Heer lei reg.
Kom broeders, daar wag glorie:
Met vasberade doel
Spoed ons na hemelwonings
Waar almal tuis sal voel.

Dit klink van jubelsange
Toe oor ons skyn sy lig,
Te hoor die lied van serafs
Ver voor uit die gesig.
O broeders was dit droefheid
Die wêreld prys te gee?
Ons oog aanskou nou Jesus
En dit gee hartevre'e.

O vreugd', ons laat hier agter
Die boeie van die slaaf:
Wat stoflik is hier aan ons
Word weer in stof begraaf.
Bly spoed ons voort as pelgrims
Met hande leeg en vry;
Eensaam' woestyne kruis ons
En volg Hom waar Hy lei.

Om ons natuur te kruisig.
Leer ons die weg van God:
In vlees so selfbehaaglik
Vind Jesus nooit genot.
Ofskoon al nouer, steiler
En eensaam, ru die weg;
Al hinder rots en ruigte,
Dank God, ons gaan sy weg.

136. Laat ek my oorgee

Laat ek my oorgee, aan U, O Heer;
Mag ek soos klei wees, buigsaam en teer.
Kom son of skadu. wat ook al mag,
Bereik U doel Heer, Vader, ek wag.

Volmaak' oorgawe bring my van bo;
Volmaak' vergifnis. Heer, in U oë,
Help U my daaglik voor U te swig.
Altyd en ewig, Jesus, my Lig.

Laat ek my oorgee, en hier benee'
Voorsmaak van hemel sal U my gee.
En dan in glorie, in soet akkoord
Met die verlostes prys ek U woord.

137. Laat ons moed nooit

Laat ons moed nooit wankel, waar ons wandel in die lig:
Hou deur elke donker nag ons oog op U gerig.
Elke vyand wat ons hinder, val voor U, O Heer:
Die wat aan U kleef sal eind'lik met U triomfeer.

*Laat ons moed ons nooit begeef nie;
Help ons trou te bly;
Bind ons lewe aan U altaar,
Heel aan U gewy.*

Laat ons harte nooit vermoeid word. skyn die weg ook lank
Gee ons hoop dat in die oestyd ons sal juig en dank.
U sal altyd U belofte aan U kinders hou.
Hou ons dus geduldig, buigsaam, aan U wil getrou.

Laat ons nimmer Heer, terugkyk op die lewensbaan.
Hou ons oog op U gevestig, laat ons voorwaarts gaan.
Lyk die doelwit onbereikbaar, wat ons ook ontbeer,
Elke dagreis bring ons nader aan U koms, O Heer.

Laat u hand nooit ledig wees nie, u moet nou begin,
Hoor God roep u: "Kom! wees diensbaar. arbeiders is min,"
Weë van nuttigheid omring u nood aan elke kant,
Wees vol ywer vir die Meester strek nou uit u hand.

138. Laat ons steeds let

Laat ons steeds let op Jesus
So swaar beproef, versoek;
Die kosbaar Lam van God verduur
Vir ons die kruis se vloek.

*Bly ons getrou soos Jesus
Dan keer ons nie opsy;
Met hart getrou en doel opreg
Laat ons in Hom steeds bly.*

Hoe eensaam die woestynpad
Dis God wat daarheen lei:
Ons hart' te toets en ons te toon
Wat liefde daar berei.

Die weg is vol gevare,
Laat ons dus bid en waak
Soos Jesus in Getsemane
Die stryd het deurgemaak.

Beloofde land kom nader;
Sal ons daar woonplek vind
Of sterwe in die wildernis;
Deur sond' en self verslind?

139. Laat ons stilstaan

Laat ons stilstaan vir 'n oomblik
Van ons werk en weë;
Luister na die Meesters' roepstem
In ons angs en vrees.

Tyd spoed vinnig; blomme val neer;

Lewe snel verby.

Vra uself waar is die reis heen

Tyd snel gou verby.

'Wyl u let op jeug en skoonheid,
Wêreldse plesier,
Stort daar menig' kosbaar' siele
In die afgrond neer.

Meegesleur deur lewenstrome,
Haastig spoed ons aan.
Wanneer dood kom, sal ons hoor dan:
Siel u't welgedaan!

Heil'ge Meester, o berei ons,
Help ons weif'lend tred.
Mag ons oorgee, aan U roepstem,
Want U kan ons red.

140. Lê neer u sware laste

Lê neer u sware laste,
Vermoeide siel vol vrees;
Kom tot die groot Heelmeester
En Hy sal u genees.
Die Meester roep u vriend'lik;
Hy stort sy kosbaar' bloed
Wat u van skuld kan vrystel,
Kom werp u aan sy voet.

*Lê neer u sware laste
Vermoeide siel vol vrees:
Kom na die groot Heelmeester
En Hy sal u genees.*

Kom na u siel se Redder;
Sy lewe offer Hy
Dat u mag deel sy glorie
En ewig by Hom bly.
Ag nie die aartsbedrieër
Wat vrees en twyfel wek;
Kom nou vertrou die Heiland;
Sy vleuels sal u dek.

Sy vrede onbegryplik
U hart en lewe vul:
Sy vreugde en vertroosting
Sal stryd en sonde stil;
Sy stem so soet en minlik,
Vol liefde en gena'
Bied u van harte welkom,
Hy sal u veilig dra.

U sterwens-uur kom nader
Wanneer u staan alleen
Met skuld nog nie vergewe
Hoe bitter die geweën.
Verwerp tog nie die Heiland
Want breek die einde aan,
Word afgesny u lewe
Dan moet u voor Hom staan

141. Leef vir and're, elke dag

Leef vir and're, elke dag;
Dis die beter lewensbaan:
So het ook die Seun van God
Ons op aarde voorgegaan.

*Leef vir and're, dag na dag;
Wees 'n seën 'wyl u mag.
Teer, vol liefde en getrou
Laat hul Hom in u aanskou.*

Leef vir and're, soos ons Heer,
Wie vir almal het gesterf.
Al was Hy Gods' eie Seun
Moes Hy so die kroon verwerf.

Leef vir and're, so as Hy
Steeds sy beste het gegee;
Deur die liefde wat Hom dring
Deel Hy alles ons ook mee.

Leef vir and're, dat wanneer
God u lewensdraad afsny
Jesus, soos Hy het beloof,
U voor God ook kan bely.

142. Leer my, O Jesus

Leer my, O Jesus, reg te kies,
Want elk uit duisend keuse kan
My lot vir my vooruit bestem;
Wys my die regte keuse dan.
U moes as jong'ling tog ook kies
En alles wat my hier versoek
Het soveel swaarder u beproef
U raad alleen wil ek dus soek.

*Leer my, O Jesus, reg te kies;
Toon my die beste keuse aan.
Laat my dan kies soos ek sou kies
As tyd hier eens nie meer bestaan.*

Leer my, O Jesus, reg te kies,
Want ek is maar 'n kind nog klein;
Die wêreld hou geheime groot,
Die dood en duisternis bring pyn.
Die eise wat die wêreld stel;
Die vreugd' wat dit skynbaar verleen.
Het U onaangeroerd laat staan
O edel' Galilese Seun.

Leer my, O Jesus, reg te kies:
Dis soet te weet dat U verstaan
Waarteen die jeugdig' hart moet stry
Om al die strikke te ontgaan.
En al begryp ek dit nie nou
Sal 'k eendag beter kan verstaan
Waarom U telkens toon die weg
Wat swaarste skyn, maar reguit gaan.

143. Leer my U weg, O Heer

Leer my U weg, O Heer,
Leer my U weg.
Wil deur U guns my leer,
Wys my U weg.
Lei my in Hemelslig,
Nie volgens my insig,
Maar deur geloof my rig;
Leer my U weg.

Wanneer ek hartseer is
Leer my U weg.
As aardse vreug heen is
Leer my U weg.
In uur van eensaamheid,
In tyd van sware stryd.
Voorspoed of moeilikheid
Leer my U weg

Twyfel of vrees mag kom,
Leer my U weg.
Met donker wolk al om.
Leer my U weg.
Skyn deur die wolk en reën,
Deur droefheid om my heen
Wil U my wandel seën.
Leer my U weg.

Deur my heel' lewensduur,
Leer my U weg.
Soos U my lot bestier,
Leer my U weg.
Tot ek volbring die taak,
Tot ek die reis klaar maak,
Tot ek oorwinning smaak,
Leer my U weg.

144. Leer ons, Heer, te tel

Leer ons, Heer, te tel ons dae
Dat ons harte ons mag leer
Om na wysheid altyd soekend
Jesus onse Heer te eer.

*Leer ons, Heer versigtig wandel;
Vinnig vlieg die tyd verby.
Mag U beeld in ons gesien word.
Waar ons hier U Naam bely*

Leer ons, Heer te tel ons dae
Kort maar is ons lewensduur.
Gee ons wyse raad van bowe
Reg te lewe elke uur.

Leer ons, Heer, te tel ons dae
En ons hart' na U te rig.
Red ons van die aardse boosheid;
U ons bron van vred' en lig.

Leer ons, Heer, te tel ons dae
Dat hul almal U behoort.
In U diens getrou en wagtend
Tot ook ons U roepstem hoor.

145. Loof, loof die Heer

Loof, loof die Heer my siel;
My al verenig saam.
Lofwaardig is sy heiligheid;
Eer dan sy grote naam.

Vergeet sy goedheid nooit;
Hy heel u krankheid teer;
Versadig u met alle goed;
U jeug vernieu Hy weer.

God twis nie ewiglik
En daal sy strawwe neer;
Ons sond' en ongeregtheid
Is duisendvoudig meer.
So hoog die hemelboog
Verhewe bo die aard'
Strek sy getrouheid oor die wat
Sy dierbaar' woord bewaar.

Hy ken ons gans' bestaan
En as 'n Vader teer
Ontferm Hy Hom oor elkeen wat
Sy grote naam vereer.
Die mens se dae is
Soos gras of blom so teer;
Gaan daar maar net 'n wind oor heen
Bestaan dit glad nie meer.

Maar sy getrouheid duur
Van eeu tot eeu nog voort
Oor hul wat kinderlik en sag
Steeds bewe vir sy woord.
Loof dan, O engele
En helde altesaam;
Verenig met sy hemelskaar;
Loof, loof sy grote naam.

146. Maak plek vir Jesus

Maak plek vir Jesus, droewig' siel.
Die breë weg laat staan;
Sê elke vreemde gas vaarwel
Dat Hy kan binne gaan.

Maak plek bedroefde siel, maak plek
Van wat wil hinder, skei,
Maar laat die Heer en Meester in;
Laat Hom nie buite bly.

Maak plek vir Jesus, siel, maak plek.
Hy klop nog keer op keer;
Gaan Hy bedroef eens van u weg
Dan keer Hy straks nie weer.

Maak plek vir Jesus, plek o siel.
Nog wag Hy aan die deur;
Hy bring u heil en waarom dan
Stel u Hom steeds teleur?

Maak plek vir Jesus want daarbo
In heerlijkheid het Hy
Vir saliges daar voor Sy troon
'n Plek gaan voorberei.

147. Mag hul almal een wees

Mag hul almal een wees, Vader,
Het die Heiland sag gevra,
Toe Hy bid met sy dissipels
Voor Hy sterf op Golgota.

*Een met hul ons voorgegaan;
Een met Syne elke dag;
Een in Hom wat ons so liefhet;
Een vir alle Ewigheid.*

“Mag hul een wees net soos Ons is,
Toevertrou deur U aan my.”
Hul bly agter as getuies,
Klein getal, deur Hom bevry.

“Mag hul een wees, o my Vader,
Almal wat in My sal glo,
Dat hul toon deur al die eeue,
U het My gestuur van bo.”

“Mag hul een wees, o my Vader,”
Pleit Hy vir sy aardse kind;
Hy verlang te sien dat eenheid
Sy geliefdes saam verbind.

148. Mag U liefde so volmaak

Mag U liefde so volmaak
Tog in my hart ontbrand;
Dan bly ek in U waarheid trou,
Gelei deur U sterk hand.

*Gee dat U ew'ge liefd'
Nou in my hart mag straal;
Dan bly ek in U weg getrou
En sal nooit van U dwaal.*

Mag U liefde so volmaak
My siel so inspireer,
Dat ek getrou U wil mag doen,
Genade vra ek, Heer.

Mag U liefde so volmaak,
Ontbrand diep in my hart,
Dan roem ek selfs ook in die kruis
En deel my Meesters' smart.

O bewaar tog deur die liefd'
U heil'ges in elk' land.
Dat hul in U tog een mag wees,
Gevoed slegs deur U hand.

149. Meer liefde, dierbaar' Heer

Meer liefde, dierbaar' Heer,
Te bly getrou;
Verhoor, O God, verhoor
My bede nou;
Dit is wat ek begeer:
Meer liefde vir U, Heer,
Vir U, O Heer,
Steeds meer en meer.

Eers het ek hier gesoek
Na aardse vreug'.
Nou is dit net U liefd'
Wat my verheug.
Dis my gebed nou weer:
Meer liefde vir U, Heer,
Vir U, O Heer,
Steeds meer en meer.

Wat hier my lot mag wees,
Lyding of smart;
U liefde, Heer, gee my
Troos in my hart.
Dis my gebed nog weer:
Meer liefde vir U, Heer,
Vir U, O Heer,
Steeds meer en meer.

Tot aan my laaste dag
Verbly ek my
In U groot liefde, Heer.
So ryk en vry.
Dan bid ek soos weleer:
Meer liefde vir U, Heer.
Vir U, O Heer.
Steeds meer en meer.

150. Meer van my Heiland

Meer van my Heiland wil ek weet;
Meer van sy krag nog ongemeet;
Meer van sy volle redding smaak;
Meer van sy liefde so volmaak.

*Meer, meer van my Heiland;
Meer, meer van my Heiland;
Meer van sy volle redding smaak,
Meer van sy liefde so volmaak.*

Meer van my Heiland wil ek leer;
Meer deur sy heilig' wil beheer:
Gees van ons God my Rigter wees
Om my van sonde te genees.

Meer van my Heiland wil ek lees;
Soete gemeenskap deur sy Gees;
Sien ek sy wil in elke reël;
Maak ek sy woord vlees as my deel.

Meer van my Heiland op sy troon:
Rykdom in harte waar Hy woon.
Ryker die oes wat Hy sal dors
Wanneer Hy kom, die Vredevors.

151. Meester, spreek

Meester, spreek U dienskneg luister,
Wag steeds op U god'lik' woord.
'k Luister na U stem wat fluister;
Gee dat ek dit tog mag hoor.
Is die storm dan ook so ru,
Luister ek nog steeds na U.

Spreek met my by naam, o Vader,
Laat my weet dit is met my;
Jesus, spreek en trek my nader
Aan U eens deurboorde sy;
Waar die weg dan heen mag lei,
Juigend volg ek aan U sy.

Meester, spreek al is ek kragt'loos
Ek wil ook U Naam bely;
Sonder U is ek heel magt'loos,
Skenk dan U gena' aan my.
U ken tog my diepste nood
'k Werp my in U Vaderskoot.

Meester, spreek en maak my vaardig
As U stem nou met my deel,
Gee gehoorsaamheid U waardig
Steeds te doen soos U beveel;
Heer, ek luister, aan U sy,
Spreek. ag spreek tog nou tot my.

152. Met kinderlik' vertrouwe

Met kinderlik' vertrouwe, Heer,
En hulp'loos swak, roep ons U aan;
U het U werk in ons begin,
Wil elke stap dan met ons gaan.

*Ons swakheid roep om hulp, o Heer;
Ons gees na vryheid sug al meer.
O hoor ons roep, ons Middelaar,
Voltooi die werk deur U aanvaar.*

Vol blydschap in die ned'rig' weg,
Sou ons graag loop, sou ons wil wees;
Die kruis en lyding nooit vermy,
Maar toon ons liefde onbevrees.

Waar ons ons offer aan U bied,
Gee ons geheel en al ons hart;
U liefde, lewe, krag begeer,
Dat ons mag tot die end volhard.

O help ons dan U na te volg
Met harte vas, ootmoedig vry;
In U regverdigheid volmaak,
Gehoorsaam aan U wil te bly.

153. Met 'n sagte hart

Met 'n sagte hart, gebroke
Sit ons nou aan Jesus' voet,
Na sy kosbaar' woord te luister,
Dit bring vreugd' in ons gemoed;
Bring vertroosting in beproewing
En verwek begeertes rein.

Daaglik is dit ons behoefte
Waar ons wandel op sy weg,
Om op Hom te wag, te luister
Na sy woorde so opreg;
Dan met hart en gees vernuwe
En met moed hier in die stryd,

Laat ons kies Hom te gehoorsaam,
Ned'rig soek sy aangesig;
Hy sal ons dan met sy Gees vul
En hernieu ons in sy lig.
Hy sal toon dat Hy naby is
En sy sagte stem laat hoor.

154. Met onderworpe hart

Met onderworpe hart en wil
Sit ek aan Jesus' voet.
Hy is my lewe en my al,
Volmaak in Hom so soet.

In diep ootmoedigheid leer ek
Sy liefdevolle wil.
Ek luister en ek hoor sy stem,
Gedwee, gehoorsaam, stil.

Die wet van sonde en die dood
Wil skeiding van Hom bring,
Maar veilig in sy sterke arms
Kan ek sy lof besing.

Die wet van Christus in my hart
Is sterk en hou my vry.
Gehoorsaamheid aan Christus' wil
Help my om rein te bly.

Die rein van hart sal Hom aanskou,
Hy is hul vreug' en hoop,
Hoe soet sy stille rus vir my,
Sy vrede duur gekoop.

Die stem van God so stil en soet
Spreek innig diep tot my.
Ek wil gehoorsaamheid Hom gee
Beheer en heerskappy.

155. My hart verlang na niks

My hart verlang na niks so seer
As na my Vaders' dierbaar' wil,
En nooit te dwaal weer van my Heer
Maar rus daar aan sy voete stil.

Sy wil is steeds my doel, my lus.

En heel my lewe Hom gewy.

Sy hand my gids tot ek eens rus

Vir ewig aan die ander sy.

Die weg gebaan hier deur my Heer
Dat ek vir ewig lewe mag
Soek ek te volg nog meer en meer:
Geheel my wil in sy beslag.

Nooit wil ek hier my moed en hoop
Verspil op aardse slyk en stof.
Hy het my met sy bloed gekoop.
Vir Hom dan voortaan al my lof.

156. My hart vind rus in U

My hart vind rus in U, my God.
Ek dank U in my lied;
Ek drink uit die verborge bron
Wat blydschap ryklik bied.
Die brose vat deur U berei
Geen ander hand kan vul,
Want die wêreldstroom is nie in staat
Die dors in my te stil.

Na lewend' water smag my siel
En hier ontspring dit vry:
Ek soek na skatte van U liefd'
En hul lê rondom my
'n Nuwe lied is in my mond;
My hart maak melodie
Om U Naam te prys vir al die guns
Wat U gedurig gee.

Ek eer U Naam vir dit wat maak
Van diepe nood bewus;
Vir vrees wat my by U laat soek
Wat vir my beste is.
Ek het 'n erfenis van vreugd'
Hiernamaals eers te kry
En die Hand, wat dit ook myne maak,
Bewaar dit self vir my.

My hart vind rus in U, my God,
Want U sorg vir u kind.
Ek hoor die stem van groot gejuig
Wat rondom weerklank vind:
U is my erfdeel, se my siel.
Tienduisend roep dit uit
En hul "Amen" saam in bly akkoord
Weerklink deur d' ewigheid.

157. My hart vloei oor

My hart vloei oor van dank waar 'k op God wag
Want Hy gee my genade dag na dag:
Dit is genoeg - gee my oorwinning hier
Waar ek die stryd voer onder sy banier.
Hoe rustig is my hart nou dat ek weet
Hy sal voorsien en deel in al my leed.

Te midde van versoeking waar ek treur,
Wys liefdevol sy hand my na die deur;
Die ingang tot die stil verborge plek
Daar waar sy Gees weer hoop en lewe wek;
Daar word my siel dan rein van sondeskuld;
My krag weer nuut; sy weg in lig gehul.

Boos, wêrelds is die magte hier; ek sien
Soveel wat my wil hinder God te dien;
Dit laat my siel slegs vaster aan Hom kleef;
Genade kry ek as ek daarna streef
My weg in alles suiwer hier te hou:
Vir d' ewigheid my lewe op te bou.

Ag mag my lewe wys dat Hy regeer,
Dat sy gena' en liefde my beheer;
Vermoeide siele wat die Heer behoef
Deur nederlae dag na dag bedroef,
Kan in hul smarte dan tog sien in my
Wat hul kan word as hul genade kry.

Die Een wat weet hoe ure kom vol sorg;
Weet vlees is swak daarom is Hy my borg;
Ek hoor Hom sê, my hart rus daarin weer:
Genade gee Ek, niks my hand kan keer.
Ek hoor Hom sê, my hart rus daarin weer:
Genade gee Ek, niks my hand kan keer.

158. My hart was moeg

My hart was moeg en droewig
En sonder sielorus;
En dwalend in die duister
Het ek gesoek na rus.
Deur sondemag gebonde
Was daar geen hoop in sig.
Met bitterheid diep in my
Het ek verlang na lig.

*Ek juig, want ek ken Jesus
Hy heel my van my smart,
Hy gee my ware vreugde,
En woon nou in my hart.*

Ek het op vele plekke
Gesoek na aardse vreugd',
Maar niks kon my bekoor nie
Niks kon my hart verheug.
Die lewe was so doelloos,
Net droefheid en verdriet
En ondanks al my strewe
Was daar geen vrede nie.

Die duisternis word dieper.
Geen troos, geen hoop vir my
Maar eind'lik word dit ligter
Want Jesus kom verby.
Hy spreek so sag hartroerend:
"Ek sterf vir U, o siel
En dra u sonde in my
Aan d' kruis waar u moet kniel."

159. My Heer, 'n offer wil ek bring

My Heer, 'n offer wil ek bring;
Ek weet dit is maar klein, gering;
My Koning, neem dit aan van my;

*Neem aan van my
Die lewe wat ek U wil wy;
Vir U geheel;
Voortaan het ek nie meer 'n deel.*

U het u best' vir my gegee
Die nag daar in Getsèmanè;
Dat ek ook God kan toebehoor'

Al wat ek is of het, O Heer,
Gee ek nou vir U diens en eer
My beste wil ek aan U wy;

Gebruik my lewe dan, O Heer,
Om siele van U Weg te leer;
Dat vreugd' daarbo ook mag ontstaan

160. My Heer se liefde

My Heer se liefde sal nooit faal
Selfs na my lewensdag hier daal;
En as die lewe einde kry,
Dan sal ek, Meester, by U bly.

*Sy liefde lei Hom na die tuin,
Dit dwing na Golgota se kruin,
Dit vloei uit wonde, wreed vol pyn,
Hy sterf vir my, O Lam so rein.*

Onwaardig van sy liefd' vir my
Tog het Hy my 'n plek berei.
My siel gered sal vrede vind
Oneindig' vreugde as Gods kind.

Bekleed met sy welwillendheid,
Sal dienaars sien sy god'likheid.
Met lewenskroon sy Naam te dra
En sonder blaam te staan hierna.

Gods liefde troos ons ewiglik,
Hy sal elk' traan so teer afvee,
En voor die troon 'n loflied bly
Hoe groot sy liefd'; Hy sterf vir my.

161. My Heiland, hoe min ek

My Heiland, hoe min ek U Naam
En o, hoe dierbaar aan my hart
Die band van liefd' wat my aan U
Al vaster bind, kos dit ook smart.

*My naam is in sy hand gegrif;
Sy kosbaar' bloed sal vir my pleit
Gedurig voor Gods aangesig;
Daar in sy teenwoordigheid.*

My Herder, deel U lewe my:
Ek rus, want U sal seëvier
Oor elke vyand om my heen
U liefde gee oorwinning hier

My Meester, 'heel my siel verlang
Gena' om U met ware vrees
En eerbied steeds getrou te dien;
Opreg. ootmoedig, sag van gees.

My Vader, hoor in Jesus' Naam
My smeekgebed, dat ek getrou,
In lewe of in dood, betoon
Dat Christusbeeld in my ontvou.

162. My Heiland, U het rus

My Heiland, U het rus beloof;
O gee die rus aan my;
Die rus om aan myself te sterf;
In U alleen te bly.

Die wrede self wat woed en stry
En opwel in my hart
Soek tussen U en my te kom;
Veroorsaak onrus, smart.

Hoeveel gestaltes neem dit aan
Wat waarheid skyn te wees;
Asof ek nie durf alles waag
En veilig in U rus.

O Heer, ek soek 'n heil'ge rus;
Oor sonde heerskappy;
Dat U oor alles mag regeer
Wat my van U wil skei.

In U hand sterk lê ek my neer;
So word U werk verrig,
Want wie kan werk so wonderbaar
Soos U, O god'lik' Lig?

163. My lew' in Christus

My lew' in Christus word by God
Vir ewig veilig daar bewaar;
Al woed ook Satan teen my siel
My Heer gee uitkoms wonderbaar.

*Geen vyand kom waar my siel skuil;
Hy sorg, verberg dit van gevaar;
Sy teenwoordigheid sal ook
My soos 'n muur van vuur bewaar.*

Skiet Satan vurig' pyle uit;
Kom groot versoekings pynlik swaar;
Dan beef my hart van vrees nie meer,
Naby die Heer van leërskaar.

Al is die stryd geweldig hier
Waar Satan lei sy leërmag
Begunstig God van waarheid my;
Verbreek ook selfs die slang se krag.

Gods liefde, onveranderlik;
Sy vreedsaam' rus heers in my hart.
Gehoorsaam aan die Gees se stem,
Kies ek vandag die beste part.

164. My Meester spreek

My Meester spreek, dit gee my vreug;
Dan juig my hart voor Hom verheug
Ek hoor Hom steeds sê in die stryd:
Ek kom weer, waak en bid altyd.

*Sy weg is beste, ek hou aan
Net waar sy bloedspoor het gegaan.
Verlang maar net met waardigheid
Die plek te vul vir my bereid.*

Sy woord bepeins ek keer op keer
Dat Hy op aarde sal regeer.
Hy sal hul eis ook vir sy bruid
Wie trou bly in sy weg altyd.

Al word sy ned'rig' weg gehaat;
Sy liefd' verag, en ook versmaad;
Brand een begeerte in my rein,
Bereid te wees as Hy verskyn.

Sy liefd' bevredig nou ook my;
Gena' so nodig gee Hy vry;
Dit hou my in sy weg getrou
Tot ek sy aangesig aanskou.

165. My toevlug en hoop

My toevlug en hoop is in Jesus;
My troos op die dag as ek ween.
Hoewel die woestynreis my afmat,
Ek weet Hy sal voed en sal seën.

*Ofskoon ek van sonde omring is,
My hart sal nie vrees, want ek weet
My toevlug en hoop is in Jesus;
Daar word al my sorge vergeet.*

Sy arm wat so sterk is, bewaar my;
Val heftig die vyand my aan.
Ek stel in my Heiland vertrou.
Want Hy help my vas te bly staan.

Sy trou en genade sal nooit die
Verlaat wie opreg is van hart.
Hy weet ons is swak en vergeet nooit
Sy krag te verleen in ons smart.

Hy woon by die ned'rig van harte
Wat stil seek te wag aan sy voet
En die wat gebroke van hart is
Die smaak sy vertroosting so soet.

166. My tye in U hand

My tye in U hand;
My Heiland, Rots en Borg;
So laat ek vriende, lewe, siel
Geheel nou aan U sorg.

My tye in U hand;
'k Laat bly dit in U mag.
Vol vreugd' of droefheid, donker lig,
Net soos U beste ag.

My tye in U hand;
As lewenslig verkwyn;
'n Vaderhand gee self die wond,
Droog af die traan van pyn.

My tye in U hand;
Gesterf het U vir my
Die Hand, dit was so wreed deurboor,
Het my na God gelei.

My tye in U hand;
Hou my tot in die dood;
Dan wag my as U stem my wek
Die saligheid so groot.

167. 'n Kleine wyl die kruis

'n Kleine wyl die kruis te dra,
Verlies te ly deur sy gena';
Die frons en skimp moet ons verduur;
Eers wapens neerlê d' laaste uur.

*Ons kleine wyl vlieg gou verby,
Breek aan die uur vir u en my;
O waak en bid, koop uit die tyd;
Vir Jesus werk met lus en vlyt.*

'n Kleine wyl die stryd te stry,
Sterk in sy krag, sy Gees ons lei;
Ons Heiland trou, Hy bly ons by,
Ons sal deur Hom oorwinning kry.

'n Kleine wyl die prys te win
Voor ons die ewigheid begin;
Om Hom te sien is vreug' vir my:
Die kroon "Regverdigheid" te kry.

'n Kleine wyl geloof bewaar
En soek sy skape te vergaar;
Sy boodskap bring na iedereen;
Verheerlik net sy Naam alleen.

168. 'n Lewe van oorwinning

'n Lewe van oorwinning
Wat Hom voortdurend dank;
Bly dit u salig' erfdeel
Voortaan u lewe lank.
Verkry was die oorwinning
Vir u op Golgota,
Alwaar tot u bevryding
Sy Seun u skuld moes dra.

En wil u die geheim weet
Oorwinning steeds te kry,
Laat inkom die Oorwinnaar
Dat Hy u kan bevry
Verslae gees gebroke
Sal Hy as syne seël
Om triomfantlik met Hom
Sy seëpraal te deel.

Ofskoon ook bese magte
Die pad versper voor u.
U Vader het belowe
Oorwinning u te gee;
Geloof sien leërskaer,
Maar twyfel sien slegs vrees;
Tog sal deur swaer stryd juis
U lewe sterker wees.

Die stryd word daagliks feller
Hoe nader kom sy dag
En slegs hul kan dit deurstaan
Wat nie sal verontag,
Dat God vra hul niks meer nie;
Ontsluit tog net die deur;
Want harte waarin Hy woon
Moet eind'lik triomfeer.

169. Naby die hemel

Naby die hemel;
Buite die poort;
Net op die drumpel;
Waarom vertoef?
Kom, neem die stap tog nou
Dit sal u nooit berou.
Die poort is nou in sig
Waarom nog wag?

Naby die hemel;
In sonde dood;
Net op die drumpel;
Nie deur die poort.
Usself met God versoen;
Dan is die ingang vry;
Ewig by God

Naby die hemel;
Waarom bevrees?
Net op die drumpel
Sal Jesus wees.
Wil u verwelkom nou;
Leidsman, Verlosser, trou,
In liefd' is plek berei
Ewig by God.

170. Nader steeds nader

Nader steeds nader, na aan U sy
Trek my, my Heiland, so dierbaar vir my.
Trek my en Hou my dig aan U, Heer,

Nader, steeds nader; niks bring ek, Heer,
Niks as 'n offer om U te vereer;
Net my berouvol', sondige hart;

Nader, steeds nader; na aan U, Heer,
Dien ek die sonde van nou af nie meer;
Met sy plesier en weelde en trots;

Nader, steeds nader, help my te streef,
In al my wandel al nader te leef,
Daarna vir ewig met U te bly;

171. Ned'rig aan U voete

Ned'rig aan U voete, Heiland.
Pleitend om genade daar.
Wil ek soek U vriend'lik' aanskyn
Sodat ek U troos ervaar.
Straks begewe hart en vlees my,
Help my, Heiland, as ek vra,
In my hart die soete wete,
Ek kry nog by God gena'.

*Nog nie buite Jesus' liefde,
Onbeperkte liefde soet.
Die gedagte gee my vreugde,
Blye troos vir my gemoed.*

Hoor, o Hart, u Heiland spreek weer
Tot u deur sy woord en Gees.
Hy gee vrede, krag en lewe,
Rus dan by Hom onbevrees.
Eindeloos is sy groot liefde,
Hy help u deur elke stryd,
Onuitspreeklik sy genade
Tot in alle ewigheid.

Dis geen aardse skatte, gawes,
Maar my liggaam wat Hy vra
Vir 'n huis om in te woon hier
Totdat ek sy beelt'nis dra.
Kan ek weier, my onttrek van
Steeds te luister na sy stem?
Nee, sy grote liefde dring my,
Maak my vry van wat omklem

172. Neem die wêreld

Neem die wêreld, gee my Jesus,
Wêreldvreugd' gaan gou verby
Maar die liefde van my Heiland
Bly vir ewig ryk en vry.

*O die hoogte, lengte, diepte
Van sy liefde sonder peil,
O die volheid van verlossing.
Onderpand van ewig' heil.*

Neem die wêreld, gee my Jesus,
Want sy troos is soet en groot.
Hy bewaar my, gee my vrede
En oorwinning oor die dood.

Neem die wêreld, gee my Jesus,
Want in Hom sien ek die lig.
Op die lewensweg met Jesus
Moet die duisternis tog swig.

Neem die wêreld, gee my Jesus,
Aan die kruis het Hy gesterf.
Dank Hom hier en ook vir ewig
Vir wat Hy vir my verwerf.

173. Neem een tree met Jesus

Neem een tree met Jesus voorwaarts;
Haas u nou en word sy kind
Voordat u Hom nie meer sien nie,
Omdat ongeloof verblind.

*Neem een tree met Jesus voorwaarts;
Liefde sal die vrees vermy.
Liefd' gebed geloof sien helder
Sien die Heiland so naby.*

Neem een tree met Jesus voorwaarts;
Laat u hart Hom loof en dank,
Want Hy het ons krag belowe
Elke dag ons lewe lank.

Neem een tree met Jesus voorwaarts;
Weet u nie Hy pleit so teer?
Laat Sy vrede in u hart kom,
Hou gemeenskap met u Heer.

Neem een tree met Jesus voorwaarts;
Laat u moed u nie begeef;
Weet dat Hy die prys betaal het;
Hy pleit nou dat u kan leef.

174. Neem op u kruis

Neem op u kruis, was sy bevel,
“As u my volg’ling hier wil wees;
Laat vaar die sond’ verloën self,
Met ootmoed volg My onbevrees.

Neem op u kruis, laat nie, my kind,
U hart swig onder die gewig;
My sterkte sal u hart verbind,
U arm versterk, u gees verlig.

Neem op u kruis, ag skande nie;
Laat nooit u hart weerspanning wees;
Ek het vir u die kruis verduur
Om u te red van angs en vrees.

Neem op u kruis, dan in My krag
Braveer elk’ storm en vyand groot;
Dit lei na sege oor die graf
En voer u huiswaarts na My skoot.”

175. Neem tyd, o verlose

Neem tyd, o verlose, om heilig te wees;
Bly dig by die Heiland; aanbid Hom in gees;
Gaan om met Gods' kinders; doen andere goed;
Die Heer merk in stilte op u liefdegloed.

Neem tyd, o verlose, om heilig te wees;
Die wêreld bied vreugde, haar vreugde bring vrees.
Neem stilte met Jesus aan wie u behoort;
U lig en u spyse is daaglik sy woord.

Neem tyd, o verlose, om heilig te wees
En kleef aan Hom vaster, vir niemand bevrees.
Met oog op die Heiland word u Hom gelyk;
Die hart wat Hom aankleef word sterk en word ryk.

Neem tyd, o verlose, om heilig te wees;
Soek biddend die stilte; bepeins wat u lees.
Gelei deur die Gees na die Lewensfontein,
Dan word u ook eenmaal soos Jesus so rein.

176. Neig nou u oor en kom

Neig nou u oor en kom;
Die deur staan ope wyd;
Want net gehoorsaamheid aan Hom
Bring u tevredenheid.

Hoor, Hy roep u: "Kom!"
Stel Hom nie teleur;
Weldra kom die Bruidegom,
En sluit die ope deur.

Waar lewend' waters stroom
Wag Hy geruime tyd;
God wil nou in u hart kom woon
En deur die ewigheid.

Hy sal u hart verbly
Met liefde, vrede, rus;
Sy lewe sal u siel bevry
Dan dien u Hom met lus

Ons sond' het Hy gedra
Om ons te kan bevry;
Hy het gesterf op Golgota;
Vir ons het Hy gely.

177. Neig tog U oor na my

Neig tog U oor na my
Geen rusplek vind ek hier:
O, Lam van God, ek roep tot U;
Wil U my weg bestier.

Neig tog oor na my,
My hart voel so ontrus:
Ek kom 'n sondaar soos ek is
En soek by U nou rus.

Lank op die woeste weë
Het ek verkies te swerf;
Die dor' woestyn laat ek nou bly.
Red U my van verderf.

Die aardse weelde kwyn;
Gaan gou en leeg verby.
In plaas van brood kry ek 'n steen
Wat my laat honger bly.

Dis donker rondom my.
Laat bly my nie alleen;
'n Hart, gebroke bring ek U
O dryf my tog nie heen.

178. Net soos ek is

Net soos ek is, met geen verweer;
Net dat U bloed gestort is, Heer;
En nou roep U my na U weer-
O Lam van God, ek kom, ek kom.

Net soos ek is, so swak en blind,
Bied U genesing vir U kind.
Ja, alles sal ek in U vind,
O Lam van God, ek kom, ek kom.

Net soos ek is, aanvaar U my,
Verwelkom, reinig, stel my vry
Wat U beloop wil ek bely,
O Lam van God, ek kom, ek kom.

Net soos ek is, U liefde teer,
Het alle teestand afgeweer,
Ek 'hoort aan U, net U my Heer,
O Lam van God, ek kom, ek kom.

179. Nie na wysheid of roem

Nie na wysheid of roem
Nie na rykdom of eer,
Om die guns van die mens te verwerf,
Maar my hart sug so seer
In die diens van my Heer
Met getroues 'n deel te beërf.

*Ag my in met die helde so braaf en so trou;
Met die paar wat vir Jesus die vaandel ophou;
Ag my in, ag my in;
Met getroues, ag my tog ook in.*

Is my deel nie juis daar
In die hewige stryd
Op die voorgrond teen sonde te veg;
Neem gewillig my stand
Uit my Meester se hand
En wil ongekend stry vir sy weg.

Weet ek maar dat my Heer
Nie my poging verag
Waarmee ek aan sy diens my wil wy;
Bly ek trou op my pos
Wat dit my ook mag kos
En getrou volg ek hom waar Hy lei.

180. Nie verlos deur goud

Nie verlos deur goud of silwer,
Maar deur Jesus kosbaar' bloed;
Is betaal die skatloos losprys,
Vlekloos Lam, U het geboet.

*Dit is Jesus, my Heiland,
Wat sy lewe gee vir my;
O die liefde so onmeetlik,
Op Golgota daar rnoes Hy ly.*

Nie verlos net tot verkwisting
Van ons tyd, talente, krag.
Wat Hy gee; Hy ken ons swakheid;
Dra ons laste dag na dag.

Nie verlos genot te soek maar
'Wyl die kosbaar' tyd verloop;
Kort, so kort ons lewensdraad hier;
Dag en jaar moet ons uitkoop.

Hy verlos my deur genade,
Groter liefde ken ek nie;
Seun van God, so rein, so heilig
Is die offer wat Hy gee.

181. Nog onbeslote, let op u hart

Nog onbeslote, let op u hart;
Bedroef die Gees nie; doen Hom geen smart.
Waarom so lank gewag?
Weldra kom reeds die nag,
Dan geen genadedag,
Maar ew'ge smart.

Nog onbeslote, verag u Hom?
Hoor tog hoe pleitend roep Hy u: "Kom!"
Bloed stroom van hand en sy;
Aanskou hoe Hy moes ly
Om u eens te bevry.
Hoor dan en kom.

Nog onbeslote, tyd vlieg so gou.
Nog wag U Heiland, kyk hoe getrou.
Maar as Hy eens besluit:
Nou gaan genade sluit.
Wie kry u siel as buit?
Help dan berou?

182. O Dierbaar' Heer

O Dierbaar' Heer, ons pleit hier weer
Voor U genadetroon;
Vergeef en reinig soos voorheen,
U vriend'likheid betoon.

Daal op ons neer soos môredou
En soos die lentereën
Wat d' aardryk kleed met sagte groen,
Stort so op ons U seën;
Oorklee ons rein.

Van wat ontbreek, is ons bewus
En van onwaardigheid;
Deel aan ons mee U Heil'ge Gees
Dat Hy deur ons kan pleit.
Die een wat ons by U verklae
Verberg hom uit gesig,
Dat ons op Hom wat vir ons bid
Ons oë slegs mag rig
En duid'lik sien.

Hoeveel ook, slegs een liggaam maar.
Eendragtig bid ons, Heer.
Bring tot bedaring alle stryd;
Van ons die afguns weer.
Tot hoeder van ons broeder maak
U elk van ons bereid,
Verbind ons saam, U Naam tot eer,
In volle enigheid
Verenig ons.

Eenparig mag ons bede styg
Dat dit mag wees met krag;
En elke wys' versoek beaam
Waar ons ootmoedig wag.
Vergeef waar ons vergewe, Heer,
So stel ons elkeen vry;
Nie soos ons wens maar soos U wil;
Mag dit ons seën bly;
U wil geskied.

183. O God van Bet-el

O God van Bet-el, deur U hand
Word steeds U volk gevoed.
U het deur die woestyn so dor
Ons vaders ook behoed.

Ons smeekgebed en loflied styg
Tot U genadetroon;
God van ons vaders bly ons God.
Wil ons met heil bekroon.

Waar soms die weg so donker skyn,
Bewaar ons van die kwaad.
Gee ons elk' dag ons daaglik brood.
U bystand en U raad.

O, sprei U vleuels oor ons uit
Versorg ons dag na dag,
Tot ons bereik ons Vaderhuis
Waar volle vreugd' ons wag.

In ootmoet seek ons uit U hand.
'n Seën te verkry;
So sal U, ons verkore God;
Ons deel vir ewig bly.

184. Heer, ek dank U

Heer, ek dank U vir die Weg
Wat my geopen is.
Uit donker wys U my die dag
Die dagbreek kom net na die nag.

My siel verhef tot U sy lof
En dankbaar is my hart
Vir al die seën wat U skenk,
Vir elke oomblik my gedenk,

Ek weet dat ek nog sondig is
My hart roep uit vir hulp
Om self en sonde te oorwin
En dit wat skeiding van U bring,

Verlang te wandel op U Weg
Met hart en doel opreg,
Dat and're in my lewe merk
'n Vryheid deur U Gees bewerk.

185. Ons God, ons Vader

Ons God, ons Vader, skenk ons guns
Tot U te nader nou;
Wil elke hindernis verban;
Ons biddend hou.

Deel aan ons mee U Heil'ge Gees
Dat Hy vir ons mag pleit,
Want Hy alleen deurgrond ons hart'
En ken die stryd.

O Vader openbaar die kwaad;
Laat U lig daarop skyn.
Gewas in Christus' bloed word Ons
Van binne rein.

O stort U salig' liefde uit
In elke wagtend' hart;
Dat U deur ons die wêreld min
In elke part.

O Vader wil ons nou ontmoet;
Deur Christus' bloed bevry,
Vrywillig wil ons Hom tot slaaf
Vir ewig bly.

186. O Heiland, stuur U vrede

O Heiland, stuur U vrede neer
Op my vermoeide hart.
Twyfel en vrees omring hier my,
Strek uit U arm en maak my vry.

O Heer, U is my skuilplek nou
En daal die skadu's neer,
Soek ek na U teenwoordigheid
Aanskou ek daar U heerlijkheid

Wanneer ek in benoudheid, Heer,
Om U genade smEEK,
Laat U my sonder troos nooit meer,
Maar in gena' en liefde teer

Wanneer my korte lewensdag
Vir altyd is verby;
Geen smart of sugte en geen pyn;
Hoor ek maar net die soet refrein:

187. O hoe soet is Jesus' woorde

O hoe soet is Jesus' woorde
Op ons pelgrimsreis gehoor:
Waak en bid, dit sal ons altyd
Hou hier op die regte spoor.
Want hoe ver ons ook mag gaan
En Gods weg ook leer verstaan;
Satan kan ons nog verslaan
As ons trou nie waak en bid.

*Waak en bid elke dag;
Waak en bid, hou die wag;
Daaglik kom die vyand weer;
Ons moet altyd waak en bid.*

As die glans van sonn'ge tye
Ons die pad verlig soos dag
Is dit altyd om te waarsku
Dat ons dan moet bid en wag.
Seker is die vyand daar,
Al het ons hom nie gewaar,
Maar daar is nie meer gevaar
As ons trou net waak en bid.

Kom daar donkere beproewings,
Word ons harte nog vertroos;
Kom ons dikwels in versoekings
Word nie bang of moedeloos.
As ons opkyk na die Heer
Gee Hy ons genade weer
En oorwinning, selfbeheer,
As ons trou net waak en bid.

188. O hoor die stem van Jesus

O hoor die stem van Jesus,
In sagte klanke soet:
“Kom met u sware laste
En rus hier aan my voet.”
Sy vrede, soet vergifnis
Vind u met hart vermoei.
Hy lei u, o so minsaam,
Waar lewend' waters vloei.

U enigst' hoop is Jesus,
Moet nie van Hom wegdwaal.
Want spoedig staan u voor Hom.
Die oordeelsdag bepaal.
Wanneer dan alle nasies
Voor Hom sal moet verskyn;
Wie sy gena' verag het,
Sal wees in smart en pyn.

Sien Jesus' hart van liefde;
Nog steeds roep Hy so sag.
Bedroef tog nie sy Gees nie;
Moet nie sy wil 'ontag.
U dag en jaar snel gou heen.
Om nooit weer t'rug te keer.
Waarom dan bly 'n sondaar
Verlore sonder Heer?

189. O Lam van God

O Lam van God, waar U ook al mag gaan
U bloedgeplengde spore toon ons aan;
Hoe ons die weg moet volg deur U gena';
U kry oorwinning deur die kruis te dra.

Van ned'rig' afkoms, nie uit priesterstand;
Met droefheid, lyding nou aan U verwant;
'Skoon uitgewerp, verlate en verag;
U Naam daarbo dra nou die hoogst' gesag.

U is ons voorbeeld wat vir ewig bly;
Ofskoon verag, wil ons U Naam bely
En hoe kan ons dan wens 'n ander weg
Met die wat sê, maar dit nie meen opreg?

Die tyd word kort te arbei hier vir U;
Te soek na die wat nie die waarheid sku;
Ons kom dan tuis as ons U roepstem hoor;
Help, Heer, vir U ons lewens te verloor.

190. O leer my hoe te min

O leer my hoe te min
Soos U bemin het my;
et liefde onselfsugtig, rein,
Wat geur alom versprei.

Leer my tevrede wees
Met al U wil vir my.
Van hardheid onboetvaardigheid,
O Vader, hou my vry.

O gee my wysheid, Heer,
Om alle kwaad te weer
Wat ander kan tot struikel bring,
Hul harte van U keer.

O help my te vergeef
Soos U vergeef het my.
Hou U my rein van alle waan
En vorm van huig'lary.

O help my vriend'lik wees;
Lankmoedig, trou en sag
En waardig, dat U elke woord
En daad verseël mag.

O help my te volhard
Soos ander het verduur.
'n Dienskneg wees wat waaksaam, trou,
Die prys behaal, so duur.

191. O om te wandel

O om te wandel met die Heer;
Sy stem hoor fluister sag.
Mag ons sy woord gehoorsaam wees;
Sy wil alleen betrag.

Die wil van God is beste steeds
Dit bring verlossing aan.
Vry van onself mag ons sy rus
Vir ewig binnegaan.

Lewe vir self bring groot verlies,
Want ons bly net alleen;
Gee ons aan God, verloën self
Word dit die rykste seën.

Doen ons sy wil ontvang ons krag
Oor sonde te regeer;
Dis net maar so dat ons behaal
Oorwinning meer en meer.

192. O siel beswaard

O siel beswaard, deur sond' ontrus,
U pad word donker, steil en ru;
God spreek, daarvan is u bewus,
Hy pleit met u, Hy pleit met u.

*Die Heiland troos u hart so seer.
Verlang gevang'ne te bevry;
O hoor sy roepstem vriend'lik teer:
Gee oor aan My, gee oor aan My.*

Hier rondgeslinger heen en weer;
Waar moet u sonder stuurman land?
Maak Jesus u Kaptein, u Heer,
Hy stuur u reg met kennershand.

Verwerp u nou sy liefde, vriend,
Dan gaan u stellig skipbreuk ly;
Laat Hy u stuur en u sal vind,
Dat Hy u veilig tuis sal lei.

Heer Jesus, U wil 'k alles wy
Ek kan my lewe hier nie rig;
Neem vol beheer en gee aan my
U god'lik' lewe, krag en lig.

193. O vir die rus en die vrede

O vir die rus en die vrede, Heer,
Wat in U wil berus,
Ook wat vertrou dat U sal kies
Wat vir my beste is.

Beste al moet ook my planne vaar;
Al word ek ook soms moeg;
Beste al het ek hier nie veel
In U het ek genoeg.

Al moet ek ly, neem my kragte af,
Skyn al my werk verniet;
Moet ek ontbeer wat ander het,
U wil alleen geskied.

Al word ek hier soms teleurgestel
Is dit ook goed vir my;
Dit maak my los van wat wil bind
En nader na U lei.

O vir die vree' wat volkome rus
U alles toevertrou.
Nogtans u hand in alles sien,
Bring dit my vreugd' of rou.

Wat hoor die stem van 'n Vader spreek
Wat alles beste doen;
O vir die vree', die volle rus,
'n Hart met U versoen.

194. O wat sal u doen

O wat sal u doen met Jesus?
Die vraag kom sag en soet;
Hy spreek tot u: “ Lê u laste
Maar neer hier aan my voet.”
O, siel beswaard en droewig
Die stem spreek lief en sag;
Wat dan sal u doen met Jesus?
O laat Hom nie langer wag.

Wat is u antwoord nou?
Wat is u antwoord nou?
Wat sal u doen met Jesus,
O, wat is u antwoord nou?

O wat sal u doen met Jesus?
Die stem spreek duid'lik, klaar;
Die plegtige woorde klink hier
In elke hart voorwaar.
Van groot gewig is die antwoord;
Vol erns vir u en my.
Wat dan sal u doen met Jesus?
O wat is u antwoord nou?

O, dink aan die Hemelkoning,
Wat op die aard' moes woon
Sy lewe so rein en heilig,
Sy dood, sy kruis, sy kroon;
Sy teer', ontfermende liefde,
En sy groot offer reeds.
Wat sal u dan doen met Jesus,
O wat sal u antwoord wees?

195. Om Jesus te dien hier

Om Jesus te dien hier, bring troos aan my hart;
Hy's altyd hier by my as ek doen my part.
Daar's niks in die wêreld; hul soek net plesier,
Maar vrede voldoening gee Jesus my hier.

Om Jesus te dien hier waar roes nie verteer,
Verseker die hemel; sy vrese my leer.
Geen diewe kry toegang verwoesting te bring.
Wie Jesus beveilig sal sy lof besing.

Om Jesus te dien hier, sy wil laat geskied,
Bring vreugde onmeetlik, my lewe te bied.
Net leef vir die lewe wat ewig sal duur,
En Jesus, my Heiland, te dien elke uur.

Om Jesus te dien hier waar God my beheer;
Ontvang ek die lewe wat my hart begeer.
Want gou sien ek Jesus en hoe sal dit wees?
Ag sal ek gereed wees, of wegvlug in vrees?

196. Onfeilbaar' Heer

Onfeilbaar' Heer, u weg beplan
Kan veel nog nie verstaan,
Word net aan kinders openbaar,
Klein kudde hier voortaan.

Die mens se skerpste intellek
Is swak en kan nie sien;
Die wonderbare waarheid rein
In die wat Hom slegs dien.

'n Pelgrimslewe word verkies,
Huis, vriende te verlaat.
Dit lyk so dwaas vir meeste hier
Jouself te saai soos saad.

Die eensaam' Een word steeds verwerp
Sy Naam word steeds verag;
In vrederyk sal Hy regeer
Op daardie heerlik' dag.

Ons kan hier juig en spring van vreugd',
Beloning is naby.
Om Hom te sien, sy glimlag deel,
Maak ons van vrees dan vry.

197. Ons dank U, Vader

Ons dank U, Vader, vir die reis
Hier oor die brandend' sand,
Heer, vir elk ondervinding van
Die leiding van U hand.

Ons dank U vir die sieledors
En vir die heilfontein;
In woeste plekke selfs drink ons
Die lewend' water rein.

Ons dank ook vir die rus in U;
Vermoeides ken dit, Heer.
Volmaakte medelyde wat
Ons ook van U moet leer.
Ons dank ook vir U troue staf
Wat ons vertroos en leer;
Ook vir bestraffing prys ons U;
Vir sorg en liefde teer.

Ons dank U vir die hartevree'
Wat niks van ons kan roof;
'n Teenwoordig', lewend' Heer
Soos Hy ons het beloof.
En wanneer in sy heerlikheid
So sonder sorg en vrees
Ons aan die woeste weg gedink,
Sal ons meer dankbaar wees.

Te midde van ons sondestryd,
Herdenk ons water soet;
Wat U voorsien het vir ons dors,
Dit kos U kosbaar' bloed.
In vrede gaan ons nou betree,
Die weg deur U gebaan;
Deur diepe nood leer ons benee',
Meer van U wil verstaan.

198. Ons leef net eenmaal

Ons leef net eenmaal die lewe;
Ernstig' gedagte, voorwaar.
Gou snel ons reis na die end toe,
Gou die geveg dan ook klaar.

*O wat sal dit baat dan,
Weelde soek ryk te wil wees?
Wat as u daardeur u siel pand;
Was dit dan nie tevergeefs?*

Lewe soos bloeisels, wat bloei hier,
Welk en verdwyn ongemerk;
Tyd'lik maar net is hul glorie
Die vreug' tot een dag beperk

As u die laste te swaar vind,
Moeg van 'n lewe so leeg;
Jesus belowe u redding,
Kom na Hom, wil dit oorweeg.

Kies nou om Hom te gehoorsaam,
Gee aan sy roepstem gehoor;
Dit is die keuse van redding;
Gee Hom as Heer alles oor.

199. Ons min die enig' Weg

Ons min die enig' Weg van God;
Die ned'rig' weg was Jesus lot.
Pelgrims en vreemdelinge hier
Reis ons net onder sy banier.

*In Jesus vind ons nog die Weg
Wat lei na God en lig en reg.
Solank Hy ons in lewe hou,
Bly ons Hom tot die dood getrou.*

Ons hoor sy stem en sien sy hand
Wat ons voortlei deur dorre sand;
Ons weet die end is heerlik soet
Waar ons sal rus vind vir ons voet.

Ons God so goed en saggiesind
Het ons verdwaald in sond' gevind
En liefd'ryk na die lig gelei
Waarvoor ons Hom ons loflied wy.

Sy arm is sterk, ons vrees nie meer
Hoe ook omring deur Satansleer;
Hy sal verdedig teen gevaar;
Ons tot die end getrou bewaar.

200. Ons sien graag Jesus

Ons sien graag Jesus, skaduwees word langer
Oor die klein landskap van ons lewensduur;
Ons sien graag Jesus, ons geloof versterk Hy
Ook gee Hy krag in laaste lewensuur.

Ons sien graag Jesus, Hy, ons Rots en Vesting
Waarop ons voet geplaas is deur gena'.
Nie dood of lewe met hul verontrusting
Kan ons verhinder want ons volg Hom na.

Ons sien graag Jesus - ander ligte kwyn nou,
Wat ons vertroosting was in tyd verby;
Ons eie kragte kwyn ook, word al minder;
Ons treur nie, want ons gaan met U te bly.

Ons sien graag Jesus - Ons het Hom so nodig;
Krag, vreug', gewilligheid kom met die sig;
Ons sien Hom sterwend, opgestaan en pleitend;
Vaarwel nou nag, ons groet 'n blye dag.

201. Ons verwelk hier

Ons verwelk hier net soos die blomme
Wat nog gister staan in volle prag.
O hoe menig' sterf met die ure.
Oor ons pad val die skadu van die graf

*Ons spoed voort hier en sal nooit weer
Hierdie pelgrimsweg betree op aard',
O hoe treurig dat daar so menig'
Kosbaar' lewens so nutteloos ontaard.*

Al ons dae spoed soos 'n skadu.
Gou sal ons die doodsvallei betree.
Wêreldvreugd' is net vir 'n oomblik,
Aardse hoop faal vir ewig hier benee'.

In die dag van jeug, o onthou tog,
Nooit beleef U hierdie tyd ooit weer.
Met gety van tyd vaar ons voorwaarts
Na die kus vanwaar niemand t'rug sal keer.

In sy jeugdig' dae het die Heiland
Pyn en smart vir my en u deurstaan;
Eensaam, moeg in stilte gely hier.
Sal sy liefd' vir u siel dan ooit vergaan?

202. Oor en oor kom daar

Oor en oor kom daar 'n stem wat pleit
Van die kuste van die ewigheid:
“Wees standvastig, broeder, en bereid;
Hou opreg u hart en doel.”

*Jesus Heiland, kom bly by my,
Dat ek U nabyheid voel;
Help my loop, en sing en arbei,
Steeds opreg in hart en doel.*

Vrees van binne maak my somtyds bang
Waar die vyand soek my ondergang;
Dan vra ek my af in die gedrang:
Is opreg my hart en doel?

Mag geloof my help my weg te rig;
Hoop my oë vestig op die lig;
Liefde help my trou te doen my plig
En opreg hou hart en doel.

Heer, U liefd' gena bevredig my
Waar ek voortreis aldag aan U sy
En ek dra my laste dankbaar, bly,
Steeds opreg in hart en doel.

203. Op weg na Golgota

Op weg na Golgota
Het Hy verduur die spot;
Met rowers word gekruisig Hy,
Jesus, die Lam van God.

*Ons dank U vir die brood
Wat U ons siel mee voed.
Ons dank U vir die wyn wat spreek
Van U versoenend' bloed.*

Die wêreldsondelas
Het Hy op Hom gehaal;
Sy hoof buig Hy en gee die gees;
Die losprys is betaal.

Van sonde rein gewas
Deur Jesus kosbaar' bloed
Pleit ons vir krag U trou te dien
Met liefde en met moed.

204. Sag en soet kom daar

Sag en soet kom daar 'n roepstem:

“Waarom sterf U, siel van my”

Dis die Heer wat sag en ned'rig

Verder gaan, u hart verby.

Gaan verby, gaan verby,

Gaan verby, miskien vir altyd;

Gaan verby, miskien vir altyd;

Jesus, Hy gaan nou verby.

Nog in teerheid pleit Hy met u;

Sonde bring die ew'ge pyn.

Aardse vreugde is maar tyd'lik;

Dit is alles net maar skyn.

Onvervalste vrede gee Hy

Aan die hart wat Hom behoort;

Weet sy liefde is vir ewig;

Hou en lei u daaglik voort.

Ander' mag aan u ontrou wees.

Hy staan by u in die stryd.

O wees ernstig, kom en volg Hom;

Wag nie 'n geleëner tyd.

205. Saggies en tederlik

Saggies en tederlik roep Jesus u nou;
Roep steeds na u en na my.
Kyk na die poort nou; Hy's wakend en wagtend;
Wagtend op u en op my.

*"Kom tuis, kom tuis;
O u, vermoeide, kom tuis."
Dringend en liefderyk roep Jesus u nou,
Roep u, "O sondaar, kom tuis."*

Waarom nog wag dan 'wyl Jesus met u pleit,
Hy pleit met u en met my?
Waarom vertoef nog en ag nie sy liefde,
Liefde vir u en vir my?

Tyd gaan verby en dit snel so gou heen dan,
Snel heen van u en van my.
Skaduwees daal reeds, die doodsuur kom nader,
Nader vir u en vir my.

Liefde so wonderlik wat Hy beloof het,
Aan u beloof het en my.
Gee ons van sonde vergifnis en vrypraak,
Vrypraak vir u en vir my.

206. Siel vermoeid, verlaat u sonde

Siel vermoeid, verlaat u sonde,
Sluit u hart nie meer.
Uit die wêreldsdroom ontwakend
Maak wyd oop die deur.

*Met die lewenslamp nog brandend
En die hart van God steeds smagtend,
Liefdevolle arms nog wagtend,
Gee uself nou oor.*

Vir die Heer se tere roepstem
Sluit u hart nie meer.
Vir die stem vol sag erbarming
Maak wyd oop die deur.

Vir die evangelieboodskap
Sluit u hart nie meer;
Te ontvang 'n volle redding
Maak wyd oop die deur.

Vir die vreug' wat nooit verdof nie,
Sluit u hart nie meer.
Vir 'n eindelose vrede
Maak wyd oop die deur.

207. Siel wat voortdryf

Siel wat voortdryf sonder Heiland
Met geen hoop oor graf en dood,
Kyk, Hy bied sy hand in liefde
U te red uit al u nood.

*Neem sy hand, Hy hou dit uit nog,
Kom al is u vrees hoe groot,
Hy wat ken u sond' en droefheid,
Hy sal nooit nie u verstoot.*

Soek die Heer, 'wyl Hy te vind' is.
Roep Hom aan, Hy sal verhoor
Hoe die sonde ook wil hinder,
Kom na Jesus, gee u oor.

Hoor sy tere stem so pleitend:
"Siel, vir u het Ek gesterf
En u lewe wat so duur kos,
Wil Ek red van die verderf."

Nog roep Hy, wil u nog uitstel?
Dis u dag van saligheid.
Weet u nie dat daar kom nooit nie
'n Welaangenamer tyd?

208. Sing vir my die Sionslied're

Sing vir my die Sionslied're
Soetste klanke, skoonste taal.
Laat die wêreld van plesier sing
En die rykes van hul praal
Maar die lied're van Gods kinders
Wat ons saam in blydschap sing,
Spoor ons aan om tot ons Vader
Lof en eer en dank te bring.

Sing vir my terwyl die dag breek,
Bloeisels glinster nat van dou.
Sing vir my van Gods genade
Wat elk' oggend weer ontvou;
En wanneer die middag aanbreek
En die sorge druk my siel,
Sing dan van my Heer se voorspraak
Wat my in gebed laat kniel.

Sing gesange soet in Sion
As die aandster kom in sig
En my lewensboot sag voortseil
Na die hemelkus gerig.
Sou ek vrees terwyl ek oorgaan
Deur die diep gety, alleen;
Klink gesange soet van Sion
Oor die donker water heen.

Sing die lied van die opstanding
Wanneer Jesus t'rug sal keer,
Daar geen droefheid meer sal wees nie.
Kom die pelgrim by sy Heer.
Dan sal duisend, duisend stemme
Saam verhef in eerbetoon,
Wanneer ons 'n nuwe lied sing
Van die Lam voor God se troon.

209. Skenk my die Christussin

Skenk my die Christussin,
U reine sin en Gees,
Mag dit my diepste siel beweeg
U wet getrou te wees.

*O lei my, Heil'ge Gees,
Lei U my vinnig heen
Tot ek die hoogste prys verkry;
Die beelt'nis van u Seun.*

Skenk my die Christussin,
Te doen U heil'ge wil;
Met heel my hart, my krag, my siel.
U liefdeswet vervul.

Skenk my die Christussin,
U liefde, ywer, Gees,
Dat ek mag in genade groei,
Deur U verseël te wees.

Skenk my die Christussin.
Te volg, by U te wees;
Volmaak te word in heiligheid.
In liefde en Godsvrees.

210. Skenk my 'n hart so teer

Skenk my 'n hart so teer en sag,
'n Minsaam' hart, vernu deur krag;
En laat dit wees soos U Heer,
In daad en woord soos U begeer.
Neem weg die bitterheid,
Die harde hart van nyd.
Skenk my 'n tere hart
Vol meegevoel in smart;
'n Hart wat kan begryp,
Wat nie sal kwyn of treur,
Maar weer orent sal beur,
Soos U hart Heer.

Skenk my 'n hart, van sond' verlos,
Onwaardig soos ek ook maar is,
En mag U Gees my tempel vul
En leer my sê: "Net soos U wil."
Onreg wil ek vergeet,
Wat ander doen aan my
En toon die tederheid
Van Christus wat moes ly;
Laat tranesmart my was,
Leer my om in te pas;
Skenk my 'n tere hart -
Soos U hart Heer.

Skenk my 'n hart vry van bedrog,
'n Hart wat steeds vergewe nog,
'n Hart wat reik tot liefdesdaad
In nood 'n vriend te help met raad.
Ek wil ook voel die pyn
Wat ander om my voel;
Ek wil my hand uitsteek,
Dit is my lewensdoel.
Ek wil die smarte deel
In alle wel en wee.
Gee my 'n tere hart
'Wyl hier benee'.

211. Skenk ons Heer

Skenk ons Heer, U teer ontferming,
Skenk dit elke dag.
In die midde van gevare
Leer ons op U wag.

*Leer ons om te bid,
Hoe te waak en bid.
Wreed die magte van die bose;
Leer ons om te bid.*

In die stilte van U aanskyn
Sterk ons vir die stryd;
Dat ons in die kryg nie wankel
Wees ons hulp altyd.

Heer, bewaar U volk, beskut hul,
Val die vyand aan;
Op die weg wat ons moet wandel,
Help ons teen te staan.

Deur u Gees, Heer, maak ons lewend'
'Wyl ons bede styg.
Harte teer, gebroke seek U,
Waar ons voor U buig.

212. Slegs een tree nou

Slegs een tree nou, God sien u stille stryd ook
Slegs een tree nou, o aarsel tog nie meer.
Slegs maar een tree; Sy koninkryk te erwe.
Waarom versuim? Hy roep u keer op keer.

Slegs een tree nou, dan grote hemelvreugde;
Slegs een tree nou, vergifnis te ontvang.
Slegs maar een tree, die roepstem kom nou dringend,
Laat sondeval tog nie versper u gang.

Slegs een tree nou, laat u deur Jesus lei hier,
Slegs een tree nou, u het ook niks te vrees.
Slegs maar een tree, o siel laat u nie hinder,
Neem nou die stap, God wil u helper wees.

Slegs een tree nou, reik u hand na die Heiland,
Slegs een tree nou, Hy is nou so naby.
Slegs maar een tree, as u nou nog sou aarsel
Hoe treurig as sy roepstem nie meer stry.

213. Slegs maar een lewe

Slegs maar een lewe het ek op aard',
Soos 'n newel weer sal dit verdwyn.
Ek moet arbei vir skatte van waard'
Eer die sonlig vir my nie meer skyn.

*Slegs maar een lewe hier,
Ek wil dit tog van God nie weerhou.
Slegs maar een lewe hier,
Ek wil streef om sy guns te behou.*

Hierdie lewe gee ek, dis my al
Om 'n honderdvoud weer te kan wen.
Ek verkies in die aarde te val
En te sterf om Gods beste te ken.

Slegs een lewe en ryp staan die graan;
Medelydend aanskou ek die nood.
Die een lewe van my bied ek aan,
Kan ek een siel maar red van die dood.

Die een lewe so swak en so teer
Wil die vlees en die wêreld verniel,
Maar by elke toets antwoord ek weer:
Ek wil God dien met hart en met siel.

214. So wonderbaar U weë

So wonderbaar U weë
Ek het dit ondervind.
My lewensloop's verander
Toe U my kies as kind.
Ag, help my in my wandel
Opreg, getrou te wees
En kom ek in U woning
Dan hoef ek niks te vrees.

*Help my getrou steeds wandel
Met hart en doel gerig;
Weg van al aardse vreugde
Slegs hemelsloon in sig.*

Die wêreld, vlees en duiwel
Wil my graag hier beheer
En toon my al hul luister;
Wil my van U afkeer.
U weg is vir my oop nou,
Ek sien U heerlikheid.
'n Kroon wag die getroues;
Hoe groot die Saligheid.

My oë hou gesalf Heer,
Gods beste hier te sien.
Mag al die aards' plesiere
Geen mag hê oor my siel.
Waar Satan ook wil hinder
Deur my hier te bekoor,
O mag my hart steeds luister
U sagte stem te hoor.

215. Soet' woord' van Jesus

Soet' woord' van Jesus is ewig en waar
Soos lentesaadjies, saai ons dit daar.
Bring dan die boodskap wat my sal genees,
Die woord van Jesus verkwik weer my gees.

*Saai, saai die woord,
Hemelse saad.
Die woord van Jesus,
Wat ewiglik baat.*

Saai dan, O Saaier met liefde volhard;
Kosbaar die boodskap vanuit Gods hart.
Ek so onwaardig, onrein, swak bevind;
Spreek, spreek die boodskap, dit maak my sy kind.

Bring 'heel die boodskap, want vry wil ek wees,
Sy glansryk skoonheid vul 'heel my gees,
Dit toon my daaglik die best' te begeer
En hom te kroon dan as Koning en Heer.

216. Somtyds sit u en mymer

Somtyds sit u en mymer
En oor u lewe sug;
Weet God wat dit gegee het,
Eis dit weer eendag terug.

*Waarom nou nie
Alles Hom oorgee dat Hy u seën?
Kom tog betyds, laat die Heer dan nou
Sy liefd' en lewe in u bou.*

Eendag meen u, dien u Hom,
Maar Satan hou sy mag;
Wins en plesier bekoor u,
Gou daal 'n stikdonker nag.

Gods' liefde bied u redding;
Sy krag ontnem die vrees,
Sterk u en maak u diensbaar
Wat ook u lot mag wees.

Wag nou nie meer tot "Eendag"
Kom, bied uself Hom aan;
Vrede en vreugd', vergifnis,
Gee God u nou voortaan.

217. Sonder Jesus of 'n Heiland

Sonder Jesus of 'n Heiland;
Kan dit wees, vriend, dat u
Soos 'n skip wat sonder stuurrat
Dryf hier op 'n wilde see?

*O te wees hier sonder Heiland,
Sonder vrede of gena';
Sterwe en u God t' ontmoet so,
Kyk, o vriend, die groot gevaar.*

Sonder Jesus, sonder Heiland;
Donker u lewensbaan.
Sonder heil, geen hoop of vreugde;
So onrein voor Hom te staan.

Sonder Jesus, en 'n Heiland;
Sal u reis duister wees.
Wolke kom en storme tref u
Jesus wil u Redder wees.

Sonder Jesus, en 'n Heiland;
Gee Hom tog nou u hart
Voor genadedag hier eindig
En u hoor die woord': "Te laat!"

218. Sou ek alles hê

Sou ek alles hê maar nie die Heiland,
Is die lewe dan iets werd vir my?
Sou my smagtend' siel kon rus en troos vind
In die dinge wat tog gaan verby?
As ek alles het maar nie die Heiland
Is dit werd om aan te hou met stry?
Of kan aardse vreugd' ooit vergelyk word
Met 'n lewe aan God toegewy?

Het ek liefd' en rykdom hier op aarde,
Was my naam vereer die wêreld deur,
Maar geen hoop hierna. geen hawe wagtend
Waar my storm-vernieelde boot heen keer,
Sou ek alles hê maar nie die Heiland,
Wat die kruis verdra het, wreed gedood.
Kan die ganse wêreld bied 'n toevlugsoord
Waarheen ek kan vlug in bange nood?

O, hoe leeg 'n lewe sonder Heiland
Tussen sond' en sorg hier benee';
En 'n ewigheid dan sonder Jesus
Bring alleen tog traan' en droefheid mee.
Al sou ek kon lewe sonder Heiland,
Maar as ek moet sterf, hoe sal dit wees?
Sonder Hom die doodsvallei dan binnegaan
En 'n ewigheid vol angs en vrees?

O, die vreugde wat ons vind in Jesus;
Dis soos balsem vir gebroke hart.
Al ons ongeregtigheid vergeef Hy,
In sy liefde voel Hy al ons smart.
As ek Jesus het, alleen maar Jesus,
Sal ek niks hier anders dan begeer;
Alles is dan myne hier in Jesus,
Hy alleen is dan my God en Heer.

219. Sou toetse swaar my hier

Sou toetse swaar my hier ook tref
En storme groot hul mag verhef,
Verheug ek my as ek besef
My Heer, U dink aan my.

*My Heer, U dink aan my,
My Heer, U dink aan my,
Van vrees nou vry verheug ek my,
Want Heer, U dink aan my.*

Die lewensorge keer op keer
Bewolk my geest'lik' lewe, Heer,
Dan dink ek aan U liefde teer
En weet U dink aan my.

Laat skaduwees maar kom en gaan,
Lewe uit vreug' of sorg bestaan,
Ek is gerus, want ek verstaan
My Heer, U dink aan my.

220. Stil heengegaan

Stil heengegaan,
Verlos van pyn en vrees.
By Jesus leef
Vir ewig daar te wees.

Treur nie, o Siel
Sag rus u dierb're daar.
Aan Jesus boesem
By die Hemelskaar.

Tuis, Hemelhuis,
Geen pyn of moeite meer,
Geliefde rus nou
Aan sy boesem teer.

Dag, ewig lig,
Daar kom nie meer 'n nag
So soet die rus
Wat u en my daar wag.

Dit was sy wil
Van aardse kommer vry
Roep Jesus ons,
Om ewig daar te bly.

221. Stuur U lig O liewe Heer

Stuur U lig O liewe Heer
Waar die duisternis regeer.
Maak steeds lewend deur U woord:
Laat die nasies tot U keer.

Stuur U woord van ouds gehoor;
Waar afgode nog regeer;
Laat hul weet van heind' en ver,
Jesus red; sy dag breek weer.

Die gevang'ne sal dan juig
Van tradisie vrygestel;
In die hart se koninkryk,
Lig en waarheid, liefd' opwel.

Kom tog Koning, soewerein,
Heer van here, Vredevors.
Wil regeer, u redding bring
Waar nog siele na U dors.

222. Troostend is my die gedagte

Troostend is my die gedagte
Dat my Vader weet;
Want wat Hy, my Vader, doen ook
Lenig al my leed.
Goed ken ek die Hart wat reël,
Niks as goed vir my:
Vreugd' en droefheid saamgewewe;
Louter' liefde bly.

Kosbaar dat my Vader weet en
Trou sy kind behoed,
Bied my aankruip teen Hom nader
As die storme woed;
Is my aardse hoop verpletter,
Moet soms trane val
Nogtans bly Hy my Vertrouster
Ja, my Vriend, my al.

Soet Hom alles te vertel ook
Wat Hyself reeds weet;
Op Hom wentel al my laste
Wat ek wil vergeet,
En dan sonder sorg en kommer,
Slegs te rus maar stil.
Dank bring ek hom toe vir alles
Want dit is sy Wil.

O, almeer Hom te vertrou dan,
Slegs maar aan te hou
In die salige bewussyn
Van sy Vadertrou.
Na die veelbewoë lewe
Smaak ek eens sy rus;
Weltevrede dat sy weë
Immer beste is.

223. Tyd snel tog so gou

Tyd snel tog so gou verby hier,
Dae en jare kom nooit weer.
Maak die beste van u kanse,
Want die dood, kan niemand keer.
Lewe is so kort van duur ook,
Sal vir ewig hier verdwyn.
Moet ook nie u edel' kragte
So verspil, dit bring net pyn.

Koop die goud so helder, glinst'rend;

Koop die kleeed so wit en skoon.

Met gesalfde oë sienend,

Wandel trou, God sal beloon.

Tyd gaan ewiglik maar voorwaarts;
Hier is niks wat dit kan keer.
Al hoe nader kruip die skadu's
Wat verkondig nag daal neer.
O ontwaak, daar's veel te doen nog;
Arbei trou, dit bring u eer.
Soek sy rykdom onverganklik
Waar geen mot of roes verteer.

God wil u so graag verander
Na die beelt'nis van sy Seun;
Moet tog nie sy Gees bedroef nie,
Maar sy werk in u nou steun.
God se waarheid is net Jesus,
Sit en luister aan sy voet.
Leer van Hom, Hy's sag en ned'rig;
Wil u van gevaar behoed.

224. U Bloedspoor wil ek volg

U Bloedspoor wil ek volg vrywillig, Heiland,
Al sou die pad vol dorings wees en ru
En dor' woestyne voor my ook al uitstrek,
Verlaat ek U nie weer nie; Ek wil volg slegs U.

*Aan U voetbank hier
Lê ek alles neer;
Te lewe, ly of sterwe,
Vir my dierbaar' Heer.*

Want waar U gaan daar wil ek met U gaan, Heer;
Waar U vernag, vertoef ek ook met U;
Verdrukking met U eie volk verkies ek;
Verlaat ek U nie weer nie; Ek wil volg slegs U.

Die God van hemel voer die stryd vir my nou;
Gee my gena' die vyand nie te sku:
Al word ook vreugd' of droefheid my beskore,
Verlaat ek U nie weer nie; Ek wil volg slegs U.

Ag waarom aandring, ned'rig? Man van Smarte :
Ek kan nie omdraai want ek volg net U;
My hart gewen, bewonder ek U skoonheid;
Die dood kan ons nie skei nie; Ek wil volg slegs U.

225. U is waardig

U is waardig, U is waardig,
Dierb're Jesus, ewige Heer;
Waardig is U van ons beste,
Voor u buig die eng'le neer.
As daar meer van ons verwag word,
Mag 'n loflied tot U styg
Wat weerklink soos hemelkanke
'Wyl ons aan U voete buig.

*U het ons verlos, Heer,
Vir uself, Heer Jesus
Deur Getsemane en deur
U bloed op Golgota.*

U is waardig, U is waardig,
Lam van God vir ons geslag!
U is waardig in ons lewens
Te herleef, Heer, elke dag.
Aan U wy ons krag, aanbidding,
Al ons liefde prys en eer.
O vir ewig is U waardig
God'lik Lig en Koning, Heer!

226. Vader in genade

Vader in genade
Hoor my as ek vra,
Maak U dienskneg waardig
Jesus' Naam te dra.
Hy so teer en ned'rig,
Skenk gena' aan my.
Dat sy woord vir ewig
In my hart mag bly.

Arm van gees wil ek nou
Soek U aangesig;
Open tog U woning
Vir die hart so rein.
U die mag en glorie,
Sien my in gena'
Sodat ek in ootmoed
Altyd vrug kan dra.

Vader aan U voetbank
Moet ek dit erken,
Hul wat hier nie sterf nie
Bly maar net alleen.
Laat die liefd' van Jesus
In my hart regeer.
Sodat ek mag voortbring
Vrugte tot U eer.

Liefdevolle Vader,
Kyk tog neer op my.
Leer my soos my Meester
Om te sterf en ly.
Niks van U weerhou nie,
Niks kan ek bewaar,
Net sy heerlik' beeld as
Hy Hom openbaar.

227. Vader ons ontmoet

Vader ons ontmoet
Ned'rig en met vrees.
Mag U Gees so soet
Naby ons nou wees.

Vader waar ons bid,
Wil ons U tog vra
Liefd' aan ons te gee,
Krag om ons te dra.

Vader as ons spreek,
Mag dit u woord wees
Ons 'n mondstuk week
Woorde deur U Gees.

Elk' woord lewend' brood
Breek U Heer vir my;
Op U tafel sprei
Offerande vry.

Vader as ons skei,
Mag begeertes sterk
In ons harte bly
Slegs vir U te werk.

Soos ons vir U leef
Heer, ons hart' beheer,
In U diens te streef
Siele te bekeer.

228. Van elke vlek, Heer, rein

Van elke vlek, Heer, rein;
Van elke sonde vry;
O Heiland, dis wat U beloof
Aan and're en aan my
Val ek dan soos voorheen
Deur vrees of twyfel Heer;
Ek spoed my na die kruis dan heen
En daar lê ek my neer.

My sonde wil ek nie
Vir U bedek, O Heer;
Al sal die wêreld my ook sien
My skuld lê 'k voor U neer.
Van U alleen is dit
Wat ek my hulp verwag;
Ek kom as 'n gebonde siel
Wat na bevryding smag.

Hier op U altaar lê 'k
Geheel my lewe neer.
Ek wens slegs dat U in my hart
Wil woon as Koning Heer.
Verteer nou deur U vuur
Die offer wat ek bring;
Dat ek versterk met god'lik' krag
U lofsang altyd sing.

Dan deur U Gees bestraal;
Deur U Heer, nou verlig,
Sien ek hoe het ek afgedwaal
Weg van U aangesig.
Skenk my tog U gena',
U wysheid, liefd' en krag,
Om steeds te lewe hier op aard'
Vir U, Heer, dag en nag.

229. Van hemelsluister

Van hemelsluister, van sy glorieryke troon,
Kom ons Verlosser ons sy liefde toon;
O die pyn en smarte
Wat Hy aan die kruis moes ly;
Daar moes sterf vir sondaars;
Ook vir u en my.

*Jesus, my Heiland,
U moes sterf my te behou,
Help my U dien hier
Tot ek U daarbo aanskou.*

Moeg en verlate
Op die kruin van Golgota,
Jesus, my Heiland,
Het die hoon verdra;
Hy, ons hoop ons voorspraak
Moes die dood vir ons ingaan;
Dog verrys in triomf.
Ewig leef voortaan.

Kan ons bedroef nog
Jesus, dierbaar' Seun van God?
Hy wat so vrylik
Kosbaar bloed moes stort,
Sonder hand wat uithelp
Dryf ons na 'n hooploos' graf:
Jesus was die losprys;
Maak ons vry van straf.

Kom tot die Heiland
Met u sware las van sorg;
Bring Hom U smarte.
Hy wil wees u borg;
U van laste losbind;
Dat geen sonde heers ooit weer:
Dan met hart vol vreugde
Leef U vir die Heer.

230. Van sonde siek, verlore

Van sonde siek, verlore,
So het Hy my gekry;
Dra my toe op sy skouers
Tot waar sy skape wei;
'Wyl eng'le sing so lieflik skoon,
Vol vreugde klink dit om sy troon.

O sy liefde soek my;
O sy bloed versoen my;
En genade bring my veilig tuis;
O sy groot genade bring my tuis.

Ek sien gewonde hande,
Dit het vir my gebloei.
Sy hoof bekroon met dorings;
Dit het Hom so vermoei.
Ek weet nie waarom Hy moes ly,
Wat het Hy dan gesien in my?

Waar nou die tyd verby vlieg,
Rus vrede in my hart.
Ek wag net op die môre
Wat kom so sonder smart.
Hy roep my om sy bruid te wees,
By Hom vier ek vir ewig fees.

231. Vergeet hul nie

Vergeet hul nie - Gods troue groep
Wat alles agterlaat.
Hul dra die waarheid na elk' land;
Volkome liefdesdaad!

Vergeet hul nie in eensaamheid.
In stil' gebed alleen,
Dat God ten goede aan hul dink
En hulle oral seën.

Vergeet hul nie - die werkers braaf,
Hul wat die saad versprei.
Vir Jesus 'n getroue slaaf;
Hul sien die mens' wat ly.

Vergeet hul nie, om Jesus' wil;
Hul ken geen selfsug nie;
Ned'rig dra hul, hul daaglik's kruis.
Ek smeeek, vergeet hul nie.

Nie hul alleen - onthou tog ook
Elkeen wat deur hul woord
Die evangelie hoor en glo:
Vir hul bid ons nog voort.

232. Vol blydskap in die Heer

Vol blydskap in die Heer
Volg ons nou in sy weg.
Sy liefdelesse net begeer;
Sy woord min ons opreg.
Gedoop in Jesus' Naam
Lê ons die sonde neer.
Aan heel die wêreld deel ons mee:
Ons hart' behoort die Heer.

Sy stem het ons gehoor:
Vervreemd van God, tevreë';
Ons kies toe self en gee ons oor
Sy weg Hom na te tree.
Gedoop in Jesus' Naam
Ons vreugd' in Hom vind ons.
Aan heel die wêreld deel ons mee:
Net Hy regverdig ons.

Met Jesus hier apart
Gods heilig' wil te doen;
Sy Gees verseël elke hart
En ons met Hom versoen.
Gedoop in Jesus' Naam
Verlos van sonde vry.
Aan heel die wêreld deel ons mee:
Ons hoop oor graf is Hy.

Hy lei ons aan die hand,
Ons Meester teer en trou;
Vrywillig staan ons aan sy kant;
Laat bly die wêreld nou.
Gedoop in Jesus' Naam
Het niemand op ons reg.
Aan heel die wêreld deel ons mee:
Sy Waarheid, Lew' en Weg.

233. Volsalig' ure van gebed

Volsalig' ure van gebed

Wat my van sorg en moeite red.

U nooi my na die Vaderstroon

Waar ek mag gaan om hulp betoon.

In tye van my pyn en smart

Sal U vertroos my droewig' hart.

Deur U weerstaan ek Satansmag

Al biddend, in die Heer se krag.

Volsalig' ure, bedestond,

U voer my op gewyde grond.

Die Heiland het die weg gebaan

Wat eeue reeds onwrikbaar staan.

Sy woord is my tot troos en steun

En sy gena' waarop ek leun;

Op Hom werp ek my aardse sorg,

Op Hom, my Heiland en my Borg.

Volsalig' ure van gebed,

U wat my siel van twyfel red:

Leer my die beste na te streef

So lank ek op die aarde leef;

En as ek straks staan voor Gods troon

Dan gee Hy my 'n erekroon

En juig ek daar voor U, my Heer.

Dan hoef my siel te bid nie meer.

234. Voor ons skei

Voor ons skei ons dierbaar' Heiland
Bring ons U ons lof en eer;
Vir U liefd' wat ons gespaar het,
Vir genade mild en teer.

*Bind ons offer, dierbaar' Heiland,
Sterker aan U altaar weer:
Dat die geur wat daar versprei word
U groot Naam verheerlik, Heer.*

In die boesem van die toekoms
Wag daar toetse onbekend;
Wil aan ons oorwinning gee, Heer,
Ons gena' en bystand send.

Honger siele sterwe om ons,
Hier waar duisternis regeer;
Ag dat ons mag ligte wees hier
Om U liefd' vir hul te leer.

As 'n swak vermoeide broeder
Liefd' en troos van ons begeer
Wil in liefderyk' erbarming
Heel ons hart dan tog beheer.

235. Vriend'lik versoekend

Vriend'lik versoekend: "Kom tog na My."

Jesus die Heiland maak u graag nou vry.

Ernstig roep Hy u: "Moet tog nie wag,

Vriend'lik versoekend. "Kom tog na My."

Dan sal u glorie, onsterflikheid kry;

Skande en oneer bly net vir die

Vriend'lik versoekend, nog roep Hy u:

Gou strand u tog maar teen rotse so ru:

Eng'le is wagtend, gee u nie om

Vriend'lik versoekend: "Kom tog na My."

Doelloos, vol onrus dryf u lig verby

Geen hoop, geen toevlug, waar land u aan?

236. Waar alles stil

Waar alles stil en vreedzaam is,
Rus ek waar Hy beveel.
Dis rus sy wil te ken, te doen,
Sy vreugd' en smart te deel.

*Hoe soet is die rus van God;
Veilig die Herderskoot;
Sy stem te hoor en fees te vier
Waar Hy toon sy liefde groot.*

My lew' in Christus is by God,
Verborge in sy hart.
Sy voetstap volg ek dag na dag,
Nooit kom weer skeidingsmart.

Te midde van die aardsgewoel
Is Hy alleen my lus.
Te midde van die storm en drang
Ken ek sy kalme rus.

Geen twyfel nou nie meer, geen vrees;
Sy lig en liefdesorg
Verseker dat Hy naby is.
My Toevlug en my Borg.

Ek weet dat Hy my hand sal hou,
My siel versterk met krag
Totdat ek eind'lik met Hom staan
Voor God, die grote dag.

237. Waar eensaam bergtop

Waar eensaam bergtop rys.
Word God se woord bewaar.
Sy Seun, sy enigste, die prys
'n Vader offer daar.

*Alles gee Hy oor,
Heil'ge liefde dring.
Alles wat ons is of het,
Dis Syne wat ons bring.*

'n Siel wou Jesus loof
In ned'rig huis stort haar
Albasterfles uit oor sy hoof-
'n Liefdesdaad voorwaar.

In waarheid en in gees
So moet ons U aanbid;
U moes ook self die offer wees
Om ons hier vry te sit.

Getroues voor U troon
Sing daar eenparig weer:
"Eer, heerlikheid aan God se Seun,
Net waardig is U, Heer."

238. Waar is daar lig

Waar is daar lig, so vra beangste siele
“Wat na die lewenspad my voet kan lei?
Waar is daar lig? Die ydelheid vermoei my
En wêrelds’ eer, haar sonde, slawerny.”

Die lewenslig skyn altyd nog deur Jesus;
Nog roep Hy uit: “Kom hier. Ek is die Weg.”
O siel vol sorg, waarom wanhopig rondswerf?
Kom tog, Hy maak al wat verkeerd is reg.

Hy is die lig wat deur die duister heen dring
Om te verlig waar dood se skadu’s dreig.
O neem Hom aan, Hy is u sielsverlosser;
Gee u die mag vir God te kan getuig.

Die lewenslig is tog so kort van duur hier;
Volg ’wyl dit skyn, laat dit u pad verlig;
Stel tog nie uit, die duisternis oorval u;
Keer u te laat, mis u Sy aangesig.

239. Waar ons nou te saam

Waar ons nou te saam vergader,
Toon ons U is hier,
Stort U heil'ge Gees uit oor ons,
Wil ons hart' bestier.

*Jesus in U voetstap volgend
Sal ons voorwaarts gaan,
Tot oorwinning lei dit en die
Vyand word verslaan.*

Waar ons bid, Heer, bid U deur ons
Met U Heil'ge Gees.
Word U krag volbring in swakheid.
Satansleer sal vrees.

Mag die mensevrees verdwyn ook
As ons doen U wil.
Hul kan net die liggaam dood maar
Veilig bly die siel.

As die uiterlike mens sterf,
Kry ons nuwe krag,
Word verander na sy glorie
Sien Hom in sy mag.

240. Waar sal ek vlug

Waar sal ek vlug vir skuiling
My 'berg as storme woed?
Waar vind 'n veilig' rusplek
Teen alle vrees behoed.

*Jesus alleen gee redding;
Daarvan is ek bewus.
Teen elke storm beskerming
Gee Hy my siel nou rus.*

Saggies hoor ek Hom fluister:
"Kom nou na My en rus;
Hier in my arms bly veilig,
Steeds van my liefd' bewus."

Laste wil my soms neerdruk,
Laste te dra so waar.
Hoe soet sy fluisterend' stem dan:
Gee My u sorge maar.

So wil ek altyd voortreis
Tot ek die eindpaal win;
Leunend alleen op Jesus
Wie ek nie sien tog min.

241. Waar u huiswaarts reis

Waar u huiswaarts reis met Jesus,
Trou gevoed op hemelsbrood,
Laat u hart na ander' uitgaan,
Help die hong'riges in nood.

*Breek u hand die brood so mild'lik
Ryk die oes, wat u sal maai;
Liefdetrou betoon aan Jesus;
Wei sy kudde waar u saai.*

Dra u lewe vrug vir Jesus
Of bemoeilik u sy werk?
Die wat hulp verleen aan ander'
Ryklik vrugbaar word en sterk.

Gee, aan u sal dit gegee word
Toets die goue spreuk dis waar,
Ingedrukte maat oorvloeiend.
Gee die Heer aan wie Hom dien.

Laat u lewe diensbaar word so,
In die oesveld van die Heer.
Opgeoffer op sy altaar.
Volop vrugte kry u weer.

242. Was daar ooit so teer

Was daar ooit so teer 'n Herder.
Een so sag maar tog so goed
Soos die Heiland wat ons lief het?
Kom en kniel nou aan sy voet.

Sy genade is onmeetlik,
groter as die wye see;
So regverdig en barmhartig,
Wat ons meer as vryheid gee.

Wie deel meer in aardse smarte
As die Heer in Hemelryk?
Waar kry sondaars meer genade
As in God se koninkryk?

Want die liefd' van God is groter
As wat ons verstand bereik
En die hart van onse Vader
Is vol menseliewendheid.

243. Was dit vir my

Was dit vir my, alleen vir my,
Dat Hy sy troon daarbo laat bly;
Sy Vaders' heerlikheid verbeur:
Was dit vir my dat Hy selfs sterf?

*Dit was vir my, ja ook vir my,
O God'lik' liefde, groot en vry,
O liefde wat ek nie kan peil,
Hy sterf vir my, my Hoop, my Heil.*

Was dit vir my, soet engelkoor
Wat velde van Judea hoor?
Die sterrenag so lang gelee';
Was dit vir my dat God Hom gee?

Was dit vir my, Hy bid bedroef?
My sondelas wat Hom so proef.
Die nag daar in Getsemane:
Was dit vir my die sielewee?

Was dit vir my, sy hoof buig Hy
Daar op die kruis en stort Hy vry
Sy kosbaar' bloed soos karmosyn;
Was dit vir my sy dood en pyn?

244. Was my, o Lam van God

Was my, o Lam van God
Van sonde rein.
Deur U versoenend' bloed,
O, maak my rein.

Was my van elke vlek:
In my U beelt'nis wek;
In liefd' U septer strek,
Maak alles rein.

Was my, o Lam van God.
Van sonde rein.
Ek wens soos U te wees,
In alles rein.

O, mag die bloedgety
Uit U verwonde sy
My hart van skuld bevry;
U woning rein.

Was my o Lam van God
Van sonde rein.
Ek glo U kosbaar' bloed
Maak my nou rein.

U is my so naby;
So soet U rus vir my;
O reinheid salig vry;
Van sonde rein.

Was my, o Lam van God,
Van sonde rein.
Op U wil ek vertrou.
Ag, hou my rein.
U gee ek vol' beheer;
My hart tot U gekeer;
Klem ek my aan U, Heer;
Gered en rein.

245. Wees stil, laat Hy u vorm

Wees stil, laat Hy u vorm gee.

O Heer U moet my brei;

Wees U die Pottebakker,

En ek die sagte klei.

Maak my, o maak my

Na U wil,

Want in U hand

Rus ek nou stil.

Ek rus net in U hande

U stilte te verkry;

Brei my dan sag en vorm my

Vir U wil voorberei.

Geen vrees, maar ek vertrou Heer,

U liefd' en vaardigheid,

U leer my nuwe lesse.

Waar ek toegee, bereid.

Maak my net na U beeld, Heer,

Toon my U aangesig;

Tot ander sien in my, Heer,

U lieflike gesig.

246. Welsalig wie opreg

Welsalig wie opreg van hart
Van sond' omring hul rein bewaar:
Hul volg die ned'rig' weg van God;
Sy Vaderhand red uit gevaar.

*Deur kosbaar' bloed met God versoen,
Soek hul alleen Sy wil te doen.*

Welsalig wie opreg van hart
Sy heilig' wil en wet betrag;
Van harte wandel hul daarin,
Hul Vader God, hul steun en krag.

Welsalig wie opreg van hart
Weet om die vyand te weerstaan;
Die oog deur Hom gesalf. aanskou
En volg die Lam waar Hy ook gaan.

Welsalig wie opreg van hart
Sy aangesig sien stralend skyn;
Uit louter' liefde dien hul Hom
En hou sy woord en waarheid rein.